

**ANALISIS PERBANDINGAN AMALAN KAEDAH
PEMBAYARAN ZAKAT TANAMAN: KAJIAN DI
NEGERI SELANGOR DAN PERLIS**

NURUUL HIDAYAH BINTI MANSOR

**JABATAN SYARIAH DAN EKONOMI
AKADEMI PENGAJIAN ISLAM
UNIVERSITI MALAYA
KUALA LUMPUR
SESI 2012**

**ANALISIS PERBANDINGAN AMALAN KAEDAH
PEMBAYARAN ZAKAT TANAMAN: KAJIAN DI
NEGERI SELANGOR DAN PERLIS**

NURUUL HIDAYAH BINTI MANSOR

**JABATAN SYARIAH DAN EKONOMI
AKADEMI PENGAJIAN ISLAM
UNIVERSITI MALAYA
KUALA LUMPUR
SESI 2012**

**ANALISIS PERBANDINGAN AMALAN KAEDAH
PEMBAYARAN ZAKAT TANAMAN: KAJIAN DI
NEGERI SELANGOR DAN PERLIS**

NURUUL HIDAYAH BINTI MANSOR

**DISERTASI INI DIKEMUKAKAN UNTUK MEMENUHI
KEPERLUAN BAGI IJAZAH SARJANA SYARIAH**

**JABATAN SYARIAH DAN EKONOMI
AKADEMI PENGAJIAN ISLAM
UNIVERSITI MALAYA
KUALA LUMPUR
SESI 2012**

ABSTRAK

Hasil tanaman merupakan salah satu harta yang dikenakan zakat apabila telah mencukupi kadar nisab 5 *ausuq*. Kajian ini mengenalpasti persoalan-persoalan berkaitan kaedah pembayaran zakat tanaman yang melibatkan kaedah pengiraan dan saluran pembayaran zakat tanaman di negeri Selangor dan Perlis. Terdapat pelbagai kaedah dan penetapan yang digunapakai dalam membuat pembayaran zakat tanaman. Namun, kajian ini mengenalpasti amalan sebenar dalam kalangan petani menentukan kaedah pengiraan dan pemilihan saluran pembayaran zakat. Justeru itu, pelbagai data dikumpul merangkumi sumber perpustakaan, dokumentasi, temubual dan soal selidik. Setelah itu, data-data tersebut dianalisis secara terperinci dengan merujuk kepada objektif dan keperluan kajian. Hasil kajian mendapati terdapat beberapa perbezaan dalam penetapan dan amalan kaedah pembayaran zakat tanaman di antara negeri Selangor dan Perlis. Walaupun kedua-dua negeri mengenakan kadar bayaran zakat tanaman sebanyak 5 peratus, namun terdapat perbezaan dalam pengiraan zakat tanaman yang melibatkan tolakan kos-kos pengeluaran tanaman dan sara hidup sebelum zakat tanaman ditentukan. Begitu juga dengan amalan pengambiliraan subsidi harga padi di dalam pengiraan zakat tanaman. Manakala amalan saluran pembayaran zakat tanaman pula majoriti petani menyalurkan pembayaran zakat sama ada kepada amil atau institusi zakat ataupun terus kepada asnaf yang dirasakan layak menerima zakat.

ABSTRACT

Agricultural products are one of the items that requires the payment of zakah when adequate the nisab namely 5 ausuq. This study identifies issues related to zakah payment methods in respect of the calculation methods and the payment methods of agricultural zakah in Selangor and Perlis. There are various ways of determining the methods used to pay agricultural zakah. However, this study assesses the realities of the practice for paddy farmers to determine the calculation method and the method of payment for agricultural zakah. The data were collected through library resources, documentation, interviews and questionnaires. Subsequently, the data were analysed according to the objective and importance of the research. The results of the research found that there were some differences in the establishment and practices of paddy farmers in agricultural zakah payment in Selangor and Perlis. Although both states set a rate of 5 percent in agricultural zakah payment, there were differences in the zakah payment calculation which involved the production cost and living expenses. In addition, the paddy price subsidies are included in calculation of agricultural zakah. While concerning the payment methods, the majority of the paddy farmers distributed their zakah payment directly to the amil (collector zakah fund), zakah institution or to eligible recipients of the zakah fund.

PENGHARGAAN

بِسْمِ اللَّهِ الرَّحْمَنِ الرَّحِيمِ

Alhamdulillah syukur ke hadrat Ilahi di atas segala limpah rahmat dan rezeki-Nya. Selawat dan salam serta pujian buat junjungan Nabi Muhammad S.A.W. Syukur dengan limpah rahmat-Nya dapat juga penulis menyelesaikan disertasi ini dengan jayanya.

Penulis ingin merakamkan penghargaan dan jutaan terima kasih yang tidak terhingga kepada Dr Asmak Ab Rahman selaku penyelia yang banyak memberikan bimbingan, nasihat dan dorongan kepada penulis dalam melaksanakan kajian ini.

Jutaan terima kasih juga teristimewa buat ayah Mansor Abdullah Sani dan ibu Norani Kassim serta seluruh keluarga yang turut sentiasa memberikan pertolongan dan dorongan sepanjang tempoh kajian ini dijalankan. Tidak dilupakan juga buat suami tercinta Muhammad Azrae Mokhtar yang turut berkorban masa dan tenaga serta kelapangan dada memahami tugas yang perlu dilaksanakan ini.

Sekalung penghargaan juga buat pegawai-pegawai institusi yang terlibat iaitu Encik Mohd Faryzan Bin Subkhi, Pegawai Zakat Bahagian Dakwah dan Kutipan, Lembaga Zakat Selangor, Encik Mohd Khairi Bin Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat dari Majlis Agama Islam dan Adat Istiadat Melayu Perlis (MAIPs) serta pegawai-pegawai dari Jabatan Pertanian Negeri yang sudi berkongsi bahan dan maklumat yang diperlukan.

Ribuan terima kasih juga di atas pengalaman dan tunjuk ajar yang diberikan oleh para panel penyelidik iaitu Dr Asmak Ab Rahman, Prof Pazim@Fadzim Othman, Dr Siti Mashitoh Mahamood, Encik Azizi Che Seman dan Puan Nor Aini Ali melalui projek “Kutipan Zakat Pertanian: Perkembangan, Isu dan Prospek” (FR004/2007A) dan

projek “Kaedah Taksiran Zakat Tanaman di Malayasia: Kesan Sosioekonomi Terhadap Petani dan Penyelesaiannya” (FP029/2008C) kerana segala ilmu dan pengalaman berkaitan projek dapat diadaptasikan ke dalam kajian penulis.

Tidak ketinggalan juga kepada semua pensyarah-pensyarah dan tenaga pengajar dari Jabatan Syariah dan Ekonomi khususnya serta pensyarah-pensyarah di Akademi Pengajian Islam Universiti Malaya yang turut memberikan sumbangan idea dan dorongan yang tinggi kepada penulis.

Turut diberi penghargaan buat Universiti Malaya yang telah memberikan sumber pembiayaan kewangan berbentuk Peruntukan Penyelidikan Pascasiswazah Universiti Malaya (P045/2009A) dan Skim Biasiswazah Universiti Malaya (SBUM) yang secara langsungnya membantu proses pelaksanaan kajian ini berjalan dengan lancar dan sempurna.

Terima kasih yang tidak terhingga buat semua responden dalam kalangan petani di Selangor dan Perlis yang telah memberikan kerjasama yang baik bagi menjayakan proses pengisian maklumat dalam data soal selidik serta tidak lupa kepada para enumerator yang banyak membantu dan bertungkus lumus mengedarkan soal selidik kajian ini.

Tidak lupa terima kasih juga buat rakan-rakan yang turut memberikan kata semangat dan kerjasama kepada penulis untuk menyempurnakan kajian ini. Seterusnya terima kasih buat semua pihak sama ada yang terlibat secara langsung atau tidak langsung bagi menjayakan kajian ini.

Terima kasih.

Sekian,

NURUUL HIDAYAH MANSOR

02-11-09 Desa Tun Razak
Jln. 9/118B Desa Tun Razak,
56000 Cheras
Kuala Lumpur

Jabatan Syariah dan Ekonomi
Akademi Pengajian Islam
Universiti Malaya
50603 Kuala Lumpur

28 Oktober 2011

DAFTAR ISI

ANALISIS PERBANDINGAN AMALAN KAEDAH PEMBAYARAN ZAKAT TANAMAN: KAJIAN DI NEGERI SELANGOR DAN PERLIS

ISI KANDUNGAN	HALAMAN
Abstrak	ii
<i>Abstract</i>	iii
Penghargaan	iv
Daftar Isi	vii
Senarai Jadual	xii
Senarai Carta	xvi
Senarai Rajah	xviii
Senarai Transliterasi	xix
Senarai Kependekan	xxi
Senarai Lampiran	xxiv

BAB SATU: PENGENALAN

1.1	Pendahuluan	1	
1.2	Latar Belakang Kajian	5	
1.3	Permasalahan Kajian	7	
1.4	Objektif Kajian	9	
1.5	Kepentingan Kajian	10	
1.6	Skop Kajian	10	
1.7	Metodologi Kajian	12	
	1.7.1	Metod Pengumpulan Data	13
	1.7.2	Metod Penganalisan Data	13

1.8	Kajian-Kajian Lepas	14
1.8.1	Kajian Berkaitan Bidang Pertanian	14
1.8.2	Kajian Berkaitan Zakat dan Ekonomi Zakat	16
1.8.3	Kajian Khusus Bidang Zakat Tanaman	19
1.9	Kesimpulan	28

BAB DUA: KONSEP-KONSEP UMUM ZAKAT TANAMAN

2.1	Pendahuluan	29
2.2	Jenis-Jenis Zakat	31
2.3	Pengertian Zakat Tanaman	31
2.4	Dalil-Dalil Zakat Tanaman	33
2.5	Hasil Zakat Tanaman	35
2.6	Syarat-Syarat Wajib Zakat Tanaman	40
2.7	Kadar Nisab Zakat Tanaman	45
2.8	Kadar Peratus Bayaran Zakat Tanaman	49
2.9	Kaedah Pengiraan Zakat Tanaman Berdasarkan Tolakan Kos	51
2.9.1	Pandangan Fuqaha Terhadap Tolakan Kos Tanaman	52
2.9.2	Pandangan fuqaha Terhadap Tolakan Kos Sara Hidup	53
2.10	Pengagihan Zakat Tanaman	55
2.11	Kesimpulan	63

BAB TIGA: METODOLOGI KAJIAN

3.1	Pendahuluan	65
3.2	Metodologi Kajian	66
3.2.1	Metod Pengumpulan Data	66
3.2.1(a)	Pengumpulan Data Kualitatif	67
3.2.1(a)(i)	Metod Perpustakaan	67
3.2.1(a)(ii)	Metod Temubual	68
3.2.1(b)	Pengumpulan Data Kuantitatif	71
3.2.1(b)(i)	Metod Soal Selidik	71
	i)Objektif Soal Selidik	71
	ii)Kaedah Persampelan	72
	iii)Uji Rintis	76
	iv)Instrumen Soalan Soal Selidik	77
3.2.2	Metod Penganalisaan Data	78
3.2.2(a)	Analisis Induktif	78
3.2.2(b)	Analisis Deduktif	78
3.2.2(c)	Analisis Diskriptif	80
3.2.2(d)	Analisis Komparatif	80
3.3	Kesimpulan	80

BAB EMPAT: AMALAN PELAKSANAAN INSTITUSI ZAKAT DALAM KAEDAH PEMBAYARAN ZAKAT TANAMAN DI SELANGOR DAN PERLIS

4.1	Pendahuluan	82
4.2	Pentadbiran Zakat Tanaman	83

4.3	Amalan Pengiraan Semasa Zakat Tanaman	84
4.3.1	Penentuan Kadar Nisab Semasa Zakat Tanaman	84
4.3.2	Kaedah Pengiraan Zakat Tanaman Berdasarkan Tolakan Kos	87
4.3.3	Pengiraan Zakat Ke atas Subsidi Harga Padi	94
4.4	Amalan Pemilihan Saluran Pembayaran Zakat Tanaman	94
4.5	Kesimpulan	96

BAB LIMA: ANALISIS SOAL SELIDIK

5.1	Pendahuluan	97
5.2	Analisis Demografi Responden	97
5.2.1	Jantina	98
5.2.2	Umur	99
5.2.3	Taraf Perkahwinan	100
5.2.4	Taraf Pendidikan Tertinggi	101
5.3	Analisis Dalam Kaedah Pengiraan Zakat Tanaman	102
5.3.1	Perbandingan Kekerapan Pembayaran Zakat Tanaman	104
5.3.2	Perbandingan Amalan Penentuan Kadar Nisab Zakat Tanaman	104
5.3.3	Perbandingan Amalan Pengiraan Zakat Tanaman Berdasarkan Kos	106

5.3.4	Perbandingan Amalan Pengiraan Subsidi Harga Padi dalam Pengiraan Zakat Tanaman	111
5.3.5	Perbandingan Amalan Kadar Peratus Bayaran Zakat Tanaman	114
5.3.6	Perbandingan Perolehan Hasil Pendapatan dalam Kalangan Petani	116
5.4	Analisis Perbandingan Amalan Kaedah Saluran Pembayaran Zakat Tanaman	122
5.4.1	Saluran Penerima Pembayaran Zakat Tanaman	122
5.4.2	Sistem dan Infrastruktur Pembayaran Zakat Tanaman	126
5.5	Analisis Sistem Penyampaian Maklumat Berkaitan Zakat Tanaman	129
5.6	Kesimpulan	131

BAB ENAM: KESIMPULAN DAN CADANGAN

6.1	Pendahuluan	134
6.2	Kesimpulan	134
6.2.1	Kaedah Pengiraan Zakat Tanaman	134
6.2.1.1	Kadar Nisab Zakat Tanaman	135
6.2.1.2	Kadar Zakat Dengan Tolakan Kos	136
6.2.1.3	Peneluaran Zakat Dengan Kiraan Subsidi Harga Padi	136
6.2.1.4	Kadar Peratus Pengeluaran Zakat	137
6.2.2	Kaedah Saluran Pembayaran Zakat Tanaman	138

6.3	Faktor Wujud Perbezaan Amalan Pembayaran Zakat Tanaman	138
6.4	Cadangan	142
6.5	Penutup	154

BIBLIOGRAFI

LAMPIRAN

SENARAI JADUAL

- Jadual 1.1** : Keluasan Bertanam dan Pengeluaran Hasil Padi Mengikut Negeri di Semenanjung Malaysia Bagi Tahun 2007-2010
- Jadual 1.2** : Bilangan Petani Mengikut Negeri di Semenanjung Malaysia Bagi Tahun 2009
- Jadual 1.3** : Nilai Semasa Kadar Nisab 5 *ausuq* Bagi Negeri Selangor dan Perlis
- Jadual 1.4** : Kadar Zakat Tanaman Bagi Negeri Selangor dan Perlis
- Jadual 2.1** : Ciri dan Jenis Tanaman Yang Dikenakan Zakat
- Jadual 2.2** : Kadar Nisab 5 *Ausuq* Dalam Sukatan Gantang Madinah
- Jadual 2.3** : Pandangan Fuqaha Berkaitan Penentuan Kadar Cukup Nisab Zakat Pertanian
- Jadual 3.1** : Sesi Temubual Bersama Pegawai di Lembaga Zakat Selangor (LZS) dan Majlis Agama Islam dan Adat Istiadat Perlis (MAIPs)
- Jadual 3.2** : Struktur Soalan Temubual
- Jadual 3.3** : Data Populasi Kajian
- Jadual 3.4** : Taburan Persampelan Berdasarkan Keluasan Bertanam Sawah Padi Bagi Tahun 2010
- Jadual 4.1** : Pentadbiran dan Pengurusan Zakat Tanaman Bagi Negeri Selangor dan Perlis
- Jadual 4.2** : Contoh Jadual Hasil Pendapatan Petani Dengan Kadar Hanya Cukup Nisab 5 *ausuq* Bagi 1 Musim
- Jadual 4.3** : Contoh Pengiraan Zakat Tanaman 1 Musim Tanpa Tolakan Kos Tanaman dan Kos Sara Hidup

- Jadual 4.4** : Contoh Pengiraan Zakat Tanaman 1 musim Dengan Tolakan Kos Tanaman dan Kos Sara Hidup
- Jadual 4.5** : Perbezaan Jumlah Bayaran Zakat Daripada Hasil Pengeluaran Padi 12 tan Dengan Pengiraan Berdasarkan Hasil Kasar dan Hasil Bersih
- Jadual 4.6** : Institusi Zakat Di Negeri Selangor dan Perlis
- Jadual 5.1** : Jumlah Soal Selidik yang Dianalisis Bagi Negeri Selangor dan Perlis
- Jadual 5.2** : Jumlah Responden Berdasarkan Jantina Bagi Negeri Selangor dan Perlis
- Jadual 5.3** : Bilangan Responden Berdasarkan Julat Umur Bagi Negeri Selangor dan Perlis
- Jadual 5.4** : Bilangan Responden Berdasarkan Taraf Perkahwinan Bagi Negeri Selangor dan Perlis
- Jadual 5.5** : Bilangan Responden Berdasarkan Taraf Pendidikan Tertinggi Bagi Negeri Selangor dan Perlis
- Jadual 5.6** : Kekerapan Musim Tanaman Padi Bagi Negeri Selangor dan Perlis
- Jadual 5.7** : Nilai Timbangan Semasa Kadar Cukup Nisab Berdasarkan Kadar 5 *Ausuq* Bagi Negeri Selangor dan Perlis
- Jadual 5.8** : Amalan Penentuan Kadar Nisab Berdasarkan Jenis Timbangan Oleh Petani di Selangor dan Perlis
- Jadual 5.9** : Perbandingan Amalan Penentuan Kadar Nisab Berdasarkan Unit Timbangan dalam Kalangan Petani Bagi Negeri Selangor dan Perlis
- Jadual 5.10** : Contoh Pengiraan Zakat Tanaman di Selangor Berdasarkan Kadar Cukup Nisab
- Jadual 5.11** : Contoh Pengiraan Zakat Tanaman Bagi Negeri Perlis Berdasarkan Kadar Cukup Nisab
- Jadual 5.12** : Perbandingan Amalan Kaedah Pengiraan Zakat Tanaman Dengan Tolakan Kos dalam Kalangan Petani di Negeri Selangor dan Perlis
- Jadual 5.13** : Perbandingan Penetapan Pengiraan Subsidi Harga Padi dalam Pengiraan Zakat Tanaman oleh Institusi Zakat di Negeri Selangor dan Perlis
- Jadual 5.14** : Perbandingan Amalan Penerimaan Subsidi Harga Padi dalam Kalangan Petani di Negeri Selangor dan Perlis

- Jadual 5.15** : Perbandingan Amalan Pengambiliraan Subsidi Harga Padi dalam Pengiraan Zakat Tanaman dalam Kalangan Petani di Negeri Selangor dan Perlis
- Jadual 5.16** : Penetapan Kadar Pembayaran Zakat Tanaman Oleh Institusi Zakat di Negeri Selangor dan Perlis
- Jadual 5.17** : Perbandingan Amalan Kadar Bayaran Zakat Tanaman dalam Kalangan Petani di Negeri Selangor dan Perlis
- Jadual 5.18** : Contoh Pengiraan Hasil Pendapatan Minimum Petani Berdasarkan Kadar Cukup Nisab 5 *Ausuq* di Selangor dan Perlis
- Jadual 5.19** : Perbandingan Hasil Pengeluaran Padi Bagi Musim 2009/2010 dalam Kalangan Petani di Negeri Selangor dan Perlis
- Jadual 5.20** : Perbandingan Amalan Penjualan Hasil Padi Oleh Petani di Negeri Selangor dan Perlis
- Jadual 5.21** : Perbandingan Hasil Pendapatan Petani di Selangor dan Perlis Berdasarkan Julat Hasil Pendapatan Bagi Musim Tahun 2009/2010
- Jadual 5.22** : Perbandingan Amalan Saluran Pembayaran Zakat Tanaman dalam Kalangan Petani di Selangor dan Perlis
- Jadual 5.23** : Sebab Bayaran Zakat Tanaman Disalurkan Terus Kepada Asnaf Oleh Petani di Selangor dan Perlis
- Jadual 5.24** : Kemudahan-Kemudahan dalam Sistem Pembayaran Zakat
- Jadual 5.25** : Persepsi Responden Di Negeri Selangor dan Perlis Mengenai Kemudahan Sistem Saluran Pembayaran Zakat Tanaman
- Jadual 5.26** : Program-Program Zakat yang Dijalankan Oleh Institusi Zakat di Negeri Selangor dan Perlis
- Jadual 5.27** : Perbandingan Amalan Kaedah Penerimaan Maklumat Berkaitan Zakat Tanaman dalam Kalangan Petani di Negeri Selangor dan Perlis
- Jadual 6.1** : Harga Minimum Jualan Padi Berdasarkan Kadar Cukup Nisab Zakat Tanaman Bagi Negeri Selangor dan Perlis
- Jadual 6.2** : Cadangan Pengiraan Zakat Tanaman
- Jadual 6.3** : Cadangan Formula Mudah Pengiraan Zakat Tanaman

SENARAI CARTA

- Carta 1.1** : Keluasan Bertanam Mengikut Negeri di Malaysia Bagi Tahun 2007-2010
- Carta 1.2** : Bilangan Petani di Negeri Selangor dan Perlis Bagi Tahun 2009
- Carta 5.1** : Peratus Responden Berdasarkan Jantina Bagi Negeri Selangor
- Carta 5.2** : Peratus Responden Berdasarkan Jantina Bagi Negeri Perlis
- Carta 5.3** : Peratus Responden Berdasarkan Julat Umur Bagi Negeri Selangor dan Perlis
- Carta 5.4** : Peratus Responden Berdasarkan Taraf Perkahwinan Bagi Negeri Selangor dan Perlis
- Carta 5.5** : Peratus Responden Berdasarkan Taraf Pendidikan Tertinggi Bagi Negeri Selangor dan Perlis
- Carta 5.6** : Peratus Kekerapan Musim Tanaman Padi Bagi Negeri Selangor dan Perlis
- Carta 5.7** : Peratus Perbandingan Amalan Penentuan Kadar Nisab Berdasarkan Unit Timbangan dalam Kalangan Petani Bagi Negeri Selangor dan Perlis
- Carta 5.8** : Peratus Perbandingan Amalan Kaedah Pengiraan Zakat Tanaman Dengan Tolakan Kos dalam Kalangan Petani di Negeri Selangor dan Perlis
- Carta 5.9** : Peratus Perbandingan Amalan Penerimaan Subsidi Harga Padi dalam Kalangan Petani di Negeri Selangor dan Perlis

- Carta 5.10** : Peratus Perbandingan Amalan Kaedah Pembayaran Subsidi Harga Padi dalam Pengiraan Zakat Tanaman dalam Kalangan Petani di Negeri Selangor dan Perlis
- Carta 5.11** : Peratus Perbandingan Amalan Penentuan Kadar Bayaran Zakat Ke atas Subsidi Harga Padi dalam Pengiraan Zakat Tanaman di Kalangan Petani di Negeri Selangor dan Perlis
- Carta 5.12** : Peratus Perbandingan Amalan Kadar Bayaran Zakat Tanaman dalam Kalangan Petani di Negeri Selangor dan Perlis
- Carta 5.13** : Peratus Perbandingan Hasil Pengeluaran Padi Bagi Musim 2009/2010 dalam Kalangan Petani di Negeri Selangor dan Perlis
- Carta 5.14** : Peratus Perbandingan Amalan Penjualan Hasil Padi Oleh Petani di Negeri Selangor dan Perlis
- Carta 5.15** : Peratus Keseluruhan Amalan Penjualan Hasil Padi Oleh Petani di Negeri Selangor dan Perlis
- Carta 5.16** : Peratus Perbandingan Hasil Pendapatan Petani di Selangor dan Perlis Berdasarkan Julat Hasil Pendapatan Bagi Musim Tahun 2009/2010
- Carta 5.17** : Peratus Perbandingan Amalan Saluran Pembayaran Zakat Tanaman dalam Kalangan Petani di Selangor dan Perlis
- Carta 5.18** : Peratus Persepsi Responden Di Negeri Selangor dan Perlis Mengenai Kemudahan Sistem Saluran Pembayaran Zakat Tanaman

SENARAI RAJAH

- Rajah 3.1** : Pelaksanaan Metodologi Kajian
- Rajah 3.2** : Penetapan Unit Sampel Bagi Populasi Berdasarkan Persampelan Berkelompok (*cluster*)

SENARAI TRANSLITERASI

Huruf Arab	Nama dan Transliterasi
ا , ء	Alif: a, Hamzah: ʿ
ب	Ba': b
ت	Ta': t
ث	Tha': th
ج	Jim: j
ح	Ha': ḥ
خ	Kha': kh
د	Dal: d
ذ	Dhal: dh
ر	Ra': r
ز	Zay: z
س	Sin: s
ش	Syin: sy
ص	Ṣad: ṣ
ض	Ḍad: ḍ
ط	Ṭa': ṭ
ظ	Ẓa': ẓ
ع	ʿAin: ʿ
غ	Ghayn: gh
ف	Fa': f
ق	Qaf: q
ك	Kaf: k
ل	Lam: l
م	Mim: m
ن	Nun: n
و	Waw: w
هـ	Ha': h

ي	Ya': y
ة	Ta' Marbūṭah: h

Vokal Panjang	
أ	Ā
او	Ū
اي	Ī

Vokal Pendek	
اَ	Fatḥah: a
اِ	Kasrah: i
اُ	Ḍammah: u

Diftong	
او	Aw
اي	Ay
يه	Iy/i
ؤ	Uww

Sumber: Kementerian Pendidikan Malaysia (1990), *Gaya Dewan, Sebuah Panduan Kerja Pernerbitan*, Edisi 2, Kuala Lumpur: dewan Bahasa dan Pustaka, hh. 135-136.

Nota: Transliterasi huruf rumi adalah berpandukan kepada Kementerian Pendidikan Malaysia. Istilah atau perkataan berasal daripada perkataan arab tetapi sudah menjadi sebutan umum Bahasa Malaysia adalah dieja mengikut perkataan Bahasa Malaysia.

SENARAI KEPENDEKAN

ATM	: <i>Automated Teller Machine</i>
Bil.	: Bilangan
BOT	: <i>Balance of Trade</i>
ed.	: Editor
h. / hh.	: Halaman / halaman lebih daripada satu
HMT/GMP	: Harga Minimum Terjamin / <i>Guarantee Minimum Price</i>
IADP	: Projek Pertanian Bersepadu Barat Laut Selangor
IkaZ	: Institut Kajian Zakat Malaysia
<i>Ibid.</i>	: <i>Ibidem- dalam karya dirujuk sama</i>
JAIPs	: Jabatan Agama Islam Perlis
JAWHAR	: Jabatan Wakaf, Zakat dan Haji
Jil.	: Jilid
Kg	: Kilogram

KPDNHEP	:	Kementerian Perdagangan Dalam Negeri dan Hal Ehwal Pengguna
KPDNKK	:	Kementerian Dalam Negeri Koperasi dan Kepenggunaan
LZS	:	Lembaga Zakat Selangor
MADA	:	Lembaga Kemajuan Pertanian Muda
<i>MAIN</i>	:	<i>Majlis Agama Islam Negeri</i>
MAIPs	:	<i>Majlis Agama Islam dan Adat Istiadat Melayu Perlis</i>
MAIS	:	Majlis Agama Islam Selangor
MAIWP	:	Majlis Agama Islam Wilayah Persekutuan
MP4	:	<i>MiniPlayer 4</i>
No.	:	Nombor
<i>Op. cit.</i>	:	<i>Opera Citato-dalam karya dirujuk sebelum</i>
PGK	:	Pendapatan Garis Kemiskinan
PPK	:	Pertubuhan Peladang Kawasan
PZS	:	Pusat Zakat Selangor
R&D	:	<i>Research and Development</i>
r.a	:	<i>Raḍī Allahu 'anhu</i>
RM	:	Ringgit Maaysia

RMK9	:	Rancangan Malaysia Ke-Sembilan
S.A.W	:	<i>Ṣallāllahu 'alaihi wasallam</i>
S.W.T	:	<i>Subḥānahu Wata'ālā</i>
SDZ	:	Skuad Dakwah Zakat
SMS	:	Sistem Pesanan Ringkas
SPM	:	Sijil Pelajaran Malaysia
SPSS	:	<i>Statistical Package for Social Sciences</i>
SRP/PMR	:	Penilaian Menengah Rendah
t.p	:	Tiada Penerbit
t.t	:	Tiada Tahun
terj.	:	Terjemahan
Vol.	:	<i>Volume</i>

SENARAI LAMPIRAN

Lampiran A : Soalan Temubual

Lampiran B : Borang Soal Selidik

Lampiran C : Data-Data

Lampiran D : Gambar



**BAB
SATU
(1)**

BAB SATU

PENGENALAN

1.1 PENDAHULUAN

Hasil pertanian adalah salah satu daripada harta yang diwajibkan zakat. Sehubungan itu, sumber-sumber tanaman yang menepati ciri zakat tanaman dan cukup nisabnya akan dikenakan zakat. Al-Quran dan hadis banyak membincangkan hal berkaitan zakat tanaman sama ada untuk menjelaskan hukum atau melaksanakan ibadat di samping membicarakan soal keperluan dan jaminan bekalan makanan yang menjadi asas kepada kehidupan manusia, sumbangannya kepada pembangunan ekonomi negara dan sebagainya. Ini kerana kegiatan pertanian yang dijalankan dapat memberi sumbangan yang besar kepada umat Islam untuk melaksanakan ibadat-ibadat yang diperintahkan Allah S.W.T seperti membayar zakat, melaksanakan ibadat korban, aqiqah, bersedekah dan sebagainya¹.

Persoalan zakat bukanlah perkara yang asing kepada masyarakat Islam. Malah kefardhuan zakat juga merupakan sesuatu yang tidak dinafikan lagi oleh umat Islam. Ini memandangkan bahawa zakat adalah salah satu dari rukun Islam yang perlu dilaksanakan dan menjadi asas dalam pembinaan masyarakat Islam yang sempurna.

Para fuqaha' telah bersetuju bahawa harta-harta yang dikenakan zakat adalah kerana untuk mengembangkan harta tersebut. Dengan itu, zakat juga diwajibkan ke atas hasil tanaman pertanian. Ini kerana ia merupakan satu kewajipan yang perlu

¹ Asmak Ab Rahman (2006), "Kepentingan Ekonomi Pertanian dari Perspektif Islam dan Amalannya di Kalangan Pesawah Padi di Selangor", *Jurnal Syariah*, Jil. 14 Bil. 1, Kuala Lumpur: Universiti Malaya, hh. 59-60.

dilaksanakan ke atas apa yang tumbuh dan berkembang daripada hasil bumi sama ada bijirinnya dan juga buahnya².

Di Malaysia, sektor pertanian adalah antara penyumbang kepada pembangunan ekonomi negara. Guna tanah pertanian di Malaysia³ dikategorikan kepada 4 kategori iaitu tanaman kebun, tanaman singkat masa, Pokok, Palma dan tanaman kekal lain serta guna tanah bagi kawasan ternakan. Bagi tanaman padi ia merupakan tanaman komoditi⁴ yang berada dalam kategori tanaman singkat masa⁵.

Negeri Kedah terkenal sebagai negeri Jelapang Padi di Semenanjung Malaysia mempunyai keluasan bertanam sawah padi terbesar dengan keluasan bertanam seluas 1,014,858 hektar bagi tahun 2010. Diikuti dengan negeri Perak, Perlis, Selangor, Pulau Pinang, Terengganu, Kelantan, Pahang, Johor dan Negeri Sembilan. Ini menunjukkan bahawa Selangor dan Perlis merupakan antara negeri yang banyak keluasan guna tanah untuk perusahaan padi. Manakala negeri Melaka pula mempunyai keluasan bertanam paling rendah bagi tahun 2010 tersebut iaitu seluas 7,724 hektar seperti mana yang ditunjukkan di dalam jadual 1.1 dan carta 1.1.

² Al-Qaraḍāwī, Yūsuf (1994), *Fiqh al-Zakāh*, C.21, Juz. 1, Qaherah: Maktabah Wahbah.

³Kementerian Pertanian dan Industri Asas Tani Malaysia (2010), *Perangkaan Agro Makanan 2010*, Putrajaya: Unit Pengurusan Maklumat dan Statistik, h. 19.

⁴ *Ibid.* h. 3.


⁵ *Ibid.* h. 19.

Jadual 1.1: Keluasan Bertanam dan Pengeluaran Hasil Padi Mengikut Negeri di Semenanjung Malaysia Bagi Tahun 2007-2010

Negeri	2007		2008		2009		2010	
	Keluasan (Hek)	Hasil (Tan)	Keluasan (Hek)	Hasil (Tan)	Keluasan (Hek)	Hasil (Tan)	Keluasan (Hek)	Hasil (Tan)
Johor	2,639	9,221	2,154	8,128	2,561	9,659	2,752	10,266
Kedah	211,644	911,295	211,044	867,335	213,895	923,666	210,644	1,014,858
Kelantan	73,514	249,440	68,598	232,309	74,842	265,289	71,420	25,037
Melaka	2,032	7,225	1,731	4,158	2,126	5,550	2,114	7,724
Negeri Sembilan	1,105	5,091	1,196	5,437	1,974	7,289	2,042	8,808
Pahang	7,415	22,673	6,331	21,384	7,442	30,084	6,968	23,259
Perak	81,027	259,081	80,724	280,237	81,188	311,150	82,104	270,875
Perlis	52,188	198,025	52,180	233,144	52,120	235,682	51,188	200,393
P.Pinang	25,513	120,286	25,564	120,075	25,564	133,048	25,630	122,594
Selangor	37,135	186,951	37,221	177,444	37,258	202,633	37,641	196,864
Terengganu	17,277	62,253	16,547	63,490	16,687	69,590	17,971	68,404
Jumlah	511,489	2,031,541	503,290	2,013,142	515,657	2,193,640	510,474	2,175,081

Sumber: Kementerian Pertanian dan Industri Asas Tani Malaysia (2010), *Perangkaan Agro Makanan 2010*, Putrajaya: Kementerian Pertanian dan Industri Asas Tani Malaysia, hh.28-29.

Carta 1.1: Keluasan Bertanam Mengikut Negeri di Malaysia Bagi Tahun 2007-2010



Sumber: Kementerian Pertanian dan Industri Asas Tani Malaysia (2010), *Perangkaan Agro Makanan 2010*, Putrajaya: Kementerian Pertanian dan Industri Asas Tani Malaysia, hh.28-29.

Terdapat 3 bidang utama guna tenaga dalam sektor pertanian di Malaysia iaitu petani tanaman (petani), petani ternakan (penternak) dan petani perikanan (nelayan)⁶. Antara tanaman yang diusahakan oleh petani tanaman termasuklah padi, kelapa, nanas, buah-buahan, sayur-sayuran, tanaman kontan, herba, rempah ratus dan bunga-bunga⁷. Jadual 1.2 menunjukkan bilangan petani di setiap negeri semenanjung Malaysia bagi tahun 2009 yang mengusahakan kategori tanaman komoditi termasuklah tanaman padi.

Jadual 1.2: Bilangan Petani Mengikut Negeri di Semenanjung Malaysia Bagi Tahun 2009


Negeri	Padi Sawah	Sayuran	Buahan	Tanaman Kontan	Tanaman Lain
Johor	740	4,920	70,900	14,040	10,410
Kedah	31,820	1,820	8,510	2,080	1,550
Kelantan	30,610	11,300	70,930	1,460	3,070
Melaka	290	620	2,290	680	1,470
N. Sembilan	150	820	14,160	450	680
Pahang	3,700	2,350	20,190	1,010	2,480
Perak	18,780	1,150	23,800	340	7,030
Perlis	7,440	140	470	80	10
P.Pinang	4,480	960	3,920	400	1,020
Selangor	17,580	1,030	7,440	1,250	9,710
Terengganu	9,500	1,890	6,010	380	1,330
Jumlah	125,090	27,000	228,620	22,170	38,760

Sumber: Kementerian Pertanian dan Industri Asas Tani Malaysia (2010), *Perangkaan Agro Makanan 2010*, Putrajaya: Kementerian Pertanian dan Industri Asas Tani Malaysia, h. 6.

⁶ Kementerian Pertanian dan Industri Asas Tani Malaysia (2010), akses pada 2011, 20 Ogos dari http://www.moa.gov.my/web/guest/buku_perangkaan_agro_makanan.

⁷ Kementerian Pertanian dan Industri Asas Tani Malaysia (2010), *op.cit*, h. 3.

Carta 1.2: Bilangan Petani di Negeri Selangor dan Perlis Bagi Tahun 2009



Sumber: Dibentuk dari Kementerian Pertanian dan Industri Asas Tani Malaysia (2010), *Perangkaan Agro Makanan 2010*, Putrajaya: Kementerian Pertanian dan Industri Asas Tani Malaysia, h. 6.

Carta 1.2 pula menunjukkan perbandingan penglibatan petani dalam tanaman padi sawah bagi negeri Selangor dan Perlis. Seramai 17,580 orang (47.5 peratus) petani di Selangor dan seramai 7,440 orang (91.4 peratus) petani di Perlis mengusahakan tanaman padi sawah bagi tahun 2009 yang merupakan penglibatan paling tinggi berbanding jenis tanaman yang lain. Ini menunjukkan tanaman padi sawah masih merupakan tanaman utama yang turut menyumbang kepada peluang pekerjaan bagi penduduk di Selangor dan Perlis dalam sektor pertanian tanaman.

1.2 LATAR BELAKANG KAJIAN

Pertanian yang merangkumi tumbuhan, ternakan dan perikanan adalah merupakan satu sektor ekonomi yang dinamik.

Zakat merupakan satu tanggungjawab yang diamanahkan kepada umat Islam apabila telah menepati syarat-syarat wajib zakat sama ada membayar mahupun menerima zakat. Terdapat dua jenis zakat pada umumnya iaitu zakat fitrah dan zakat

harta. Oleh kerana kajian ini menyentuh tentang tanaman padi sawah, maka zakat yang dibincangkan adalah zakat hasil tanaman yang termasuk dalam kategori zakat harta.

Secara amalan semasa di Malaysia, kadar nisab ditentukan dengan menggunakan nilai sukatan dalam bentuk kiraan metrik iaitu kilogram (kg), tan, liter dan sebagainya bagi memudahkan proses penentuan kadar cukup nisab zakat tanaman ditentukan bagi setiap hasil pengeluaran padi yang diperolehi.

Di Malaysia kadar lima *ausuq* ini dinilai pada kadar yang berbeza iaitu di antara 358-400 gantang⁸. Di Selangor kadar 5 *ausuq* adalah bersamaan dengan 363 gantang dan Perlis pula bersamaan dengan 2 kunca 7 naleh⁹. Oleh itu, petani yang memperoleh hasil padi yang mencapai kadar cukup nisab wajib mengeluarkan zakat.

Jadual 1.3: Nilai Semasa Kadar Nisab 5 *ausuq* Bagi Negeri Selangor dan Perlis

Negeri	Kadar Cukup Nisab Berdasarkan Kadar 5 <i>ausuq</i>				
	A	B	C	D	E
	Gantang	Kunca	Naleh	Kilogram	Tan Metrik ¹⁰ (D/1000)
Selangor	363	-	-	1306	1.306
Perlis	-	2	7	986.7	0.9867

- Sumber:
- Diubahsuai daripada Asmak Ab Rahman *et al.* (2009), “Analisis Kaedah Taksiran Zakat Pertanian di Malaysia” (Kertas Kerja Seminar Ekonomi Islam Peringkat Kebangsaan, 10-11 Februari 2009), h. 9.
 - Lembaga Zakat Selangor, <http://web.e-zakat.com.my/baru/k-zakat/pertanian.asp>, 18 Januari 2010.
 - Majlis Agama Islam dan Adat Istiadat Melayu Perlis (t.t), *Phamplet Zakat Majlis Agama Islam dan Adat Istiadat Melayu Perlis*, Perlis: Baitulmal, MAIPs, h.18.

Perbezaan sukatan dalam nilai gantang dengan kunca dan naleh juga telah memberi kesan kepada perbezaan dalam nilai kilogram dan tan. Jadual 1.3 menunjukkan kadar nisab 5 *ausuq* dalam unit kilogram (kg) bagi negeri Selangor

⁸ Asmak Ab Rahman *et al.* (2009), “Analisis Kaedah Taksiran Zakat Pertanian di Malaysia” (Kertas Kerja Seminar Ekonomi Islam Peringkat Kebangsaan, 10-11 Februari 2009), h.9.

⁹ Lembaga Zakat Selangor, <http://web.e-zakat.com.my/baru/k-zakat/pertanian.asp>, 18 Januari 2010; Majlis Agama Islam dan Adat Istiadat Melayu Perlis (t.t), *Phamplet Zakat Majlis Agama Islam dan Adat Istiadat Melayu Perlis*, Perlis: Baitulmal, MAIPs, h.18.

¹⁰ 1 tan bersamaan dengan 1000 kilogram.

bersamaan dengan 1306kg. Manakala negeri Perlis pula bersamaan dengan 986.7kg. Apabila kadar kilogram tersebut dinilai dalam unit tan pula, 1306kg hasil padi bersamaan dengan 1.306 tan bagi negeri Selangor dan 986.7kg pula bersamaan dengan 0.9867 tan bagi negeri Perlis.

Jadual 1.4: Kadar Zakat Tanaman Bagi Negeri Selangor dan Perlis

Negeri	Kadar Zakat Tanaman		
	5%	7.5%	10%
Selangor	√	-	-
Perlis	√	-	-

*(√) : Kadar zakat yang digunakan

- Sumber:
- a) Lembaga Zakat Selangor, <http://www.e-zakat.com.my/baru>, 04 Oktober 2010.
 - b) Majlis Agama Islam dan Adat Istiadat Melayu Perlis (2001), *Panduan Mengeluarkan Zakat*, Kangar: Majlis Agama Islam dan Adat Istiadat Melayu Perlis, h.20.

Berdasarkan jadual 1.4, kadar zakat tanaman yang digunakan oleh negeri Selangor dan Perlis ialah iaitu 5 peratus. Kadar zakat 5 peratus digunakan kerana di dapati petani-petani di negeri Selangor dan Perlis menggunakan pengangkutan air atau mengairi sawah dengan menggunakan jentera pengepam air.

1.3 PERMASALAHAN KAJIAN

Permasalahan kajian merujuk kepada dua kategori utama iaitu bagaimana zakat tanaman dinilai dari sudut pengiraannya dan kedua; kepada siapa saluran zakat tanaman itu dilakukan sama ada mengikut penetapan yang telah ditetapkan oleh pihak institusi zakat ataupun pelaksanaannya mengikut pendapat dan amalan petani sendiri.

Mengikut kepada latar belakang kajian yang diperjelaskan menggambarkan bahawa terdapat perbezaan yang dapat dilihat dari aspek pengiraan dan saluran pembayaran. Ini kerana masih tiada penyelarasan keseragaman dalam menetapkan kaedah-kaedah tertentu membayar zakat tanaman. Masih juga terdapat kaedah pembayaran yang

berbeza dalam kalangan petani di negeri Selangor dan Perlis secara amalnya walaupun ada penetapan yang dilakukan oleh pihak institusi zakat. Penyerahan terhadap penilaian sendiri oleh petani dalam menentukan kaedah-kaedah pembayaran zakat tanaman yang dilakukan oleh pihak institusi zakat kepada para petani juga memberi kesan kepada ketidakseragaman dan kepatuhan kaedah pengiraan yang bersesuaian dengan keadaan semasa.

Ketidakseragaman jelas kelihatan apabila perbandingan dilakukan antara pihak sama ada pertama; pihak institusi zakat dengan petani, kedua; petani dengan petani dan ketiga; perbandingan antara negeri iaitu Perlis dan Selangor.

Secara amalnya, hanya padi sahaja dikenakan zakat tanaman apabila hasil tanaman tersebut telah mencapai kadar cukup nisab iaitu sebanyak 363 gantang (1.306tan) hasil padi di negeri Selangor dan 2 kunca 7 nalah (0.9867tan) bagi negeri Perlis. Walaubagaimanapun, amalan sesetengah para petani adalah merujuk kepada kebiasaan pengiraan cukup nisab padi.

Manakala dari sudut pengiraan pula, menurut pihak institusi zakat Selangor pengiraan dalam zakat tanaman hanya boleh mengambilkira kos pengeluaran tanaman sahaja tanpa perlu mengambilkira kos sara hidup. Ini berbeza dengan negeri Perlis yang mana pengiraan zakat tanaman dilakukan dengan mengambilkira kedua-dua kos tanaman dan kos sara hidup sebelum ditentukan wajib membayar zakat tanaman¹¹. Namun, amalan petani di Selangor dan Perlis didapati masih terdapat perbezaan dalam pengiraan zakat tanaman seperti yang dinyatakan oleh pihak institusi zakat kerana hak pengiraan zakat ini diserahkan kepada petani sekiranya petani ingin mengiranya sendiri.

¹¹ Asmak Ab Rahman *et al.* (2009), *op cit*, h. 9

Begitu juga dengan pengiraan subsidi harga padi dalam zakat tanaman. Penentuan pembayaran zakat ke atas subsidi harga padi yang diterima di kalangan petani di negeri Selangor adalah diambilkira sebagai zakat *al-māl mustafad* dengan kadar 2.5 peratus. Manakala subsidi harga padi yang diterima di kalangan petani di Perlis pula tidak perlu diambilkira dalam pengiraan zakat tanaman. Walaupun begitu, masih ada kekeliruan dalam kalangan petani terhadap pengiraan subsidi tersebut dalam pengiraan zakat tanaman. Isunya akan timbul dalam golongan petani sawah yang mengusahakan sawah secara kecil-kecilan berbanding dengan petani yang mengusahakan sawah secara komersial yang mempunyai modal besar dalam aktiviti bersawah.

Walaupun realitinya telah lama wujud institusi yang menjalankan kutipan dan agihan zakat sama ada Lembaga Zakat Selangor dan Zakat Majlis Agama Islam Perlis, amalan sesetengah para petani di Selangor dan Perlis menyalurkan zakat adalah bebas mengikut kebiasaan mereka sama ada melalui institusi, amil, imam atau terus kepada asnaf dan kajian mendapati apa yang menjadi kepentingan adalah kewajipan petani membayar zakat terus dilaksanakan.

Justeru itu, kajian ini cuba mengenalpasti bagaimana zakat tanaman dikira secara amalannya dan seterusnya kepada siapa pembayaran zakat tanaman tersebut disalurkan.

1.4 OBJEKTIF KAJIAN

- 1) Menenalpasti sistem pengurusan dan pentadbiran yang khusus dalam zakat tanaman;
- 2) Menganalisis amalan kaedah pengiraan zakat tanaman yang digunapakai oleh institusi zakat dan petani di negeri Selangor dan Perlis untuk mengeluarkan zakat;

- 3) Menilai pilihan dan keutamaan petani di negeri Selangor dan Perlis tentang amalan saluran pembayaran zakat tanaman; dan
- 4) Membuat perbandingan keseluruhan kaedah pembayaran zakat tanaman antara negeri selangor dan Perlis.

1.5 KEPENTINGAN KAJIAN

Kepentingan kajian ini boleh dijadikan sebagai:

- 1) Bahan tambahan ilmiah berkaitan zakat tanaman yang boleh digunakan oleh masyarakat untuk menambah dan memperbanyakkan lagi bahan bacaan dan rujukan;
- 2) Membantu membentuk penyelarasan dan keseragaman berkaitan kaedah pembayaran yang melibatkan kaedah pengiraan dan saluran pembayaran zakat tanaman agar dapat digunapakai oleh para petani dan institusi-institusi zakat negeri khususnya Lembaga Zakat Selangor dan bahagian Zakat Baitulmal Negeri Perlis; dan
- 3) Bahan rujukan yang boleh digunapakai oleh pihak-pihak tertentu seperti badan Perundangan dan Fatwa negeri supaya penyelarasan dan keseragaman kaedah pembayaran zakat dapat dikuatkuasa dan digunakan.

1.6 SKOP KAJIAN

Kajian ini terbahagi kepada dua tumpuan utama berkaitan kaedah pembayaran zakat tanaman. Pertama; bagaimana kaedah pengiraan zakat tanaman ditentukan dan digunakan. Kedua; kepada siapa petani menyalurkan pembayaran zakat tanaman mereka secara amalannya.

Justifikasi pemilihan dua negeri iaitu Perlis dan Selangor adalah merujuk kepada pertama; negeri Perlis mengambilkira tolakan kos tanaman dan kos sara hidup dalam kaedah pengiraan zakat tanaman. Manakala negeri Selangor pula hanya mengambilkira tolakan kos pengeluaran tanaman dalam pengiraan zakat tanaman walaupun kedua-dua negeri mengenakan kadar bayaran zakat tanaman yang sama iaitu sebanyak 5 peratus.

Selain itu, kaedah tolakan kos juga merujuk kepada aspek pengurusan institusi zakat. Di Selangor segala pelaksanaan zakat diurustadbir secara khusus oleh Lembaga Zakat Selangor yang telah dikorporatkan dan bergerak secara sendiri dalam segala hal berkaitan zakat. Manakala di Perlis, segala urustadbir berkaitan zakat diselia dan dikawal di bawah Majlis Agama Islam Negeri dan mempunyai bahagian zakat yang terletak di bawah Baitulmal, Majlis Agama Islam dan Adat Istiadat Melayu Perlis. Perbezaan pentadbiran ini dapat memberikan gambaran terhadap keutuhan pengoperasian sistem pentadbiran dan pengurusan zakat serta kepelbagaian usaha untuk pembangunan zakat yang dilaksanakan oleh setiap organisasi zakat. Ia juga memberikan gambaran kesan pentadbiran zakat yang dilaksanakan sama ada di bawah Majlis atau badan korporat zakat terhadap kualiti pengurusan zakat negeri. Melalui kaedah temubual bersama dengan pegawai terpilih yang dilakukan oleh penulis dapat memberikan gambaran yang jelas tentang keberkesanan pentadbiran zakat di samping memperolehi maklumat-maklumat yang diperlukan dalam kajian.

Manakala dari sudut pemilihan responden pula, fokus pemilihan adalah kepada petani yang mengusahakan sawah padi dan membayar zakat tanaman daripada hasil tanaman tersebut. Petani-petani dipilih secara rawak berkelompok yang ditentukan mengikut zon-zon terpilih iaitu kawasan yang terlibat dengan aktiviti tanaman sawah. Ia secara langsung melibatkan petani sama ada yang mengusahakan padi hanya sekadar untuk tanaman sara diri mahupun untuk di jual. Ini kerana bagi tanaman padi,

walaupun hasil padi tersebut akan dijual sama ada kepada pihak BERNAS ataupun swasta, ia tetap dikategorikan sebagai zakat tanaman dan bukan zakat perniagaan. Di samping itu, bagi memperoleh subsidi harga padi, para petani perlu menjual hasil mereka kepada pihak BERNAS. Ini memberi kesempatan kepada para petani untuk mendapat peluang bagi menambah sumber pendapatan atau pembiayaan kewangan untuk mengusahakan tanah sawah padi mereka.

1.7 METODOLOGI KAJIAN

Metodologi kajian adalah proses yang amat penting dalam menjalankan sesuatu kajian agar kajian tersebut dapat dilaksanakan dengan lebih teratur, mudah dan berkesan. Metodologi bagi kajian ini dibincangkan secara khusus di bab ketiga. Secara umumnya metode-metode yang digunakan adalah seperti berikut:

1.7.1 Metode Pengumpulan Data

Dua jenis data iaitu data kualitatif dan kuantitatif dikumpul di dalam kajian ini. Bagi data berbentuk kualitatif, data-data dan maklumat berbentuk penulisan dan penerbitan yang melibatkan kajian perpustakaan yang melibatkan digunakan untuk mendapatkan maklumat umum dan khusus berkaitan dengan kajian. Selain itu, data-data dokumentasi turut digunakan dengan merujuk kepada bahan-bahan yang diperolehi melalui institusi-institusi yang terlibat dengan kajian.

Kaedah temubual juga digunakan bagi mendapatkan maklumat-maklumat berkaitan kajian secara langsung dan terikini dari pihak institusi zakat yang melibatkan pegawai-pegawai dari institusi Lembaga Zakat Selangor dan Majlis Agama Islam dan Adat Istiadat Melayu Perlis.

Manakala bagi data kuantitatif pula, data-data dari soal selidik yang dijalankan dikalangan petani-petani yang mengusahakan sawah padi dan membayar zakat daripada

hasil tanaman tersebut menjadi data utama kajian ini. Soal selidik diedar dikalangan responden di sekitar kawasan terpilih di negeri Selangor dan Perlis. Kawasan-kawasan terpilih dibentuk melalui kaedah persampelan berkelompok yang melibatkan kawasan pertanian sawah padi yang meliputi daerah Sabak Bernam dan Kuala Selangor bagi negeri Selangor dan kawasan pertanian sawah MADA dan Luar MADA bagi negeri Perlis.

1.7.2 Metode Penganalisaan Data

Seterusnya data-data yang dikumpul dianalisis menggunakan metode induktif, deduktif dan komparatif.

Semua hasil data dan maklumat yang diterima dikategorikan dalam kumpulan-kumpulan tertentu dengan membentuk jadual supaya kesimpulan umum dapat dilakukan. Maklumat yang dikumpul dapat membentuk fakta umum berkenaan kajian yang dilakukan melalui metode induktif.

Setelah itu, keseluruhan data dikaji dan dianalisis secara mendalam merujuk kepada keperluan persoalan dan objektif kajian dengan membentuk sub-kategori yang lebih khusus. Dengan itu, masalah kajian dapat dikenalpasti secara khusus dan lebih jelas dengan menggunakan kaedah analisis deduktif.

Seterusnya, keseluruhan data yang diperolehi sama ada data-data perpustakaan, dokumentasi atau soal selidik dianalisis dan dibuat perbandingan melalui metode komparatif dengan menggunakan analisis berbentuk diskriptif bagi dua negeri iaitu Selangor dan Perlis . Fokus perbandingan dibuat terhadap perkara-perkara yang melibatkan kaedah pembayaran zakat tanaman seperti kaedah dalam pengiraan dan saluran pembayaran zakat tanaman di samping aspek-aspek lain yang berkaitan.

1.8 KAJIAN-KAJIAN LEPAS

Terdapat pelbagai kajian lepas yang boleh didapati dalam bidang pertanian, zakat, ekonomi zakat dan zakat tanaman. Antara kajian-kajian yang digunakan adalah seperti berikut:

1.8.1 Kajian Umum Berkaitan Bidang Pertanian

Bidang pertanian di Malaysia merupakan salah satu sektor yang memberi sumbangan kepada pelbagai pihak. Di dalam sektor pertanian, pelbagai kegiatan dijalankan termasuk aktiviti tanaman, perikanan, ternakan, perhutanan dan sebagainya. Pembangunan sektor ini juga bergantung kepada pembangunan tenaga kerja, input bahan pertanian dan tingkat teknologi yang dapat meningkatkan bukan sahaja dari sudut pengeluaran hasil, malah meningkatkan produktiviti tenaga kerja dan peningkatan sumber pendapatan.

Terdapat pelbagai kajian berkaitan dengan bidang pertanian yang meliputi pelbagai aspek sama ada dari sudut sejarah, perundangan, aktiviti ekonomi dan sebagainya seperti kajian oleh Kaslan A. Tohir¹² yang membicarakan secara khusus dan terperinci berkaitan asas-asas dalam ekonomi pertanian. Bermula dengan sejarah, kedudukannya dalam masyarakat, sumber-sumber dalam ekonomi pertanian, sistem-sistem yang digunapakai dalam bidang ekonomi pertanian sehinggalah kepada langkah-langkah untuk mempertingkatkan bidang ekonomi pertanian.

Roma Limit¹³ membincangkan keberkesanan sektor pertanian kepada sosioekonomi penduduk yang melibatkan pelbagai jenis tanaman pertanian termasuk padi. Pelbagai corak kegiatan pertanian yang digunakan dalam mengusahakan hasil pertanian termasuklah jenis tanaman pertanian, peralatan yang digunakan, tenaga kerja,

¹² Kaslan A. Tohir (1965), *Pengantar Ekonomi Pertanian*, Indonesia: Sumur Bandung.

¹³ Roma Limit (2008), "Kemunduran Aktiviti Pertanian dan Kesannya ke atas Sosioekonomi Penduduk: Satu Kajian di Kg. Semalatong, Simunjan Sarawak," (Latihan Ilmiah, Rancangan Pengajian Kependudukan, Fakulti Satera dan Sains Sosial Universiti Malaya).

keluasan tanaman yang dapat menunjukkan pengaruh kepada aktiviti tersebut terhadap tingkat taraf hidup masyarakat kawasan tersebut.

Manakala Mohd Rozi Ismail¹⁴ pula menekankan aspek langkah dalam melaksanakan amalan pertanian yang mengarah kepada kelestarian yang merupakan asas bagi perkembangan pertanian di Malaysia dengan menyentuh aspek-aspek penting dalam menjana kelestarian di sektor pertanian. Tumpuan diberikan dalam aspek sistem dan pengurusan yang boleh dikategorikan mengarah kepada sistem pertanian yang lestari dan berdaya maju untuk diusahakan khususnya bagi meningkatkan hasil pengeluaran makanan. Penilaian, penyelidikan dan pembangunan dalam dan luar negara turut perlu diberi perhatian agar matlamat mewujudkan sistem pertanian lestari dapat dicapai.

Menurut Nik Hashim Mustapha¹⁵ bidang ekonomi pengeluaran turut menjadi satu bidang yang penting dalam ekonomi pertanian dengan memberi keutamaan kepada kebolehan dan kemampuan dalam kaedah pengendalian pengeluaran pertanian dan kaitannya dengan pelbagai bidang yang lain.

Menurut Surtahman Kastin Hassan¹⁶ penyusunan dan pelaksanaan yang sistematik perlu dilakukan sama ada dari sudut struktur dasar, perdagangan antarabangsa, pemasaran, kepelbagaian pengeluaran, pembangunan tanah, pembangunan sumber manusia, khidmat sokongan dan penyelidikan untuk pengembangan pertanian. Sikap mengenyepikan sektor pertanian dilihat akan membawa kepada kerugian bukan sahaja kepada individu malah kepada perkembangan ekonomi negara yang berterusan. Ini kerana sektor pertanian adalah sektor yang mempunyai potensi terhadap peningkatan pelbagai aspek termasuk ekonomi negara. Oleh itu,

¹⁴ Mohd. Rozi Ismail (2006), *Pertanian Lestari*, Kuala Lumpur: Dewan Bahasa dan Pustaka.

¹⁵ Nik Hashim Mustapha (1991), *Ekonomi Pengeluaran Pertanian Teori dan Gunaan*, Kuala Lumpur: Dewan Bahasa dan Pustaka.

¹⁶ Surtahman Kastin Hassan *et al.* (1997), *Sektor Pertanian Ke Arah Pembentukan Negara Perindustrian*, Kuala Lumpur: Dewan Bahasa dan Pustaka.

beliau berpendapat sektor pertanian perlu disesuaikan dengan perkembangan ekonomi semasa yang berasaskan perindustrian iaitu perkembangan yang mengambilkira industri asas tani dan rantaian hulu dan hiliran.

Manakala faktor kemiskinan yang tinggi dalam sektor pertanian juga dibahaskan oleh Ahmad Mahdzan Ayob¹⁷. Fenomena ini dilihat telah timbul berkemungkinan disebabkan terdapat segolongan manusia yang kaya di kalangan penghuni yang miskin. Walaubagaimanapun, zakat telah berfungsi sebagai satu alat pembelaan ke atas nasib orang-orang miskin yang kebanyakan mereka terdiri daripada golongan petani. Oleh itu, beliau menyarankan agar langkah-langkah mengatasi kemiskinan sentiasa diambil perhatian oleh pihak-pihak yang berkaitan dengan membentuk perancangan dan strategi jangka pendek dan jangka panjang agar nasib golongan petani miskin dapat dibela.

Masalah kemiskinan dilihat masih membelenggu sektor pertanian terutamanya pesawah padi. Oleh demikian, pelbagai usaha perlu terus dijalankan dan dipertingkatkan untuk membangunkan sektor ini. Ini secara langsung dapat membangunkan masyarakat dan meningkatkan taraf hidup masyarakat dalam sektor pertanian. Pembangunan dalam sektor pertanian amat perlu diberi perhatian yang berterusan kerana sektor ini mampu memberi sumbangan kepada pelbagai pihak dan institusi termasuk zakat khususnya.

1.8.2 Kajian Umum Berkaitan Ekonomi Zakat

Zakat merupakan kewajipan yang tidak dinafikan oleh umat Islam. Zakat wajib dikeluarkan oleh setiap umat Islam apabila telah memenuhi syarat-syarat yang telah ditetapkan oleh syarak. Terdapat dua jenis zakat iaitu zakat fitrah dan harta. Yūsuf

¹⁷ Ahmad Mahdzan Ayob (1994), *Pembangunan Pertanian Ekonomi, Dasar dan Bukti Empirik*, Kuala Lumpur: Dewan Bahasa dan Pustaka.

Qaraḍawī¹⁸ telah mengupas isu semasa zakat dari pelbagai aspek termasuk dari sudut hukum-hakam, ekonomi dan kemasyarakatan di samping menunjukkan secara jelas penyelesaian masalah umat Islam melalui mekanisma zakat. Dalam mengemukakan pandangan-pandangan semasa mengenai zakat, beliau tidak terikat dengan pendapat satu-satu mazhab tetapi lebih memberi keutamaan kepada kepentingan umat Islam dan negara Islam.

Begitu juga dengan Afzal-Ur-Rahman¹⁹ yang membincangkan secara umum berkaitan zakat meliputi konsep-konsep asas zakat, kepentingan, kaedah taksiran zakat, kaedah pengiraan zakat dan sebagainya. Beliau lebih menekankan aspek kepentingan zakat terhadap sosial, ekonomi, politik dan ketinggian moral agar tujuan zakat selain untuk pembersihan diri turut dapat menghapuskan perbezaan pemilikan yang keterlaluan dan tidak adil di antara kumpulan-kumpulan individu dalam masyarakat.

Humam Daud²⁰ turut membincangkan zakat secara umum yang meliputi aspek pengertian, dalil-dalil wajib zakat, sejarah pensyariatan, jenis harta yang dikenakan zakat, golongan yang berhak menerima zakat dan masalah-masalah yang berlaku berkaitan kutipan dan agihan zakat yang bertujuan untuk mengenalpasti asas-asas penting yang boleh dijadikan panduan dalam konteks realiti semasa.

Aspek pengurusan zakat di abad ke-21 ini bukan sahaja dilihat dari perspektif tuntutan syarak, bahkan juga dari sudut pembangunan ekonomi dan sosial. Dewasa ini, seiringan dengan kebangkitan Islam dan pendekatan Islam Hadhari di Malaysia, entiti zakat juga turut mendapat perhatian dan liputan meluas sama ada di peringkat

¹⁸ Yūsuf al-Qaraḍawī (1993), *Fiqh al-Zakāh*, C. 21, Beirut: Mu'assasah al-Risālah.

¹⁹ Afzal-Ur-Rahman (1980), *Economic Doctrines of Islam*, Lahore, Pakistan: Islamic Publications Limited.

²⁰ Humam Daud (2004), "Kutipan Zakat Dan Agihannya: Satu Kajian Di Awal Islam," (Disertasi Jabatan Fiqh dan Usul, Akademi Pengajian Islam Universiti Malaya).

nasional, serantau mahupun antarabangsa. Humam Daud²¹ turut mendapati jenis-jenis harta zakat yang dikenakan sentiasa berkembang dari semasa ke semasa.

Menurut Musa Ahmad, Arifin Md.Salleh dan Abdullah Hj Said²² kesinambungan usaha ke arah penerokaan sumber-sumber baru berkenaan zakat khususnya di Malaysia memerlukan kajian yang teliti dan berterusan. Ini memandangkan zakat merupakan tonggak ekonomi negara dan umat Islam khususnya.

Sanep Ahmad dan Hairunnizam Wahid²³ turut memperluaskan asas zakat harta dengan mengenalpasti harta dan sumber-sumber baru yang *diikhtilāf* dan mungkin harta tersebut boleh dizakatkan atas alasan harta tersebut dapat memberikan hasil yang lumayan.

Sanep Ahmad dan Hairunnizam Wahid²⁴ juga cuba mengenalpasti sumber-sumber baru harta yang boleh dizakatkan dengan meneliti tanggapan dan penerimaan masyarakat terhadap langkah tersebut. Ini kerana beliau mendapati kesediaan masyarakat untuk membayar secara umum terhadap sumber harta baru yang boleh dizakatkan adalah menggalakkan. Walaubagaimanapun, usaha oleh pihak berwajib untuk melaksanakannya dan usaha meningkatkan keyakinan masyarakat terhadap kesaksamaan agihan zakat oleh Pusat Zakat adalah penting dan perlu diambil perhatian.

Manakala Patmawati Ibrahim²⁵ pula menjelaskan kedudukan zakat dalam kehidupan Muslim dan kemampuan agihan zakat yang berperanan untuk meningkatkan ekonomi ummah. Masalah sosio ekonomi umat Islam boleh diselesaikan melalui

²¹ *Ibid.*

²² Musa Ahmad, Arifin Md.Salleh & Abdullah Hj Said (2007), "Penerokaan Sumber Baru Zakat Di Malaysia", *Jurnal Pengurusan JWZH*, Jil. 1 Bil. 1, Putrajaya: Jabatan Wakaf, Zakat dan Haji (JAWHAR).

²³ Sanep Ahmad dan Hairunnizam Wahid (2005), "Sumber Zakat: Perluasan Terhadap Harta Yang Diikhtilāf", *Jurnal Syariah*, Jil. 13 Bil. 1, hh.135-162.

²⁴ Sanep Ahmad dan Hairunnizam Wahid (2004), "Persepsi dan Kesedaran Terhadap Perluasan Sumber Zakat Harta Yang Diikhtilāf", (Kertas Kerja Seminar Halatuju Zakat Korporat Di Alaf Baru, 7-8 Julai 2004) anjuran Kumpulan Kajian Zakat Fakulti Pengajian Islam Universiti Kebangsaan Malaysia.

²⁵ Patmawati Hj Ibrahim (2007), "Peranan Agihan Zakat Dalam Meningkatkan Tahap Ekonomi Ummah", (Kertas kerja dibentangkan dalam Konvensyen Zakat dan Cukai Peringkat Kebangsaan 2007 di PWTC, Kuala Lumpur pada 22-24 Mei 2007).

agihan semula pendapatan dan ia mampu mengurangkan jurang agihan pendapatan dan pembasmian kemiskinan. Ia turut disokong dengan pembuktian data empirikal yang telah dijalankan dan menunjukkan bahawa agihan zakat berjaya merapatkan jurang agihan pendapatan serta menurunkan kadar dan beban kemiskinan. Pembentukan pelan tindakan bersepadu yang dicadangkan dapat memastikan keberkesanan agihan zakat dalam meningkatkan tahap ekonomi ummah yang melibatkan kerjasama dan tindakan bersepadu dari tiga pihak yang utama, iaitu pihak agensi zakat, para penerima agihan zakat dan pihak kerajaan.

Isu dan persoalan zakat ini telah timbul sejak zaman awal lagi sehinggalah sekarang yang memerlukan perbincangan berterusan sama ada dari sudut klasik ataupun kontemporari.

1.8.3 Kajian Berkaitan Zakat Tanaman

Kajian berterusan berkaitan zakat tanaman perlu dilaksanakan agar segala permasalahan dalam zakat tanaman dapat diselesaikan selari dengan kehendak dan peredaran masa yang memerlukan kepada penglibatan semua pihak tanpa melanggar nas-nas syara`. Ini kerana, selaras dengan perubahan masa akan wujud pelbagai keperluan-keperluan baru yang perlu dibincangkan dan difahami secara teliti. Mujaini Tarimin²⁶ membincangkan berkaitan konsep zakat secara umum yang meliputi sejarah awal pelaksanaan zakat, konsep-konsep asas zakat dan seterusnya memfokuskan perbincangan yang lebih mendalam tentang zakat tanaman dengan cara yang lebih komprehensif.

Manakala Ishak Aziz²⁷ melihat pelaksanaan zakat tanaman dalam kalangan petani di daerah Kota Setar dengan mengenalpasti kaedah-kaedah pelaksanaan zakat

²⁶ Mujaini Tarimin (1990), *Zakat Pertanian: Sistem Dan Pelaksanannya*, Kuala Lumpur: Dewan Bahasa Dan Pustaka.

²⁷ Ishak Aziz (1993), *Zakat Tanaman: Perlaksanaannya di Kalangan Para Petani di Kedah: Tinjauan Khusus di Daerah Kota Setar, Kedah*, (Latihan Ilmiah Akademi Pengajian Islam, Universiti Malaya).

tanaman serta peraturan-peraturan yang berkaitan di daerah tersebut yang melibatkan aspek kutipan, agihan serta pentadbiran zakat. Kajian mendapati, hasil kutipan zakat padi mampu memberikan sumbangan peningkatan terbesar dalam pengemaskinian sistem pengurusan dan pentadbiran zakat di samping memberi perhatian terhadap aspek penguatkuasaan undang-undang dalam pengurusan zakat.

Di Malaysia, hasil tanaman yang dikenakan zakat adalah ke atas hasil tanaman padi. Walaubagaimanapun, terdapat pelbagai pendapat semasa yang membincangkan berkaitan jenis tanaman yang diwajibkan membayar zakat tanaman. Sanep Ahmad dan Hairunnizam Wahid²⁸ mendapati kecenderungan petani membayar zakat tanaman amat bergantung kepada aspek kefahaman tentang hukum-hukum zakat. Zakat pertanian hanya dikutip daripada beberapa sumber utama seperti padi, ternakan lembu dan kambing sedangkan sektor pertanian pada masa kini merupakan sektor yang semakin berkembang dan telah dikormesialkan. Berdasarkan kepada analisis deskriptif dan pengujian model logik yang digunakan, beliau mendapati banyak sumber-sumber dari kegiatan sektor pertanian boleh dizakatkan.

Asmak Ab Rahman dan Joni Tamkin Borhan²⁹ turut menekankan kajian yang berterusan dan terperinci perlu dilakukan untuk melihat potensi kewajipan zakat ke atas tanaman lain selain ke atas tanaman padi yang turut memberi pulangan pendapatan yang lumayan kepada petani.

Abdul Aziz bin Muhammad³⁰ juga melihat pelaksanaan kutipan zakat tanaman di Malaysia yang tidak memberi jaminan keadilan ekonomi secara menyeluruh kerana pengenaan zakat tanaman hanya terhad kepada tanaman jenis padi sahaja sedangkan

²⁸ Sanep Ahmad dan Harunnizam Wahid (2008), "Potensi dan Cabaran Terhadap Perluasan Sumber Zakat Sektor Pertanian", *Jurnal Manajemen dan Bisnis*, Jil 12 Bil. 1, hh. 66-76.

²⁹ Asmak Ab Rahman dan Joni Tamkin Borhan (2005), "Isu Dalam Kutipan Zakat Pertanian: Kajian di Selangor" dalam Abdullah Alwi Hj. Hassan *et.al*, *Teori dan Aplikasi Kontemporari Sistem Ekonomi Islam di Malaysia*. Kuala Lumpur: Utusan Publications and Distributors Sdn. Bhd.

³⁰ Abdul Aziz bin Muhammad (1986), "Zakat And Rural Development In Malaysia: An Ethical Analysis Of The Concepts Of Growth and Redistribution Of Income And Wealth in Islam and their Practices in a Contemporary Muslim Society" (Ph.D thesis, Temple University, USA).

terdapat tanaman lain yang lebih komersial dan memberi pulangan yang lumayan kepada petani seperti kelapa sawit, koko, getah dan sebagainya. Malah menurut beliau, agihan pendapatan tidak dapat mencapai sasaran di Malaysia kerana zakat hanya dikenakan kepada pesawah padi, sedangkan mereka merupakan antara golongan termiskin berbanding petani yang mengusahakan tanaman lain. Malah menurut beliau, kebanyakan pembayar zakat tanaman padi berada di bawah garis kemiskinan.

Sektor pertanian masa kini telah ditransformasi menjadi pertanian moden, komersil, dinamik dan berdaya saing. Transformasi ini melibatkan kepada peningkatan dalam pelbagai penggunaan automasi dan teknologi terkini, pengeluaran produk-produk pertanian yang berkualiti, pewujudan sistem pemasaran yang efisien melalui penggunaan jaringan penyiasatan pasaran yang *sofistikated* dan tenaga kerja yang berkemahiran tinggi yang menjadi pemangkin kepada pertumbuhan industri pemprosesan hiliran dan industri pembuatan berasaskan pertanian.

Walaupun berlaku peningkatan dalam sektor pertanian, namun petani sawah padi masih dilihat berada dalam kedudukan berpendapatan rendah malah dikategorikan sebagai miskin. Kehendak syariat pula dalam mewajibkan setiap umat Islam yang mencukupi syarat-syarat mengeluarkan zakat harta mereka. Oleh itu, selari dengan peredaran masa, Islam tidak menyekat umatnya terus berusaha dan mengkaji isu dan masalah yang timbul dikalangan masyarakat Islam khususnya bagi menjaga kemaslahatan umatnya. Hal ini termasuklah masalah-masalah yang wujud berkaitan dengan zakat.

Kemajuan di sektor pertanian telah mengubah corak kegiatan dan perbelanjaan perusahaan tanah sawah. Walaubagaimanapun, hasil pendapatan yang diperolehi masih meletakkan petani sawah di kategori rakyat di bawah pendapatan garis kemiskinan. Namun, petani-petani yang mempunyai kesedaran untuk melaksanakan tanggungjawab

kepada agama tetap mengeluarkan zakat tanaman walaupun sebenarnya mereka adalah golongan yang layak menerima zakat.

Oleh itu, pelaksanaan kaedah taksiran zakat tanaman dibincangkan secara khusus oleh Asmak Ab Rahman, *et.al*³¹ dengan mengemukakan teori-teori klasik dan kontemporari beserta pembuktian data-data terkini dan kesesuaiannya antara teori dan aplikasinya. Manakala kajian Asmak Ab Rahman dan Joni Tamkin Borhan³² yang dijalankan khusus di negeri Selangor turut menekankan aspek pengambiliraan tolakan kos tanaman dan sara hidup dalam kaedah taksiran zakat tanaman.

Kajian oleh Asmak Ab Rahman dan Pazim@Fadzim Othman³³ juga memfokuskan kajian terhadap isu penaksiran kadar 5 *ausuq* zakat tanaman di negeri Selangor dinilai berdasarkan hasil kasar atau setelah ditolak kos-kos tanaman dan kos sara hidup terlebih dahulu sebagaimana zakat pendapatan. Fokus kajian yang dilakukan adalah untuk mengupas isu kaedah taksiran zakat tanaman yang seharusnya memberi kewajaran dalam mengeluarkan zakat tanaman berdasarkan hasil bersih padi dan juga kewajaran memberi pelepasan kos sara hidup kepada pesawah padi. Kewajaran ini disandarkan kepada penilaian terhadap soalselidik dan tindakbalas responden yang membawa kepada perlunya kewujudan kaedah penaksiran zakat tanaman yang baru bagi penduduk negeri Selangor.

Menurut Abdul Aziz bin Muhammad³⁴ zakat yang dikeluarkan daripada pendapatan kasar pesawah padi tanpa menolak kos penanaman boleh membebankan pesawah. Ini kerana kos bahan input, kos tenaga buruh dan lain-lain kos amat tinggi

³¹ Asmak Ab Rahman, *et.al*. (2009), "Analisis Kaedah Taksiran Zakat Pertanian di Malaysia" (Kertas Kerja Seminar Ekonomi Islam Peringkat Kebangsaan, 10-11 Februari 2009).

³² Asmak Ab Rahman dan Joni Tamkin Borhan (2005), "Isu Dalam Kutipan Zakat Pertanian: Kajian di Selangor" dalam Abdullah Alwi Hj. Hassan *et.al*, *Teori dan Aplikasi Kontemporari Sistem Ekonomi Islam di Malaysia*. Kuala Lumpur: Utusan Publications and Distributors Sdn. Bhd.

³³ Asmak Ab Rahman dan Pazim@Fadzim Othman (2005), "Kaedah Taksiran Zakat Padi dan Kesannya Terhadap Petani: Kajian di Selangor", *Jurnal Syariah*, Jil. 13. Bil. 1., Kuala Lumpur: Universiti Malaya.

³⁴ Abdul Aziz bin Muhammad (1986), "Zakat and Rural Development In Malaysia: An Ethical Analysis of The Concepts of Growth and Redistribution of Income and Wealth in Islam and Their Practices in a Contemporary Muslim Society" (Ph.D thesis, Temple University, USA).

dan baki bersih milik petani amat sedikit. Seterusnya, nisab zakat tanaman perlu dinilai mengikut keadaan semasa. Ini kerana nisab zakat boleh disamakan sebagai garis kemiskinan dari perspektif Islam. Oleh itu nisab perlu dinilai dari masa ke semasa sebagaimana garis kemiskinan negara juga yang turut dinilai dari masa ke masa. Dengan adanya penilaian kadar nisab yang berterusan akan dapat memberi lebih jaminan bahawa hanya orang yang layak dan kaya sahaja yang diwajibkan mengeluarkan zakat tanaman.

Selain itu, Ishak Aziz³⁵ juga mencadangkan agar penilaian semula kadar zakat tanaman diberikan perhatian agar tidak terlalu membebankan petani dengan menyarankan agar kadar 10 peratus daripada pendapatan kasar digantikan dengan 10 peratus ke atas pendapatan bersih yang diperolehi daripada hasil padi atau tanaman lain setelah ditolak segala perbelanjaan dan hutang.

Manakala Amran Yaakub³⁶ mendapati wujud kefahaman yang rendah di kalangan masyarakat berkaitan kaedah pengiraan zakat tanaman padi. Amalan masyarakat daerah Rantau Panjang, Kelantan zakat dikeluarkan sebaik sahaja hasil padi diperolehi tanpa mengira kos perbelanjaan pengurusan yang digunakan. Oleh demikian, beliau berpendapat agar kos-kos perbelanjaan pengurusan sawah dapat diambilkira dalam pengiraan zakat tanaman terlebih dahulu. Ini kerana perbelanjaan pengurusan padi pada masa kini memerlukan perbelanjaan pengurusan yang lebih banyak disamping wujudnya pelbagai ancaman makhluk perosak dan bencana alam yang lain.

³⁵ Ishak Aziz (1993), *Zakat Tanaman: Perlaksanaannya di Kalangan Para Petani di Kedah: Tinjauan Khusus di Daerah Kota Setar, Kedah*, (Latihan Ilmiah Akademi Pengajian Islam, Universiti Malaya).

³⁶ Amran Yaakub (2001), *Amalan Pengiraan Zakat Padi: Satu Kajian di Rantau Panjang, Kelantan Darul Naim*, (Latihan Ilmiah, Fakulti Sastera dan Sains Sosial, Universiti Malaya).

Menurut kajian oleh Asmak Ab Rahman, *et. al*³⁷ turut mendapati bahawa terdapat perbezaan penentuan kadar nisab zakat pertanian semasa seluruh negeri di Malaysia dengan kadar antara 358-400 gantang yang mana 1 gantang bersamaan dengan 2.25 kilogram. Merujuk kepada pendapatan yang diterima berdasarkan kadar cukup nisab didapati pendapatan purata bulanan petani meletakkan petani masih berada di bawah garis kemiskinan pada zaman membangun ini.

Perhatian khusus dan mendalam terhadap kaedah menaksir zakat tanaman dapat membantu bukan sahaja kepada golongan petani kecil tetapi juga masyarakat, institusi-institusi dan industri negara. Walaubagaimanapun, segala kekayaan di muka bumi termasuk hasil-hasil pertanian adalah milik Allah S.W.T yang diamanahkan kepada manusia supaya menguruskan harta dan sumber-sumber di muka bumi dengan sebaik mungkin. Oleh itu, semua peruntukan harus dilaksanakan dengan rasa penuh tanggungjawab terhadap agama.

Islam menyarankan keadilan dalam agihan pendapatan. Justeru itu, langkah tambahan perlu dilakukan untuk memastikan agar berlaku keseimbangan dalam fungsi agihan. Sebuah negara Islam bertanggungjawab memastikan kesejahteraan rakyatnya sama ada dari sudut material mahupun rohani. Pihak pentadbir bertanggungjawab memastikan agar sistem agihan pendapatan dan agihan semula pendapatan beroperasi dengan lancar dan pelaksanaannya tidak terganggu.

Melalui cara ini, tanggungjawab pentadbir bukan sahaja mengutip zakat malah bertanggungjawab memastikan pelaksanaan agihan kekayaan berlaku dengan adil dan tidak berlaku tumpuan kekayaan pada mana-mana pihak tertentu. Menurut Ab Rahim Zakaria³⁸ pengurusan adalah terletak di bawah bidang kuasa Kerajaan Negeri yang memikul amanah dalam mengendalikan urusan kutipan dan agihan zakat di samping

³⁷ Asmak Ab Rahman, *et. al* (2010), *Assessment Methode for Agriculture Zakah in Malaysia: An Institutional Perspective*, World Applied Sciences Journal 11(12), pp. 1-9.

³⁸ Ab. Rahim Zakaria (2007), "Pengurusan Zakat Kontemporari", *Jurnal Pengurusan JWZH*, Jil. 1 Bil. 1, Putrajaya: Jabatan Wakaf, Zakat dan Haji (JAWHAR).

urusan keagamaan yang lain. Pelbagai usaha perlu sentiasa dilaksanakan bagi meningkatkan prestasi kutipan dan agihan zakat. Di peringkat Persekutuan, Jabatan Wakaf Zakat dan Haji (JAWHAR) telah ditubuhkan bertujuan membantu Majlis Agama Islam Negeri (MAIN) memantap dan memperkasakan lagi pengurusan institusi zakat agar dapat bangkit dalam arus perdana bagi membantu mereka yang memerlukan dan memajukan ummah ke tahap cemerlang.

Zulkefly Abdul Karim, Mohd. Azlan Shah Zaidi dan Hairunnizam Wahid³⁹ mendapati keseimbangan antara dua komponen pendapatan dan perbelanjaan merupakan komponen penting dalam belanjawan zakat bagi institusi Baitulmal dan Pusat Zakat negeri. Penilaian kajian dibuat ke atas sistem pengurusan Baitulmal dan Pusat Zakat dengan berdasarkan kepada aspek prestasi kutipan dan perbelanjaan zakat, melakukan corak perbandingan antara negeri terhadap agihan dana zakat pada golongan sasaran terpenting dan mengenalpasti isu-isu, cabaran dan implikasi dasar yang dapat memantapkan institusi zakat di setiap negeri.

Fungsi zakat dalam mengimbangi sosio-ekonomi umat Islam yang juga berperanan untuk mengurangkan masalah kemiskinan isi rumah umat Islam khususnya dijelaskan oleh Hairunnizam Wahid, Sanep Ahmad dan Mohd Ali Mohd Noor⁴⁰. Kajian tersebut menjelaskan kesan bantuan zakat di kalangan responden-responden yang dipilih dari daerah Jerantut, Taiping dan Sandakan terhadap peningkatan kualiti hidup asnaf fakir dan miskin. Kajian mendapati bantuan zakat telah memberikan kesan yang signifikan kepada kualiti hidup golongan miskin terutamanya aspek pendidikan dan penyertaan sosial.

³⁹ Zulkefly Abdul Karim, Mohd. Azlan Shah Zaidi dan Hairunnizam Wahid (2004), "Pendapatan dan Sasaran Perbelanjaan Dana Zakat: Pengalaman di Negeri Perak, Kedah, Selangor dan Negeri Sembilan" dalam Hailani *et. al.* (penyt.) *Prosiding Muzakarah Pakar Zakat*, Kuala Lumpur: Univision Press Sdn. Bhd., hh. 79-94.

⁴⁰ Hairunnizam Wahid, Sanep Ahmad dan Mohd Ali Mohd Noor (2005), "Kesan Bantuan Zakat Terhadap Kualiti Hidup Asnaf Fakir dan Miskin", (Pascasidang Seminar Ekonomi & Kewangan Islam), Kuala Lumpur: Univision Press Sdn. Bhd., hh. 265-274.

Institusi zakat memainkan peranan dalam mengagihkan hasil zakat kepada golongan asnaf yang layak secara keseluruhannya. Bagi Hairunnizam Wahid, Sanep Ahmad dan Radiah Abdul Kadir⁴¹ usaha bagi mewujudkan keyakinan terhadap pembayar zakat merupakan satu usaha yang perlu dititikberatkan dengan mencadangkan agar kutipan dan agihan zakat dilaksanakan oleh institusi zakat di pelbagai peringkat, menerbitkan secara rasmi segala maklumat yang berkaitan seperti perakaunan zakat. Usaha-usaha ini perlu dilaksanakan secara aktif agar dapat memberikan maklumat yang jelas kepada umat Islam khususnya dan pengurusan zakat dapat dilaksanakan secara lebih professional serta dapat meningkatkan kecekapan pengurusan di samping meningkatkan keyakinan pembayar zakat untuk membayar zakat di institusi zakat yang telah ditubuhkan.

Manakala faktor individu membayar zakat kepada saluran rasmi dibincangkan oleh Sanep Ahmad, Hairunnizam Wahid dan Adnan Mohamad⁴². Kajian beliau mendapati daripada 753 responden yang membayar zakat di beberapa negeri di Malaysia, sebanyak 89.5 peratus individu membayar zakat secara formal ke institusi dan amil-amil yang dilantik secara rasmi dan 10.5 peratus responden pula membayar zakat secara tidak formal. Ini menunjukkan ramai responden berminat membayar zakat secara formal berbanding membayar secara tidak formal. Berdasarkan kepada keputusan regresi logistik binomial yang dilakukan mendapati hanya dua pembolehubah yang signifikan iaitu umur dan perasaan puas hati dengan sistem agihan zakat oleh institusi zakat yang mempengaruhi kepatuhan individu untuk membayar zakat terus kepada institusi formal.

⁴¹ Hairunnizam Wahid, Sanep Ahmad dan Radiah Abdul Kader (2009), "Pengagihan Zakat oleh Institusi Zakat Kepada Lapan Asnaf: Kajian di Malaysia" (Kertas Kerja di Seminar Ekonomi Islam Peringkat Kebangsaan 2009 (SEIPK09), 10-11 Februari 2009 di Akademi Pengajian Islam Universiti Malaya).

⁴² Sanep Ahmad, Hairunnizam Wahid dan Adnan Mohamad (2005), "Penswastaaan Institusi Zakat dan Kesannya Terhadap Pembayaran Secara Formal di Malaysia" dalam Abu Sufian *et.al.* (penyt.), (Pascasidang Seminar Ekonomi & Kewangan Islam), Kuala Lumpur: Univision Press Sdn. Bhd., hh. 251-264.

Amran Yaakub⁴³ turut melihat ketetapan yang dipatuhi oleh setiap pengusaha tanaman padi dalam membuat pembayaran zakat tanaman dan saluran pembayaran zakat. Di bawah peruntukan pihak Majlis Agama Islam, zakat tanaman boleh dikeluarkan melalui dua saluran iaitu pertama; kepada pihak pemerintah sama ada melalui amil atau terus kepada pihak Majlis Agama Islam ataupun kedua; zakat juga boleh disalurkan kepada saluran tidak rasmi iaitu mengeluarkan zakat terus kepada individu yang dirasakan layak menerima zakat.

Tingkat taraf hidup petani tidak banyak mengalami perubahan apabila zakat terus disalurkan kepada saluran tidak rasmi. Hisham Afandi Semail⁴⁴ mendapati hal ini berlaku kerana kelonggaran yang diberikan oleh pihak Majlis Agama Islam negeri dalam melaksanakan pembayaran zakat. Selain itu, ia juga berlaku kerana kewajipan melaksanakan zakat dilihat sebagai satu hak ibadah yang bercorak peribadi. Ada juga petani yang mengagihkan pembayaran zakat terus kepada waris-waris dan saudara mara sendiri dan sebagainya. Namun, menurut beliau perbezaan agihan pembayaran ini bukan persoalan yang perlu dibesarkan. Apa yang penting adalah kewajipan dalam melaksanakan pembayaran zakat di kalangan petani.

Kepelbagaian kajian yang dijalankan sama ada dalam bidang pertanian, zakat dan zakat tanaman khususnya menjadi bahan rujukan asas kepada penulis untuk mendapatkan penjelasan yang meluas terhadap masalah yang dikaji, membuat analisis dan merumuskan penyelesaian masalah ke atas kajian yang dilakukan.

Penglibatan penulis dalam melakukan kajian berkaitan zakat tanaman di samping dapat menambah lagi bahan rujukan ilmiah ia turut berfungsi sebagai rujukan kepada pelbagai pihak yang berkaitan bagi menyelesaikan isu-isu yang timbul

⁴³ Amran Yaakub (2001), *Amalan Pengiraan Zakat Padi: Satu Kajian di Rantau Panjang, Kelantan Darul Naim*, (Latihan Ilmiah, Fakulti Sastera dan Sains Sosial, Universiti Malaya).

⁴⁴ Hisham Afandi Semail (1993), *Zakat Pertanian: Pengambilannya Dalam Masyarakat Islam Serta Realiti Pelaksanaannya, Satu Kajian Khusus di Daerah Kota Bharu Kelantan Darul Naim*, (Latihan Ilmiah Akademi Pengajian Islam, Univerisiti Malaya).

berkaitan masalah di sektor tanaman padi dan zakat tanaman dengan lebih efektif dan menyeluruh. Oleh kerana kajian mendapati terdapat ketidakselarasan dalam pembayaran zakat tanaman sama ada dari aspek pengiraan mahupun saluran, melalui kajian ini maklumat semasa berkaitan kaedah pengiraan khususnya dapat disebarkan kepada semua pihak serta dapat memastikan agar penyelarasan dalam kaedah pengiraan zakat tanaman di kalangan petani dapat dilaksanakan bersesuaian dengan keperluan semasa.

1.9 KESIMPULAN

Faktor perubahan dan perkembangan dalam ekonomi semasa memberi kesan kepada pendapatan dan perbelanjaan unit-unit ekonomi dalam pelbagai bidang termasuklah bidang pertanian. Perbelanjaan atau kos-kos yang tinggi yang terpaksa ditanggung oleh para petani merupakan perkara atau isu yang perlu diambil kira dalam kaedah pengiraan zakat tanaman. Selain daripada tanggungan perbelanjaan ke atas kos-kos pengeluaran tanaman, implikasi perubahan ekonomi juga memberi kesan kepada jumlah perbelanjaan keluarga yang kian meningkat dengan keperluan terhadap penggunaan barang dan perkhidmatan yang semakin pelbagai. Penyeragaman semula kaedah pengiraan zakat tanaman adalah perlu agar ia boleh diaplikasikan oleh semua pihak yang menaksir zakat sama ada pihak institusi zakat, amil-amil atau para petani itu sendiri. Selain itu, pembayaran zakat hasil tanaman yang dibayar terus kepada institusi zakat atau amil-amil yang telah dilantik secara rasmi oleh institusi zakat adalah perlu disebarluaskan dan dilaksanakan secara lebih berkesan supaya objektif sebenar tujuan kutipan dan agihan zakat dapat dicapai.



**BAB
DUA
(2)**

BAB DUA

KONSEP-KONSEP UMUM ZAKAT TANAMAN

2.1 PENDAHULUAN

Kewajiban berzakat tidak dinafikan oleh setiap orang Islam memandang zakat adalah salah satu daripada rukun Islam yang wajib dilaksanakan. Zakat merupakan suatu hak yang wajib pada harta di sisi syarak yang berasaskan kepada dalil al-Quran, al-Sunnah dan ijma'. Firman Allah S.W.T:

﴿ يَتَأْتِيهَا الَّذِينَ ءَامَنُوا إِنَّ كَثِيرًا مِّنَ الْأَحْبَارِ وَالرُّهْبَانِ لِيَأْكُلُوا أَمْوَالَ النَّاسِ
بِالْبَاطِلِ وَيَصُدُّونَ عَن سَبِيلِ اللَّهِ ۗ وَالَّذِينَ يَكْتُمُونَ الذَّهَبَ وَالْفِضَّةَ وَلَا
يُنْفِقُونَهَا فِي سَبِيلِ اللَّهِ فَبَشِّرْهُم بِعَذَابٍ أَلِيمٍ ﴾

“Hai orang-orang yang beriman, Sesungguhnya sebahagian besar dari orang-orang alim Yahudi dan rahib-rahib Nasrani benar-benar memakan harta orang dengan jalan batil dan mereka menghalang-halangi (manusia) dari jalan Allah. Dan orang-orang yang menyimpan emas dan perak dan tidak menafkannya pada jalan Allah, maka beritahukanlah pada mereka, (bahawa mereka akan mendapat) seksa yang pedih”.

Surah al-Taubah (9): 34

Firman Allah S.W.T lagi:

﴿ قَدْ أَفْلَحَ الْمُؤْمِنُونَ ﴿١﴾ الَّذِينَ هُمْ فِي صَلَاتِهِمْ خَاشِعُونَ ﴿٢﴾ وَالَّذِينَ هُمْ عَنِ اللَّغْوِ
مُعْرِضُونَ ﴿٣﴾ وَالَّذِينَ هُمْ لِلزَّكَاةِ فَاعِلُونَ ﴿٤﴾ وَالَّذِينَ هُمْ لِفُرُوجِهِمْ حَافِظُونَ
﴿٥﴾ إِلَّا عَلَىٰ أَزْوَاجِهِمْ أَوْ مَا مَلَكَتْ أَيْمَانُهُمْ فَإِنَّهُمْ غَيْرُ مَلُومِينَ ﴿٦﴾

“Sesungguhnya berjayalah orang-orang yang beriman ① Iaitu mereka yang khusyuk dalam sembahyangnya ② Dan mereka yang menjauhkan diri dari perbuatan dan perkataan yang sia-sia ③ Dan mereka yang berusaha membersihkan hartanya (dengan menunaikan zakat harta itu) ④ Dan mereka yang menjaga kehormatannya ⑤ Kecuali kepada

isterinya atau hamba sahayanya maka sesungguhnya mereka tidak tercela ⑥

Surah al-Mū'minūn (23): 1-6

Zakat berperan memberi bantuan untuk golongan-golongan yang memerlukan. Melalui pungutan zakat menunjukkan bahawa sesebuah negara berusaha untuk menegakkan keadilan sosial dan mendekatkan jurang perbezaan di antara golongan yang kaya dengan golongan miskin.

Oleh itu, orang Islam yang beriman akan merasa bertanggungjawab mengeluarkan zakat untuk kepentingan masyarakat bersama dan bagi mematuhi arahan Allah S.W.T sebagaimana Firman Allah S.W.T:

وَأَقِيمُوا الصَّلَاةَ وَآتُوا الزَّكَاةَ وَارْكَعُوا مَعَ الرَّاكِعِينَ ④

“Dan dirikanlah kamu akan sembahyang dan keluarkanlah zakat, dan rukuklah kamu semua (berjemaah) bersama-sama orang-orang yang rukuk”.

Surah al-Baqarah (2): 43

Dan firman Allah S.W.T lagi:

وَأَقِيمُوا الصَّلَاةَ وَآتُوا الزَّكَاةَ وَأَطِيعُوا الرَّسُولَ لَعَلَّكُمْ تُرْحَمُونَ ②١

“Dan dirikanlah sembahyang, tunaikanlah zakat dan taatlah kepada Rasul supaya kamu diberi rahmat”.

Surah al-Nūr (24): 56

Zakat dari sudut bahasa bermaksud berkat, tambah, bersih dan baik. Sesuai dengan pelbagai maksud ini, zakat sebenarnya adalah merupakan satu konsep yang sangat luas dan terperinci⁴⁵.

⁴⁵ Al-Qaraḍāwī, Yūsuf (1994), *Fiqh al-Zakāh*, C.21, Juz. 1, Qaherah: Maktabah Wahbah/

Dari segi syarak⁴⁶ pula ia merujuk kepada pembayaran wajib sebahagian harta daripada golongan yang berhak berdasarkan kaedah dan syarat-syarat yang telah ditetapkan oleh syarak. Hukum membayar zakat ke atas orang yang berkelayakan adalah satu kewajipan yang wajib dilaksanakan.

2.2 Jenis-Jenis Zakat

Zakat terbahagi kepada dua jenis iaitu zakat fitrah dan zakat harta.

- i. Zakat fitrah ialah pembayaran yang wajib dibayar oleh setiap individu muslim pada bulan Ramadhan.
- ii. Zakat harta ialah merupakan satu pembayaran yang wajib dikenakan apabila sesuatu harta itu mencapai kadar dan tempoh yang telah ditetapkan oleh syarak. Antara harta-harta yang dikenakan zakat adalah emas dan perak, perniagaan, pendapatan, saham, wang, simpanan, pertanian dan *maādīn*.

Zakat merupakan satu pembayaran yang wajib dikeluarkan dalam semua jenis harta yang boleh dimajukan dan juga dikembangkan. Zakat hasil tanaman adalah salah satu jenis zakat yang termasuk dalam kategori zakat harta. Para fuqaha' telah membuat panduan pengeluaran zakat dengan membahagikan harta kepada dua iaitu harta tetap dan harta berubah. Harta tetap ialah harta yang tidak boleh dipindahkan dari satu tempat ke tempat yang lain seperti tanah, bangunan dan pokok. Manakala harta berubah pula ialah harta yang boleh dipindahkan dari satu tempat ke tempat yang lain seperti wang, barang perniagaan dan binatang ternakan⁴⁷.

2.3 Pengertian Zakat Tanaman

⁴⁶ *Ibid.*

⁴⁷ Afzal-Ur-Rahman (1980), *Economic Doctrines of Islam*, Lahore, Pakistan: Islamic Publications Limited, h.198.

Perkataan zakat diambil daripada *zakāh al-Syai'* yang bermaksud sesuatu itu bertambah dan subur. Zakat juga bermaksud bersih berdasarkan kepada firman Allah S.W.T:

قَدْ أَفْلَحَ مَنْ زَكَّاهَا ﴿٩﴾

“*Sesungguhnya beruntunglah orang yang mensucikan jiwa itu*”

Surah a-Syams (91): 9

Manakala pengertian zakat dari istilah syarak ialah kadar tertentu yang diambil daripada sebahagian harta tertentu yang wajib diberikan kepada golongan tertentu apabila cukup syarat-syarat yang ditentukan. Ia juga boleh disimpulkan sebagai mengeluarkan bahagian tertentu dengan kadar tertentu yang wajib pada harta tertentu apabila mencukupi syarat-syaratnya yang telah ditentukan oleh syarak untuk diberikan kepada golongan-golongan asnaf yang telah ditetapkan oleh syarak⁴⁸.

Sehubungan itu, zakat tanaman diertikan sebagai mengeluarkan kadar yang tertentu daripada hasil tanaman yang tertentu yang mencukupi syarat-syarat tertentu untuk diberikan kepada golongan-golongan tertentu yang telah ditetapkan oleh syarak. Umumnya, syarat-syarat yang perlu dipenuhi untuk wajib mengeluarkan zakat tanaman ialah Islam, merdeka, milik yang sempurna, harta berkembang, cukup nisab, melebihi keperluan biasa dan bebas daripada hutang⁴⁹. Manakala syarat *hawl* tidak dikenakan ke atas zakat tanaman⁵⁰.

Zakat hasil tanaman pertanian juga dikenali dengan pelbagai sebutan. Namun ia tetap memberi maksud yang sama. Di kalangan mazhab Ḥanafī terkenal dengan sebutan *ʿusyr*, di kalangan mazhab Syāfiʿī dan Mālikī pula dikenali dengan zakat *al-*

⁴⁸ Al-khātib, Muḥammad al-Syarbinī (1958), *Mughnī al-Muhtāj ilā Maʿrifah Maʿānī Alfāz al-Minhāj*, Jil.1, Mesir: Syārikah Muṣṭafā al-Bāb al-Ḥalābī; al-Muṭīʿī, Muḥammad Najib, (t.t), *Taklimāt al-Majmūʿ Syarḥ al-Mahadhab*, Jil. 5, Qaherah: Matbaʿah al-Imām.

⁴⁹ Al-Qaraḍāwī, Yūsuf (1994), *op. cit.*, h. 339.

⁵⁰ Al-Sarakhsi, Syams al-Dīn ((1978), *al-Mabsut*, C.3, Jil.1, Beirut: Dār al-Maʿrifah.

zurū' wa al-Thimār. Terdapat juga golongan yang menyebut dengan kalimah al-Mu`asshirāt atau al-nabāt⁵¹.

2.4 Dalil-Dalil Zakat Tanaman

Zakat adalah merupakan kewajiban dan rukun Islam ketiga yang wajib dilaksanakan oleh setiap umat Islam yang telah menepati syarat-syarat wajib zakat. Melalui zakat, tanggungjawab melasanakan ibadat dapat dilaksanakan demi mencapai kepentingan bersama dalam hidup bermasyarakat. Demikian firman Allah S.W.T tentang kewajiban melaksanakan zakat.

خُذْ مِنْ أَمْوَالِهِمْ صَدَقَةً تُطَهِّرُهُمْ وَتُزَكِّيهِمْ بِهَا وَصَلِّ عَلَيْهِمْ إِنَّ صَلَاتَكَ سَكَنٌ لَهُمْ
وَاللَّهُ سَمِيعٌ عَلِيمٌ ﴿١٣﴾

“Ambillah zakat dari sebahagian harta mereka, dengan zakat itu kamu membersihkan dan mensucikan mereka dan mendoalah untuk mereka. Sesungguhnya doa kamu itu (menjadi) ketenteraman jiwa bagi mereka dan Allah Maha mendengar lagi Maha Mengetahui”.

Surah al-Taubah (9): 103

Firman Allah S.W.T lagi:

وَأَقِيمُوا الصَّلَاةَ وَآتُوا الزَّكَاةَ وَمَا تُقَدِّمُوا لِأَنْفُسِكُمْ مِنْ خَيْرٍ تَجِدُوهُ عِنْدَ اللَّهِ إِنَّ
اللَّهَ بِمَا تَعْمَلُونَ بَصِيرٌ ﴿١١﴾

“Dan dirikanlah solat dan tunaikanlah zakat. dan kebaikan apa saja yang kamu usahakan bagi dirimu, tentu kamu akan mendapat pahalanya pada sisi Allah. Sesungguhnya Allah Maha melihat apa-apa yang kamu kerjakan”.

Surah al-Baqarah (2): 110

Ulama-ulama fiqh bersependapat mengenai kewajiban zakat tanaman yang telah ditentukan dalam al-Quran, hadis, pendapat sahabat dan Ijma'. Dalil-dalil yang

⁵¹ Yusuf al-Qaradawi (1993), *Fiqh al-Zakāh*, Beirut: Mu`assasah al-Risālah, h.342.

menyeru kepada kewajiban melaksanakan zakat tanaman berdasarkan kepada Firman Allah S.W.T:

وَهُوَ الَّذِي أَنْشَأَ جَنَّاتٍ مَّعْرُوشَاتٍ وَغَيْرَ مَعْرُوشَاتٍ وَالنَّخْلَ وَالزَّرْعَ مُخْتَلِفًا
أُكْلُهُمْ وَالزَّيْتُونَ وَالزُّمَامَانَ مِثْلَهَا وَغَيْرَ مُتَشَبِهَةٍ كُلُوا مِنْ ثَمَرِهِ إِذَا
أَثْمَرَ وَآتُوا حَقَّهُ يَوْمَ حَصَادِهِ وَلَا تُسْرِفُوا إِنَّهُ لَا يُحِبُّ الْمُسْرِفِينَ ﴿١٤١﴾

“Dan Dialah yang menjadikan kebun-kebon yang berjunjung dan tidak berjunjung, pohon kurma, hasil tanaman yang beraneka jenis rasanya, zaitun dan delima yang serupa dan tidak serupa. Makanlah buahnya apabila berbuah dan bayarlah kewajiban zakat pada hari memetik hasil”.

Surah al-‘An‘ām (4): 141

Firman Allah S.W.T lagi:

يَتَأْتِيهَا الَّذِينَ ءَامَنُوا أَنْفِقُوا مِنْ طَيِّبَاتِ مَا كَسَبْتُمْ وَمِمَّا أَخْرَجْنَا لَكُمْ مِنَ الْأَرْضِ
وَلَا تَيَمَّمُوا الْخَبِيثَ مِنْهُ تُنْفِقُونَ وَلَسْتُمْ بِآخِذِيهِ إِلَّا أَنْ تُغْمِضُوا فِيهِ ۚ وَاعْلَمُوا
أَنَّ اللَّهَ غَنِيٌّ حَمِيدٌ ﴿٢٦٧﴾

“Hai orang-orang yang beriman, nafkahkanlah (di jalan Allah) sebahagian dari hasil usahamu yang baik-baik dan sebahagian dari apa yang kami keluarkan dari bumi untuk kamu. Dan janganlah kamu memilih yang buruk-buruk lalu kamu menafkahkan daripadanya, padahal kamu sendiri tidak mahu mengambilnya melainkan dengan memejamkan mata terhadapnya. Dan Ketahuilah, bahawa Allah Maha Kaya lagi Maha Terpuji”.

Surah al-Baqarah (2): 267

Diriwayatkan juga oleh Muslim dan Abū Dawūd dari Jābir bahawasanya beliau mendengar Nabi Muhammad S.A.W bersabda:

عن جابر رضى الله عنه : أنه سمع النبي صلى الله عليه وسلم قال: فيما سقت الأنهار
والغيم العشر, وفيما سقي بالسانية نصف العشر⁵²

⁵² Al-Naisābūrī (t.t), *al-Jāmi’ al-Ṣāḥiḥ, Kitāb al-Zakāh, Bāb Mā Fīhi al-’Usyr aw Niṣfu al-’Usyr*, Jil. 3, t.p:t.t, h. 67.

“Kadar zakat tanam-tanaman yang disirami air sungai dan hujan ialah 1/10 dan tanam-tanaman yang disirami menggunakan tenaga ialah 1/20”.

Jelas ayat-ayat di atas menunjukkan bahawa wajib zakat ke atas tumbuhan yang terhasil di bumi apabila telah cukup kadar nisabnya. Walaubagaimanapun, para ulama` berselisih pendapat berkaitan jenis tanaman yang diwajibkan zakat.

2.5 Hasil Zakat Tanaman

Hasil tanaman diertikan sebagai semua hasil pertama yang diperolehi daripada usaha tanaman sama ada ia adalah tanaman jangka pendek atau tanaman jangka panjang⁵³. Tanaman jangka pendek diertikan sebagai tanaman yang hasilnya diperolehi sekali untuk setiap kali tanaman seperti sayur-sayuran, jagung dan nanas. Manakala tanaman jangka panjang pula diertikan sebagai tanaman yang hasilnya diperolehi secara berkekalan dalam jangka masa yang panjang untuk setiap kali tanaman seperti kelapa sawit, getah dan kelapa.

Pelbagai pandangan dalam kalangan para fuqaha berkaitan penetapan ciri dan jenis tanaman yang diwajibkan zakat tanaman. Pandangan-pandangan tersebut dijelaskan seperti berikut;

⁵³ Sanep Ahmad dan Harunnizam Wahid (2004), “Persepsi dan Kesedaran Terhadap Perluasan Sumber Zakat Harta Yang Diikhtilaf”, (Kertas Kerja Seminar Halatuju Zakat Korporat Di Alaf Baru, 7-8 Julai 2004) anjuran Kumpulan Kajian Zakat Fakulti Pengajian Islam, Universiti Kebangsaan Malaysia, h.11.

Jadual 2.1: Ciri dan Jenis Tanaman Yang Dikenakan Zakat

Pandangan	Ciri Tanaman Dikenakan Zakat	Contoh Jenis Tanaman
Ibn Abī Lailā, Sufyān al-Thaurī dan Ibn al-Mubārak ⁵⁴ , Ibn al-Mundzair Ibn 'Abd al-Bar dan Abū 'Ubaid ⁵⁵	Empat jenis bijirin dan buah-buahan yang menjadi makanan utama sahaja	Gandum, barli, tamar dan <i>zabīb</i> (kismis)
Imām Mālik ⁵⁶ dan Imām Syāfi'ī ⁵⁷	Makanan utama yang mengenyangkan dan boleh disimpan lama	Gandum, barli, jagung, padi dan seumpamanya yang mengikut kebiasaan setempat
Aḥmad Ibn Ḥanbāl ⁵⁸	Hasil tanaman yang boleh dikeringkan, disimpan lama dan disukat	Gandum, barli, jagung, padi, kacang peas, kacang putih, rempah seperti jintan dan cengkih
Abū Ḥanīfah ⁵⁹ , Abū Yūsuf	Apa sahaja yang dihasilkan daripada bumi sama ada banyak atau sedikit	Semua makanan atau rumput rampai

- Sumber: a) Muḥammad bin Rashīd al-Qurṭubī (1982), *Bidāyah al-Mujtahid wa al-Nihāyatu al-Muqtaṣid, Kitāb al-Zakāh*, Jil. 1, Beirut: Dār al-Ma'rifah, h. 253.
- b) Ibn Qudāmah (t.t), *al-Mughnī, Kitāb al-Zakāh, Bāb al-Zakāh wa al-Zurū' wa al-Thimār*, Jil. 4, Riyad: Dār `Ālim al-Kutub, h. 154
- c) Al-Dusūqī, Muḥammad bin Aḥmad (1996), *Khāsyiah al-Dusūqī*, Jil. 2, Beirut: Dār al-Ma'rifah, h. 30.
- d) Al-Khāṭib al-Syarbinī (1997), *Mughnī al-Muhtāj*, Jil. 1, Beirut: Dār al-Ma'rifah, h. 565.
- e) Al-Kasānī (1998), *Badā'i' al-Ṣanā'i'*, Jil. 2, Lubnan: Dār Iḥyā' al-Turāth al-'Arabī, hh.178-179.

Berdasarkan jadual 2.1, menurut pandangan yang pertama, tanaman yang dikenakan zakat hanya pada empat jenis bijirin dan buahan yang menjadi makanan utama iaitu gandum, barli, tamar dan kismis. Ia disandarkan kepada pandangan daripada hadis 'Amrū Ibn Syu'aib. 'Abdullah Ibn 'Amrū berkata:

⁵⁴ Muḥammad bin Rashīd al-Qurṭubī (1982), *Bidāyah al-Mujtahid wa al-Nihāyatu al-Muqtaṣid, Kitāb al-Zakāh*, Jil. 1, Beirut: Dār al-Ma'rifah, h. 253.

⁵⁵ Ibn Qudāmah (t.t), *al-Mughnī, Kitāb al-Zakāh, Bāb al-Zakāh wa al-Zurū' wa al-Thimār*, Jil. 4, Riyad: Dār `Ālim al-Kutub, h. 154.

⁵⁶ al-Dusūqī, Muḥammad bin Aḥmad (1996), *Khāsyiah al-Dusūqī*, Jil. 2, Beirut: Dār al-Ma'rifah, h. 30.

⁵⁷ Al-Khāṭib al-Syarbinī (1997), *Mughnī al-Muhtāj*, Jil. 1, Beirut: Dār al-Ma'rifah, h. 565.

⁵⁸ Ibn Qudāmah (t.t), *op. cit*, h.155.

⁵⁹ Al-Kasānī (1998), *Badā'i' al-Ṣanā'i'*, Jil. 2, Lubnan: Dār Iḥyā' al-Turāth al-'Arabī, hh.178-179.

إنما سن رسول الله صلى الله عليه وسلم الزكاة في الخنطة والشعير والتمر والزبيب⁶⁰
“*Sesungguhnya Rasulullah S.A.W mewajibkan zakat pada gandum, barli, tamar dan zabib*”

Manakala hadis Abū Burdah daripada Abū Mūsā al-Asy’ārī dan Mu’āz Ibn Jabal menyebut:

أن رسول الله صلى الله عليه وسلم بعثهما الى اليمن يعلمان الناس في أمر دينهم⁶¹
فامرهما لا يأخذا الصدقة إلا من هذه الأربعة: الخنطة والشعير والتمر والزبيب

“*Bahawa Rasulullah S.A.W menghantar kedua-duanya ke Yaman mengajar ramai tentang agama mereka. Baginda meyuruh mereka supaya tidak mengambil zakat kecuali daripada empat ini: gandum, barli, tamar dan zabib (kismis)*”.

Ayat-ayat di atas menunjukkan hanya empat jenis tanaman sahaja iaitu gandum, kurma, barli dan kismis yang dikenakan zakat. Oleh itu, tumbuhan atau buah-buahan selain daripada empat jenis hasil ini tidak dikenakan zakat. Ia berasaskan kepada hukum asal iaitu tidak ada kewajipan kecuali jika ada dinaskan sebaliknya. Walau bagaimanapun, Ibrāhīm al-Nakha‘ī⁶² menambah satu lagi tanaman iaitu jagung dan Ibn ‘Abās⁶³ menambah zaitun.

Manakala menurut pandangan Imām Mālik dan Imām Syāfi‘ī, ciri makanan yang dikenakan zakat adalah makanan utama yang mengenyangkan dan boleh disimpan lama. Apa yang dikatakan makanan utama ialah apa yang dimakan oleh orang ramai sebagai makanan yang mengenyangkan (*qut*) dalam keadaan biasa. Ibn Qudāmah, Imām Mālik dan Imām Syāfi‘ī⁶⁴ berpendapat bahawa zakat tidak dikenakan pada buah-buahan kecuali tamar dan *zabīb* iaitu zakat tidak dikenakan ke atas bijirin kecuali yang menjadi makanan utama⁶⁵.

⁶⁰ Ibn Qudāmah (t.t), *op. cit*, h.156.

⁶¹ *Ibid*, h.157.

⁶² Ibn Qudāmah (t.t), *op. cit*, h. 156.

⁶³ *Ibid*.

⁶⁴ Al-Syāfi‘ī (2001), *al-‘Umm, Kitāb al-Zakāh, Bāb Tafrī’ Zakāh al-Khunṭah*, Jil. 3, : Dār al-Wafā’ Liṭibā’ah wa al-Naṣr wa al-Tauzī’, h. 89.

⁶⁵ Ibn Qudāmah (t.t), *op. cit*, h. 156.

Ciri ketiga tanaman yang dikenakan zakat ialah menurut pandangan Aḥmad Ibn Ḥanbāl. Menurut pandangan Ibn Hanbal zakat dikenakan ke atas hasil pertanian yang memenuhi semua sifat-sifat iaitu boleh dikeringkan, tahan lama dan boleh disukat sama ada bijirin atau buah-buahan yang terhasil dari usaha tanaman manusia⁶⁶

فيما سقت السماء والعيون او كان عشريا العشر, وفيما سقى بالنضح نصف العشر⁶⁷

“Pada apa yang dijirus oleh langit atau mata air atau takungan sepuluh peratus dan pada apa yang dijirus dengan tangan lima peratus”.

Sabda Baginda S.A.W kepada Mu’āz Ibn Jabal:

خذ الحب بالحب⁶⁸

“Ambillah (zakat dalam bentuk) bijirin dari bijirin”

Manakala menurut pandangan seterusnya iaitu Abū Ḥanīfah pula berpendapat bahawa zakat dikenakan ke atas semua yang terhasil dari muka bumi sama ada sengaja diusahakan atau yang tumbuh sendiri⁶⁹. Antara nas yang menjadi dalil kepada pandangan mazhab Abū Ḥanīfah adalah melalui Firman Allah S.W.T:

يَأْتِيهَا الَّذِينَ ءَامَنُوا أَنفُقُوا مِن طَيِّبَاتِ مَا كَسَبْتُمْ وَمِمَّا أَخْرَجْنَا لَكُمْ مِنَ الْأَرْضِ
ط وَلَا تَيَمَّمُوا الْخَبِيثَ مِنْهُ تُنْفِقُونَ وَلَسْتُمْ بِكَافِرِيهِ إِلَّا أَن تَغْمِضُوا فِيهِ ۚ وَعَلَّمُوا
أَنَّ اللَّهَ غَنِيٌّ حَمِيدٌ

“Wahai orang-orang yang beriman! belanjakanlah (pada jalan Allah) sebahagian dari hasil usaha kamu yang baik-baik, dan sebahagian dari apa yang Kami keluarkan dari bumi untuk kamu. dan janganlah kamu sengaja memilih yang buruk daripadanya (lalu kamu dermakan atau kamu jadikan pemberian zakat), padahal kamu sendiri tidak sekali-kali

⁶⁶ Ibid.

⁶⁷ Al-Bukhārī (t.t), *al-Jāmi’ al-Ṣaḥīḥ, Kitāb al-Zakāh, Bāb Laisa Fimā Dūna Khamsata Ausūqin Ṣadaqah*, No. Hadis 1484, Jil. 1, Qaherah: Matba’ah al-Salafiyyah, h. 148.

⁶⁸ Ibn Qudāmah (t.t), *op. cit*, h. 157.

⁶⁹ Ibn al-Ḥumām (1970), *al-Muhallā’*, Jil. 5, Qaherah: Maktabah al-Jamhuriyyah al-’Arābiyyah, h. 314.

akan mengambil yang buruk itu (kalau diberikan kepada kamu), kecuali dengan memejamkan mata padanya. Dan ketahuilah, Sesungguhnya Allah Maha Kaya, lagi sentiasa Terpuji”.

Surah al-Baqarah (2): 267

Pengertian umum ayat di atas menjelaskan wajib zakat kepada semua jenis tumbuhan di muka bumi. Ayat ini menjadi asas kepada pandangan Abū Ḥanīfah Berasaskan kepada pandangan ini menunjukkan zakat tidak dikenakan hanya bahawa zakat wajib kepada semua tumbuh-tumbuhan yang biasa ditanam⁷⁰ kepada makanan utama. Sandaran kepada pandangan Aḥmad Ibn Ḥanbāl ini Namun menurut Yūsuf al-Qaraḍāwī⁷¹ pula, beliau berpendapat bahawa zakat berdasarkan kepada hadis Rasulullah S.A.W: tanaman diwajibkan ke atas semua jenis tanaman selagi ia dapat mendatangkan kekayaan. Menurut beliau, zakat tanaman harus dikenakan pada semua jenis tanaman supaya hikmah kewajipan zakat dapat dicapai. Ini juga kerana pengusaha ladang gandum mahupun pengusaha ladang epal dan lain-lain kesemuanya turut memperolehi manfaat kekayaan daripada hasil tanaman yang diusahakan. Ini kerana Yūsuf al-Qaraḍāwī telah menyimpulkan perbezaan pandangan-pandangan tersebut dengan mengambilkira faktor semasa iaitu:

“Mazhab yang paling sesuai ditarjih atau diutamakan ialah Abū Ḥanīfah. Ia juga adalah pandangan 'Umar Ibn 'Abd 'Azīz, Mujāhid, Hammad, Dāwūd dan al-Nakhā'ī, iaitu zakat wajib dikeluarkan dari segala apa yang dikeluarkan dari bumi. Inilah pandangan yang didokong oleh pengertian umum nas al-Quran dan al-Sunnah yang selaras dengan hikmat atau objektif perundangan zakat. Adalah kurang bijaksana, pada pandangan kita, kalau Syariat Islam mewajibkan zakat atas para petani yang menanam gandum dan barli tetapi mengecualikannya daripada para pengusaha ladang limau, kelapa sawit dan sebagainya dilepaskan.”⁷²

Oleh demikian, ini menjelaskan bahawa perbezaan pelbagai pandangan ini menggambarkan bahawa setiap para fuqaha' menentukan jenis tanaman yang dikenakan zakat dipengaruhi oleh persekitaran masing-masing⁷³ supaya ia bersesuaian

⁷⁰ Al-Jassās (1993), *Aḥkām al-Qurān*, Jil. 1, Beirut: Dār al-Fikr, h. 625.

⁷¹ Yūsuf al-Qaraḍāwī (1969), *Fiqh al-Zakāh*, Beirut: Dār al-Irsyād, h. 355.

⁷² Yūsuf al-Qaraḍāwī (1973) *Fiqh al-Zakāh*, Beirut: Muassasah al-Risālah, h.355.

⁷³ Mahmood Zuhdi (2003), *Pengurusan Zakat*, Kuala Lumpur: Dewan Bahasa dan Pustaka, h. 248.

dengan sesuatu keadaan dan masyarakat di setiap kawasan. Secara ringkasnya pandangan-pandangan tersebut dirumuskan seperti berikut⁷⁴:

- i. Zakat wajib pada empat jenis bijirin dan buah-buahan yang menjadi makanan utama sahaja;
- ii. Zakat wajib pada makanan utama yang boleh disimpan lama;
- iii. Zakat wajib pada hasil tanaman yang boleh dikeringkan, disimpan lama dan disukat; dan
- iv. Zakat wajib pada semua hasil tanaman dan tumbuhan.

Oleh itu, disimpulkan bahawa Syariat Islam banyak memberi kelonggaran dalam menentukan keputusan yang sesuai dengan objektif Syariat Islam itu sendiri⁷⁵. Ini bertujuan agar kemaslahatan masyarakat khususnya umat Islam dapat dijaga dan diutamakan termasuklah hal berkaitan dengan zakat tanaman.

2.6 Syarat-Syarat Wajib Zakat Tanaman

Syarat merupakan satu keadaan yang menentukan sesuatu hukum. Semua jenis harta yang berada dalam tangan pemiliknya cukup tempoh adalah tertakluk kepada zakat jika jumlah harta itu melebihi nisab kecuali bagi hasil pertanian dan hasil galian⁷⁶. Hasil pertanian seperti buah-buahan dan biji-bijian tidak disyaratkan melalui tempoh *hawl*. Pengecualian syarat cukup *hawl* bagi zakat tanaman dan hasil galian ini merujuk kepada ayat al-Quran, Firman Allah S.W.T:

⁷⁴ Mahmood Zuhdi Abdul Majid (2003), *Pengurusan zakat*, Kuala Lumpur: Dewan Bahasa dan Pustaka, hh. 238-245.

⁷⁵ Mahmood Zuhdi (2003), *op.cit.*, h.251.

⁷⁶ Ibn Qudamah (1997), *op. cit*, hh. 582-583.

وَهُوَ الَّذِي أَنْشَأَ جَنَّاتٍ مَّعْرُوشَاتٍ وَغَيْرَ مَعْرُوشَاتٍ وَالنَّخْلَ وَالزَّرْعَ مُخْتَلِفًا
 أَكْلُهُمُ وَالزَّيْتُونَ وَالرُّمَانَ مُتَشَابِهًا وَغَيْرَ مُتَشَابِهٍ ۚ كُلُوا مِنْ ثَمَرِهِ إِذَا
 أَثْمَرَ وَءَاتُوا حَقَّهُ يَوْمَ حَصَادِهِ ۗ وَلَا تُسْرِفُوا ۚ إِنَّهُ لَا يُحِبُّ الْمُسْرِفِينَ ﴿١٤١﴾

“Dan Dia lah (Allah) yang menjadikan (untuk kamu) kebun-kebun yang menjalar tanamannya dan yang tidak menjalar; dan pohon-pohon tamar (kurma) dan tanaman-tanaman yang berlainan (bentuk, rupa dan) rasanya; dan buah zaitun dan delima, yang bersamaan (warnanya atau daunnya) dan tidak bersamaan (rasanya). makanlah dari buahnya ketika ia berbuah, dan keluarkanlah haknya (zakatnya) pada hari memetik atau menuainya; dan janganlah kamu melampau (pada apa-apa jua yang kamu makan atau belanjakan); Sesungguhnya Allah tidak suka kepada orang-orang yang melampau”

Surah al-An’ām (6): 141

Pengeluaran zakat pada tanaman tidak terikat dengan *hawl* kerana kiraannya adalah dalam bentuk musim dan hasil iaitu apabila tiba musim menuai atau musim kutipan hasil tanaman. Oleh yang demikian, sekiranya hasil-hasil tanaman tersebut tumbuh dan mendatangkan hasil lebih dari satu kali (dituai dan ditanam beberapa kali) dalam satu tahun, maka tuannya wajib mengeluarkan zakat ke atas setiap kali ianya dituai tanpa menunggu *hawl*⁷⁷. Demikian pula, jika kuantiti hasil pertanian yang diperolehi kurang dari had pengecualian yang telah ditetapkan oleh hukum Islam maka ia dikecualikan dari zakat. Oleh kerana zakat tanaman tidak terlibat dengan syarat cukup tempoh (*hawl*), maka syarat-syarat wajib bagi zakat tanaman ialah:

i. Beragama Islam

Zakat merupakan ibadah yang asas dalam rukun Islam. Tidak sah zakat yang dikeluarkan atau diambil daripada orang bukan Islam. Hal ini berdasarkan kepada hadis Mu’āz r.a:

⁷⁷ Mahmood Zuhdi (2003), *op.cit*, h. 34.

أدعهم الى شهادة أن لا اله الا الله وإني رسول الله...فإن هم أطاعوا لذلك فاعلمهم ان
الله قد افترض عليهم صدقة...

“Serulah mereka untuk bersaksi bahawa tiada Tuhan yang berhak disembah melainkan Allah dan sesungguhnya aku adalah utusan Allah...sekiranya mereka mentaati perkara itu, beritahulah mereka bahawa Allah mewajibkan zakat ke atas mereka”.

Begitu juga dengan hadis daripada Abū Bakar r.a:

هذه فريضة الصدقة التي فرضها رسول الله صلى الله عليه وسلم على المسلمين

“Ini adalah kewajipan berzakat yang telah difardukan oleh Rasulullah S.A.W ke atas orang Islam”.

Ayat di atas jelas menunjukkan bahawa orang bukan Islam tidak dituntut berzakat. Oleh itu, orang Islam walaupun belum mukallaf termasuk juga hamba adalah tidak terkecuali melaksanakan kewajipan berzakat harta termasuk zakat tanaman. Ini kerana ibadat zakat disyariatkan bukan hanya untuk pembersihan diri pemilik harta daripada sifat bakhil tetapi yang lebih jelas zakat bertujuan untuk membantu sesama umat Islam yang memerlukan bantuan segera⁸⁰.

ii. Pemilikan Sebenar (*al-Milk al-Tām*)

Pemilikan sempurna ialah pemilik harta tersebut bebas menggunakan harta yang dimiliki olehnya tanpa campur tangan orang lain. Hal ini disyaratkan kerana zakat pada asalnya bermakna memiliki dan diberikan kepada orang yang berhak menerimanya dan keadaan ini tidak dapat dilaksanakan kecuali harta yang dimiliki itu adalah harta milik yang sempurna. Oleh yang demikian tidak dikenakan zakat terhadap

⁷⁸ Al-Bukhārī (t.t), *op. cit.*, h. 148.

⁷⁹ *Ibid.*

⁸⁰ Mujaini Tarimin (1990), *op. cit.*, h. 26

harta yang berada diluar kekuasaan pemilik atau harta yang tiada tuannya dan tidak diketahui di mana tempatnya atau tidak mampu untuk mengesan tuannya.

Walaubagaimanapun, perkara yang perlu diambil kira apabila menyebut tentang pemilikan dalam Islam ialah satu prinsip utama bahawa hakikat pemilik sebenar harta adalah hak mutlak Allah sebagaimana firman Allah S.W.T:

وَلِلَّهِ مَا فِي السَّمٰوٰتِ وَمَا فِي الْاَرْضِ وَكَفٰى بِاللّٰهِ وَكِيلًا ﴿١٣٢﴾

“Bagi Allah jualah apa yang ada di langit dan apa yang ada dibumi dan cukuplah Allah sebagai pengawal (yang mentadbir dan menguasai segalanya)”

Surah an-Nisā‘ (4):132

Peranan manusia pula diamanahkan sebagai khalifah untuk menjaga keamanan dan kemakmuran harta-harta tersebut sebagaimana firman Allah S.W.T:

وَإِذْ قَالَ رَبُّكَ لِلْمَلٰٓئِكَةِ اِنِّىْ جَاعِلٌ فِى الْاَرْضِ خَلِيْفَةً ۗ قَالُوْۤا اَتَجْعَلُ فِىْهَا مَنْ يُّفْسِدُ

فِىْهَا وَيَسْفِكُ الدِّمَآءَ وَنَحْنُ نُسَبِّحُ بِحَمْدِكَ وَنُقَدِّسُ لَكَ ۗ قَالَ اِنِّىْۤ اَعْلَمُ مَا لَا تَعْلَمُوْنَ

“Dan (ingatlah) ketika Tuhanmu berfirman kepada Malaikat; "Sesungguhnya Aku hendak menjadikan seorang khalifah di bumi". mereka bertanya (tentang hikmat ketetapan Tuhan itu dengan berkata): "Adakah Engkau (Ya Tuhan kami) hendak menjadikan di bumi itu orang yang akan membuat bencana dan menumpahkan darah (berbunuh-bunuhan), padahal kami sentiasa bertasbih dengan memujiMu dan mensucikanMu?". Tuhan berfirman: "Sesungguhnya Aku mengetahui akan apa yang kamu tidak mengetahuinya”.

Surah al-Baqarah (2): 30

Oleh itu, walaupun manusia diberi mandat untuk memiliki harta dan mengusahakan harta mengikut kemahuannya, tetapi mereka tidak boleh lari daripada prinsip asas bahawa mereka cuma pentadbir harta milik Allah.

iii. Harta yang subur

Apa yang dimaksudkan dengan harta yang subur ialah setiap harta tersebut berkembang subur secara semulajadi. Jenis harta benda yang dimiliki oleh seseorang atau individu Islam hendaklah terdiri daripada harta yang boleh dikembangkan sama ada berkembang sendiri atau dengan hasil usaha manusia. Ia juga dimaksudkan daripada harta tersebut boleh diperolehi keuntungan atau pulangan yang halal kepada pemilik atau pengusaha harta tersebut⁸¹.

Terdapat berbagai jenis harta yang boleh diusahakan dan dikembangkan seperti ternakan, perniagaan, galian, harta simpanan modal atau cagar dan pertanian⁸². Oleh itu, harta atau hasil pertanian juga merupakan salah satu harta yang boleh diusahakan dan dikembangkan serta boleh diperolehi pulangan dan keuntungan dari perusahaannya.

iv. Cukup Nisab

Cukup kadar nisab juga merupakan syarat wajib yang utama dalam penentuan untuk pembayaran zakat. Nisab ialah kadar harta yang telah ditentukan oleh syarak di mana sesuatu harta itu tidak dikenakan zakat sekiranya tidak sampai kepada kadar yang telah ditentukan. Nisab juga diertikan sebagai mencapai atau mengatasi suatu kadar yang ditentukan bagi wajibnya menunaikan zakat⁸³. Namun konsep nisab ini juga perlu mengambil kira kemampuan seseorang sebagai individu sama ada benar-benar mampu mengeluarkan zakat atau sebaliknya⁸⁴. Syariat Islam telah menetapkan sukatan-sukatan tertentu bagi semua jenis harta yang diwajibkan zakat. Sepertimana harta-harta lain seperti binatang ternakan, emas dan perak, harta perniagaan, hasil

⁸¹ Mujaini Tarimin (1990), *op. cit.*, h. 31.

⁸² *Ibid.*

⁸³ Yusuf al-Qardawi (1980), *Fiqh al-Zakah*, Jil.1, Beirut: Darul Irshad, h.149.

⁸⁴ Abū Bakar Jābir al-Jazairī (1979), *Manhaj al-Muslim*, Qaherah: Maktabah al-Kuliyah al-Azhāriyyah, h. 308.

pertanian juga mempunyai kadar cukup nisab yang ditetapkan iaitu apabila petani-petani telah mencapai hasil sebanyak 5 *ausuq* maka wajib dikeluarkan zakat ke atas hasil tanaman tersebut.

2.7 Kadar Nisab Zakat Tanaman

Cukup kadar nisab merupakan salah satu syarat wajib dalam zakat tanaman. Kaedah asas penentuan kadar cukup nisab tanaman ialah lima *ausuq* pada zaman Rasulullah S.A.W yang bersandarkan kepada hadis sahih dari Abū Sa’īd:

ليس فيما أقل من خمسة أوسق صدقة⁸⁵
 “Tidak wajib zakat pada yang kurang daripada 5 *ausuq*”

Sabda Rasulullah S.A.W lagi:

والوسق ستون صاعا
 “...*wasuq* menyamai 60 *ṣa’*...”

Jadual 2.2: Kadar Nisab 5 *Ausuq* Dalam Sukatan Gantang Madinah

<i>Wasuq</i>	Gantang Madinah
1	(1X60): 60
5	(5X60): 300

Sumber: Ibn Fāris al-Qazwānī (1979), *Mu‘jam Maqāyis al-Lughah*, Vol. 3, .Mesir: Muṣṭafā al-Ḥalabī, h. 321.

Asas ukuran 5 *ausuq* dalam gantang pada zaman Rasulullah S.A.W adalah bersamaan dengan 300 gantang Madinah⁸⁶. Menurut Imām Nawāwī⁸⁷, para ulama’ telah bersepakat menerima kadar sukatan iaitu 1 *wasuq* bersamaan dengan 60 *ṣa’* (gantang). Maka, 5 *ausuq* bersamaan dengan 300 gantang. Kalimah *al-ṣa’* berdasarkan

⁸⁵ Al-Bukhārī (t.t), *op. cit.*, h. 460.

⁸⁶ Al-Naisaburi (t.t), *op. cit.*, h. 40.

⁸⁷ *Ibid.*

hadis tersebut sering digunakan dalam berbagai perkara seperti untuk kegunaan bekas air minuman, sukatan gantang⁸⁸ dan juga digunakan sebagai bekas mandi dan wudu⁸⁹.

Mengikut para ulama⁴, sukatan inilah yang harus menjadi asas kerana Rasulullah S.A.W sendiri mengunjurkan umat Islam supaya merujuk kepada sukatan Madinah dalam menyukat dan timbangan Makkah dalam menimbang⁹⁰

المكيال مكيال أهل المدينة والوزن وزن أهل مكة⁹¹

“Sukatan ialah sukatan penduduk Madinah, sedangkan timbangan ialah timbangan penduduk Makkah”

Menurut al-Qaraḍāwī⁹², hadis ini merupakan satu arahan yang berdasarkan realiti bahawa penduduk Madinah terdiri daripada para petani. Mereka banyak menggunakan sukatan dan lebih maju dalam metode tersebut. Sementara penduduk Makkah pula terdiri daripada ahli-ahli perniagaan. Maka, mereka lebih banyak menggunakan timbangan dan lebih maju dalam bidang berkenaan.

Selain dari alat-alat penyukat yang terkenal seperti *ṣā'* dan *mud* yang digunakan yang digunakan semenjak zaman Rasulullah S.A.W, sahabat dan *ṭābiin*, mereka juga menggunakan alat-alat seperti *makuk*, *firq*, *qisṭ*, *makhtum*, *wasq*, *kar*, *waibah*, *kailajah* dan *qafiz*⁹³.

⁸⁸ Ibn Faris al-Qazwānī (1979), *Mu'jam Maqāyis al-Lughah*, Vol 3, Mesir: Muṣṭafā al-Ḥalabī, h. 321

⁸⁹ Abū 'Ubaid (1968), *al-Amwal*, Mesir: al-Maktabah al-Kuliyyah al-Azhāriyyah, h. 688.

⁹⁰ Yūsuf al-Qaraḍāwī (1973), *op cit.*, h. 365.

⁹¹ Al-Nasā'ī (1992), *Sunan al-Nasā'ī*, ed. 2., Jil. 5., Beirut: Dār al-Ma'rifah, h. 58.

⁹² Al-Qaraḍāwī (1969), *op cit.*, h. 365.

⁹³ Subhi Saleh (1980), *al-Nuzūm al-Islāmiyyah*, Beirut: Dār al-Malāyīn, h. 417.

Terdapat pendapat yang berbeza dalam menentukan kadar cukup nisab zakat tanaman. Perbezaan ini dilihat seperti berikut:

Jadual 2.3: Pandangan Fuqaha Berkaitan Penentuan Kadar Cukup Nisab Zakat Pertanian

Pandangan Fuqaha	Aspek Penentuan Kadar Nisab	Dalil . Ini
Berdasarkan kepada Tabiih hadis Ibn 'Umar bin 'Abd 'Aziz, Jābir, Ibn Abī Lailā, al-Syāfi'ī, Abū Yūsuf dan Muḥammad ⁹⁴	Nisab Zakat tanaman dengan Kadar 5 <i>ausuq</i>	Berdasarkan kepada hadis sahih S.A.W Abu Sa'id yang bermaksud: <i>“Tidak diwajibkan zakat hasil tanaman yang kurang daripada lima ausuq”</i>
Imām Abū Ḥanīfah dan Majāhid ⁹⁵ Ibn 'Abbās, Zayid Ibn 'Alī, An-Nakhā'ī.	Nisab Zakat Tanaman Tanpa Kadar Tetap (Berdasarkan Nas Umum)	<ul style="list-style-type: none"> i. Hanya belandaskan kepada dalil umum al-Quran surah al-Baqarah ayat 267: ii. Berdasarkan hadis: <i>فيما سقت السماء العشر</i> <i>“...Setiap tanaman yang menerima hujan wajib ke atasnya 10 peratus”</i> iii. Selain itu, golongan ini juga besandarkan kepada qiyas tidak terikat dengan syarat cukup tempoh <i>hawl</i>.

Sumber: Ibn Qudāmah (t.t), *al-Mughnī, Kitāb al-Zakāh, Bāb al-Zakāh wa al-Zurū' wa al-Thimār*, Jil. 4, Riyad: Dār 'Ālim al-Kutub, hh. 161-162.

Menurut pandangan pertama, kadar nisab zakat tanaman ditentukan dengan kadar minimum 5 *ausuq* dengan bersandarkan kepada hadis sahih Abū Sa'id. Pandangan Jumhur yang pertama ini adalah lebih adil dan kuat untuk digunapakai dan diamalkan.

Ibn Qudamah⁹⁶ juga menyatakan bahawa kebanyakan para ulama termasuk Imām Syāfi'ī, Imām Mālik, Aḥmad Ibn Ḥanbal, Ibn 'Abd 'Azīz, Jābir Ibn Zaid, Abū Yūsuf dan para penduduk Madinah, zakat hasil tanaman dan buah-buahan tidak diwajibkan kecuali setelah memperolehi hasil sebanyak 5 *ausuq*. Sabda Rasulullah S.A.W:

⁹⁴ Ibn Qudāmah (t.t), *op. cit*, h.161.

⁹⁵ *Ibid*.

⁹⁶ Ibn Qudamah (1997), *op. cit*, Jil 3, h.7.

ليس فيما أقل من خمسة أوسق صدقة⁹⁷

“Tidak wajib zakat pada yang kurang daripada lima ausuq”

Manakala pandangan yang kedua menyatakan wajib zakat pada tanaman dengan kuantiti banyak atau sedikit tanpa melibatkan syarat cukup kadar nisab yang tertentu. Golongan ini hanya bersandarkan kepada dalil-dalil umum tanpa takwil dan tafsir. Selain itu, golongan ini juga bersandarkan kepada qiyas yang mana zakat tanaman tidak terikat dengan tempoh masa (*hawl*). Oleh itu, kadar nisab zakat tanaman juga tidak ditentukan kadar nisabnya sepertimana tidak perlu terikat dengan cukup tempoh masa (*hawl*) dan zakatnya juga dikeluarkan tanpa terikat dengan jumlah atau kuantiti sama ada banyak ataupun sedikit.

Manakala Imām Abū Ḥanīfah dan golongan sealiran dengannya pula tidak menghadkan kadar cukup nisab ke atas zakat hasil tanaman berpandukan kepada nas-nas umum yang tidak menekankan soal nisab.⁹⁸ Firman Allah S.W.T:

يَا أَيُّهَا الَّذِينَ ءَامَنُوا أَنْفِقُوا مِنْ طَيِّبَاتِ مَا كَسَبْتُمْ وَمِمَّا أَخْرَجْنَا لَكُمْ مِنَ الْأَرْضِ

“Wahai orang-orang yang beriman! belanjakanlah (pada jalan Allah) sebahagian dari hasil usaha kamu yang baik-baik, dan sebahagian dari apa yang Kami keluarkan dari bumi untuk kamu...”

Surah al-Baqarah (2): 267

Hujah lain Abū Ḥanīfah ialah hadis yang diriwayatkan dari Anas, Rasulullah S.A.W bersabda:

في كل ما اخرجت الأرض العشر او نصف العشر⁹⁹

“Pada tiap-tiap sesuatu yang telah dikeluarkan bumi, se`usyer atau senisfu `usyer”

⁹⁷ Muslīm, Ibn Muslīm al-Qusyairī al-Naisābūrī (t.t), *al-Jāmi' al-Ṣaḥīḥ, Kitāb al-Zakāh*, Jil. 3, Beirut: al-Maktabah Tujjariyyah, h. 66.

⁹⁸ Al-Kasani, *op. cit.*, h. 938.

⁹⁹

Ayat tersebut dikatakan menjadi asas kepada pendapat Imām Abū Ḥanīfah bahawa zakat wajib dikeluarkan daripada apa yang dihasilkan daripada bumi tanpa mengira banyak atau sedikit serta tidak tertakluk kepada kadar nisab.

Berdasarkan kepada pandangan ulama' semasa Yūsuf al-Qaraḏāwī¹⁰⁰, beliau lebih selesa menerima penentuan nisab zakat hasil tanaman pertanian berasaskan kepada harga. Bagi beliau, adalah wajar disukat jumlah 5 *ausuq* hasil tanaman pertanian dalam bentuk harga. Walaubagaimanapun penentuan sukatan *ausuq* dalam bentuk harga ini hendaklah berasaskan purata dan atas dasar menimbang kepentingan kedua-dua belah pihak iaitu pemilik harta dan fakir miskin. Menurut beliau, penentuan sebenar perlu dibuat dari semasa ke semasa berasaskan kepada keadaan ekonomi setempat dan semasa.

Selain itu, nisab hasil pertanian juga perlu dikira berasaskan kepada keadaan hasil tanaman tersebut yang telah dibersihkan. Hasil tanaman yang kebiasaannya dikeringkan perlu berasaskan kepada keadaan sewaktu telah dikeringkan¹⁰¹. Jika bagi bijirin yang dikeringkan bersama-sama kulit seperti padi, sukatanya hendaklah dibuat berasaskan kulit-kulitnya sekali dan kadar nisabnya digandakan menjadi 10 *ausuq*¹⁰².

2.8 Kadar Peratus Bayaran Zakat Tanaman

Dalam menentukan kadar zakat tanaman, para fuqaha membahagikan kegiatan atau cara mengusahakan pertanian kepada dua kategori berasaskan kepada bentuk pengairan yang digunakan iaitu pertama; hasil tanaman yang diairi dengan sumber alam seperti air hujan, sungai, parit dan sebagainya dan kedua; hasil tanaman yang diairi dengan tenaga manusia, binatang atau peralatan.

¹⁰⁰ Yūsuf al-Qaraḏāwī (1993) *op. cit.*, h. 375.

¹⁰¹ Ibn Qudamah (1997), *op. cit.*, Jil. 3, hh. 7 dan 8.

¹⁰² *Ibid.* h.8.

Tanam-tanaman dan pokok buah-buahan yang hidup dengan air hujan atau air sungai dan tidak memerlukan perbelanjaan atau tenaga pemiliknya, zakat yang wajib dikeluarkan apabila cukup nisabnya ialah satu persepuluh (1/10). Sekiranya tanam-tanaman dan buah-buahan tersebut disiram menggunakan alat penyiram dan sebagainya yang memerlukan tenaga dan perbelanjaan, maka kadar zakatnya ialah 1/20¹⁰³. Sabda Rasulullah S.A.W:

عن ابن عمر رضي الله عنهما, عن رسول الله صلى الله عليه وسلم قال: فيما سقت السماء والعيون - أو كان عثريا - العشر, وفيما سقي بالضح نصف العشر¹⁰⁴

“Pada tanam-tanaman yang disirami hujan dan air sungai atau tanam-tanaman jenis palma, kadar zakatnya ialah 1/10 dan tanam-tanaman yang disiram dengan alat penyiram, kadar zakatnya ialah 1/20”

Daripada Jābīr r.a, sabda Rasulullah S.A.W juga:

عن جابر رضي الله عنه : أنه سمع النبي صلى الله عليه وسلم قال: فيما سقت الأنهار والغيم العشر, وفيما سقي بالسانية نصف العشر¹⁰⁵

“Kadar zakat tanam-tanaman yang disirami air sungai dan hujan ialah 1/10 dan tanam-tanaman yang disirami menggunakan tenaga unta ialah 1/20”.

Dalam riwayat Abū Dāwud menyatakan:

...وعند أبي داود : أو كان بعلا العشر¹⁰⁶
“atau pokok jenis palma zakatnya ialah 1/10”

Oleh yang demikian, tanam-tanaman yang telah menepati syarat-syarat wajib zakat tanaman, maka wajiblah dikeluarkan zakat terhadap hasil tersebut mengikut kadar bayaran yang bertepatan dengan jenis pengairan yang digunakan. Penilaian turut perlu sentiasa dilakukan merujuk kepada keadaan semasa memandangkan para petani pada

¹⁰³ Al-Bukhārī (t.t), *op. cit.*, h. 148.

¹⁰⁴ Al-Bukhārī, Muḥammad Ibn Ismā‘il (t.t), *Ṣaḥīḥ al-Bukhārī*, vol II, Qaherah: Dār al-Ḥadīth, h. 179.

¹⁰⁵ Al-Naisābūrī (t.t), *op. cit.*, h. 67.

¹⁰⁶ Abū Dāwud Sulaimān (t.t), *Mukhtaṣār Sunan Abī Dāwūd, Bāb al-Zakāh*, Qaherah: al-Maktabah al-Sunnah al-Muḥammadiyah, h. 66.

masa kini lebih tertumpu kepada penggunaan peralatan-peralatan baru dan moden untuk mempercepatkan lagi proses pengeluaran padi termasuk menggunakan jentera pengepam air atau membina saluran parit untuk mendapat saluran air dengan lebih cepat dan sebagainya.

2.9 Kaedah Pengiraan Zakat Tanaman Berdasarkan Tolakan Kos

Zakat dikenakan terhadap pelbagai jenis modal yang telah dikumpulkan sebagai lebihan akhir setiap tahun setelah ditolak perbelanjaan yang perlu. Namun, zakat tanaman tidak terikat dengan tempoh tahunan terkumpul. Zakat tanaman dikeluarkan setelah hasil tanaman diperolehi atau dituai.

Kadar bayaran zakat tanaman bergantung kepada jenis pengairan yang digunakan. Setelah hasil tanaman yang diperolehi telah mencukupi atau melebihi kadar cukup nisab 5 *ausuq*, maka zakat dikeluarkan dengan kadar 1/10 bagi tanah yang diairi secara semulajadi dengan air sungai atau air hujan. Manakala 1/20 pula bagi tanah yang diairi dengan air atau saluran yang diusahakan oleh manusia.

Walaupun bagaimanapun, amalan semasa telah memperlihatkan pengurusan yang semakin berkembang maju termasuk dalam bidang perusahaan pertanian. Perubahan semasa ekonomi yang turut sentiasa mengalami perubahan memberi implikasi dari aspek perbelanjaan individu dan keluarga. Hal ini dibincangkan dalam persoalan bagaimana menaksir zakat tanaman sama ada perlu diambilkira kos-kos yang terpaksa ditanggung oleh petani iaitu kos pengeluaran tanaman dan kos perbelanjaan sara hidup. Ini kerana peningkatan dalam perbelanjaan kos penanaman dan perbelanjaan harian keluarga telah memberi kesan kepada status penentuan kelayakan pembayar zakat. Persoalan tolakan kos tanaman dan kos sara hidup dibincangkan seperti berikut:

2.9.1 Pandangan Fuqaha Terhadap Tolakan Kos Tanaman

Tidak terdapat nas-nas yang menjelaskan sama ada perbelanjaan yang dikeluarkan oleh petani-petani perlu ditolak terlebih dahulu daripada hasil perolehan tanamannya sebelum dikeluarkan zakat¹⁰⁷. Persoalan kajian berkaitan tolakan kos-kos penanaman adalah berkait dengan segala kos dan perbelanjaan yang terlibat dalam mengusahakan tanaman pertanian seperti kos harga benih, baja, upah membajak, menjirus, menyubur, memungut hasil dan sebagainya.

Para fuqaha berbeza pandangan dalam masalah penolakan kos penanaman sebelum dikeluarkan zakat tanaman. Majoriti Fuqaha berpendapat bahawa kos penanaman mestilah ditanggung oleh petani dan kadar cukup nisab zakat tanaman diambilkira tanpa menolak kos tanaman yang ditanggung oleh petani¹⁰⁸. Menurut Ibn Hazm¹⁰⁹, persoalan tolakan kos ini berdasarkan riwayat daripada 'Abdullah Ibn 'Umar tentang seseorang yang membelanjakan untuk tanamannya. Menurut salah seorang daripada mereka, semua hasil tanaman itu dizakatkan, sementara seorang lagi berkata ditolak perbelanjaan terlebih dahulu dan kemudian baru dizakatkan, sementara seorang lagi berkata ditolak perbelanjaan terlebih dahulu dan kemudian baru dizakatkan yang baki.

Ibn Hazm telah memilih pandangan yang pertama iaitu zakat perlu dipungut daripada semua hasil yang berkenaan tanpa ditolak kos terlebih dahulu. Menurut beliau pandangan yang sama juga dipegang oleh Imām Syāfi'ī, Imām Mālik dan Imām Abū Ḥanīfah¹¹⁰. Beliau berhujah bahawa Rasulullah S.A.W telah mewajibkan zakat ke atas tanaman tamar, gandum dan barli secara menyeluruh apabila mana-mana jenis hasil tanaman itu mencapai jumlah 5 *ausuq*. Baginda tidak pernah menggugurkan zakat

¹⁰⁷ Asmak Ab Rahman (2005), *op. cit.*, h. 40.

¹⁰⁸ Al-Zuhailī (1989), *al-Fiqh al-Islāmī wa 'Adillatuh*, Dimasyq: Dār al-Fikr, h. 812.

¹⁰⁹ Ibn Hazm (t.t), *al-Muhalla'*, Jil. 5, Qaherah: al-Maktabah al-Jumhuriyyah al-'Arabiyyah, h. 384.

¹¹⁰ *Ibid.*

tersebut kerana perbelanjaan yang dibelanjakan oleh para pekebun dan tuan punya pokok¹¹¹.

Sebaliknya Ibn al-'Arabī¹¹² pula menyokong pendapat kedua iaitu kos sepatutnya ditolak terlebih dahulu dan zakat dipungut daripada lebih bakinya. Menurut beliau, 1/3 atau 1/4 yang dijelaskan dalam hadis lebih kurang sama dengan kos yang dibelanjakan. Beliau mengasaskan pandangan ini berasaskan kepada sabda Rasulullah S.A.W yang bermaksud:

“Apabila kamu membuat taksiran maka ambillah zakat dan biarkan satu per tiga. Kalau tidak satu pertiga pun satu perempat¹¹³”

Manakala menurut pandangan Sarjana Islam Yūsuf al-Qaraḍāwī¹¹⁴, tolakan kos penanaman perlu ditolak terlebih dahulu. Menurut beliau kos penanaman ini perlu diambilkira adalah demi menjaga masalah umat Islam berdasarkan kepada dua alasan iaitu pertama; guna tenaga mempunyai kesan tertentu pada pandangan syarak. Ia boleh mengurangkan kadar zakat yang diwajibkan seperti penggunaan tenaga dalam menjirus hasil tanaman. Oleh demikian, kadar zakat adalah logik dan perlu diturunkan kepada 5 peratus. Kedua; hakikat dalam penyuburan adalah pertambahan. Ini bermakna pertambahan terhadap harta tidak akan berlaku sekiranya kos penanaman adalah tinggi dan besar.

2.9.2 Pandangan fuqaha Terhadap Tolakan Kos Sara Hidup

Nafkah merupakan satu tanggungjawab kepada ketua keluarga¹¹⁵. Justeru itu, mendahulukan kepentingan keluarga merupakan satu tuntutan dan tanggungjawab yang perlu dilaksanakan oleh ketua keluarga bagi memastikan kepentingan dan kebajikan ahli

¹¹¹ *Ibid.*

¹¹² Yūsuf al-Qaraḍāwī (1993) *op. cit.*, h.394.

¹¹³ Abū 'Ubayd, Al-Qāsīm bin Salām (1988), *Kitāb al-Amwa'*, Beirut: Dār al-Fikr, h. 585.

¹¹⁴ Yūsuf al-Qaraḍāwī (1993), *op. cit.*, Jil. 1, h. 396.

¹¹⁵ Asmak Ab Rahman (2005), *op. cit.*, hh. 42-43.

keluarga dapat dipenuhi. Prinsip ini didasarkan kepada kisah di zaman Rasulullah S.A.W yang diriwayatkan oleh Jābir bahawa Rasulullah S.A.W berkata kepada seseorang yang bermaksud:

*“Berikanlah terlebih dahulu untuk kepentingan dirimu, apabila lebih berikanlah untuk isterimu, apabila masih lebih berikanlah kepada keluarga dekatmu apabila masih lebih berikanlah kepada yang lain-lain”*¹¹⁶

Tidak terdapat nas yang menjelaskan sama ada kos sara hidup perlu ditolak terlebih dahulu sebelum ditaksir zakat tanaman. Hanya pandangan daripada Ibn `Umar sahaja yang berpendapat zakat dikira setelah menolak kos-kos pengeluaran tanaman pertanian dan hutang kos sara hidup¹¹⁷. Zakat dikenakan setelah terdapat lebih dalam harta kekayaan yang dimiliki. Sekiranya harta yang dimiliki hanya sekadar cukup untuk memenuhi keperluan diri sendiri dan orang tanggungannya, maka tidak wajar zakat dikutip dari individu tersebut¹¹⁸.

Kewajaran dalam mengambilkira penolakan kos sara hidup juga disandarkan kepada amalan pada zaman Rasulullah S.A.W di mana baginda telah memerintahkan supaya zakat dipungut daripada orang kaya untuk diagihkan kepada orang miskin. Ini selari dengan matlamat zakat itu sendiri supaya orang miskin tidak terus bertambah miskin dan kebajikan mereka dapat ditingkatkan. Sabda Rasulullah S.A.W yang bermaksud:

*“Ambillah daripada orang-orang kaya dan kembalikan kepada orang-orang miskin”*¹¹⁹

Begitu juga dilaporkan oleh Sahal bin Abū Ḥathmah yang bermaksud:

*“Apabila kamu membuat penaksiran hendaklah kamu ambil zakatnya dan tinggalkan 1/3. Jika kamu tidak tinggalkan 1/3 hendaklah tinggalkan 1/4”*¹²⁰

¹¹⁶ Al-Nāwāwī, Muḥyī al-Dīn (1997), *Ṣaḥīḥ Muslīm Bi Syarḥ al-Imām al-Nāwāwī*, Jil.7, Beirut: Dār-al-Ma`rifah, h. 84.

¹¹⁷ Abu Ubayd, *op. cit.*, h. 611.

¹¹⁸ Asmak Ab Rahman (2005), *op.cit.*, h.42.

¹¹⁹ Abu Ubayd, *op. cit.*, h. 693.

2.10 Pengagihan Zakat Tanaman

Zakat dikutip untuk mencapai beberapa matlamat. Selain daripada menyucikan harta dan jiwa pembayar zakat, zakat juga adalah merupakan sumber pembiayaan utama bagi memenuhi matlamat kebajikan dan pembangunan yang selaras dengan peruntukan syarak untuk diagihkan kepada kelapan-lapan asnaf zakat yang telah ditetapkan. Firman Allah S.W.T:

إِنَّمَا الصَّدَقَتُ لِلْفُقَرَاءِ وَالْمَسْكِينِ وَالْعَمَلِينَ عَلَيْهَا وَالْمُؤَلَّفَةِ قُلُوبِهِمْ وَفِي
الرِّقَابِ وَالْغَرَمِينَ وَفِي سَبِيلِ اللَّهِ وَابْنِ السَّبِيلِ فَرِيضَةً مِّنَ اللَّهِ وَاللَّهُ عَلِيمٌ
حَكِيمٌ

“Sesungguhnya zakat-zakat itu, hanyalah untuk orang-orang fakir, orang-orang miskin, pengurus-pengurus zakat, para mu'allaf yang dibujuk hatinya, untuk (memerdekakan) budak, orang-orang yang berhutang, untuk jalan Allah dan untuk mereka yang sedang dalam perjalanan, sebagai suatu ketetapan yang diwajibkan Allah, dan Allah Maha mengetahui lagi Maha Bijaksana”.

Surah al-Taubah (9): 60

Jelaslah bahawa golongan yang berhak menerima zakat telah dinyatakan di dalam al-Quran. Terdapat lapan asnaf yang dinyatakan di dalam al-Quran dan kesemua asnaf berikut adalah berhak untuk mendapat agihan zakat yang seimbang dan adil.

Menurut Nooh Gadot¹²¹ konsep pengagihan zakat yang dilakukan hendaklah berasaskan kepada prinsip-prinsip berikut:

- i. Amanah : Semua hasil kutipan zakat adalah merupakan amanah ditangan pihak pengurusan institusi zakat yang wajib diagihkan kepada asnaf yang berhak menerimanya.
- ii. Telus : Laporan hasil kutipan zakat dan agihan zakat hendaklah dibentangkan dan diaudit.
- iii. Menyeluruh : Hasil kutipan zakat hendaklah diagihkan secara menyeluruh kepada asnaf yang berhak.
- iv. Wajar : Hasil kutipan hendaklah diagihkan secara wajar kepada semua asnaf. Walaubagaimanapun peruntukan bagi

¹²⁰ *Ibid.* h. 585.

¹²¹ Nooh Gadot (2009), “Konsep Asnaf Fisabilillah Mengikut Hukum Syarak”, (Kertas Kerja dibentangkan di Seminar Pengagihan Zakat Di Bawah Sinf Fisabilillah anjuran Majlis Agama Islam Wilayah Persekutuan pada 9 jun 2009), hh. 3-4.

- mana-mana asnaf yang tidak dapat dihabiskan, bolehlah dipindahkan kepada ~~asnaf~~ asnaf lain mengikut keutamaan.
- Zakat hendaklah diberikan atas kadar keperluan yang
- v. Haddul kifayah : mencukupi kepada setiap individu di dalam asnaf berkenaan.
 - vi. Khusus : Hasil kutipan zakat adalah khas bagi golongan yang tertentu sahaja sebagaimana yang ditentukan oleh syarak iaitu kepada lapan asnaf
 - vii. Berasingan : Harta zakat hendaklah diasingkan dari dana-dana lain.
 - viii. Berhemah : Segala perbelanjaan zakat hendaklah diurus secara berhemah.
 - ix. Pengawasan : Semua agihan zakat hendaklah dilakukan dengan pengawasan dan kawalan yang rapi.
 - x. Tanggungjawab : Amil atau organisasi hendaklah bertanggungjawab terhadap harta zakat yang dikutip dan pengagihannya.
 - xi. Mendapatkan maklumat dengan lengkap : Agihan zakat hendaklah dibuat berdasarkan bancian oleh amil atau pegawai yang meliputi **-kerja** mengesan, menyiasat dan memperakukan calon yang berhak menerima zakat.
 - xii. Pencalonan : Pembayar zakat diberi hak mencalonkan mereka yang dirasakan layak menerima zakat.
 - xiii. Segera : Amil atau organisasi hendaklah segera melaksanakan agihan setelah dapat mengenalpasti asnaf yang sah menerima agihan zakat berdasarkan hokum syarak.
 - xiv. Hak : Semua dana dan hasil zakat adalah hak asnaf. Agihan zakat hendaklah dilaksanakan mengikut keutamaan iaitu kepada asnaf fakir, miskin dan amil.
 - xv. Keutamaan : Berasaskan prinsip ini, sekiranya peruntukan untuk ketiga-tiga asnaf ini tidak mencukupi, maka pindahan peruntukan dari asnaf yang lain hendaklah dilakukan dengan mengutamakan ketiga-tiga asnaf ini.

Oleh demikian, bagi menunaikan amanah pengagihan zakat dengan amanah dan berkesan, maka penentuan definisi asnaf adalah amat penting memandangkan golongan asnaf yang dinyatakan dalam ayat Al-Quran adalah umum dan konsep agihan zakat perlu difahami dengan lebih khusus dan terperinci. Mujaini Tarimin¹²² telah mengklasifikasikan semula asas agihan kepada tiga kategori iaitu:

- i. Agihan berdasarkan keperluan: Ia termasuklah fakir, miskin, hamba, si berhutang dan *ibn sabil*;

¹²² Mujaini Tarimin (2005), *Zakat: Menuju Pengurusan Profesional*, Kuala Lumpur: Utusan Publications.

- ii. Agihan berdasarkan pemupukan dan galakan hidup beragama dan moral: Ia termasuklah *mu'allaf* dan *fī-sabīlillah*; dan
- iii. Agihan berdasarkan insentif dan motivasi terhadap pengurus zakat: Ia termasuklah *amil*¹²³.

Sehubungan dengan itu, semua harta-harta yang terkumpul melalui kutipan zakat termasuklah hasil tanaman pertanian akan diagihkan secara adil dan merata kepada asnaf yang berkelayakan untuk menerima bantuan zakat sepertimana berikut:

i. Fakir

Fakir bermaksud orang yang terlalu miskin dan hidup menderita kerana tiada keperluan untuk hidup, orang yang sihat tetapi tidak mempunyai sebarang pekerjaan yang boleh memberikan sumber pendapatan. Fakir juga bermaksud orang yang tidak mempunyai harta atau sumber pendapatannya hanya mampu menampung 50 peratus daripada keperluan hidup seharian bagi diri dan tanggungannya sepertimana kisah Nabi Mūsā a.s, firman Allah S.W.T:

فَسَقَىٰ لَهُمَا ثُمَّ تَوَلَّىٰ إِلَى الظِّلِّ فَقَالَ رَبِّ إِنِّي لِمَا أَنْزَلْتَ إِلَيَّ مِنْ خَيْرٍ فَقِيرٌ ﴿٢٤﴾

“Maka Musa memberi minum ternakan itu untuk (menolong) keduanya, kemudian dia kembali ke tempat yang teduh lalu berdoa: "Ya Tuhanku sesungguhnya aku sangat memerlukan sesuatu kebaikan yang Engkau turunkan kepadaku”

Surah al-Qashah (28): 24

Berdasarkan kepada sebahagian besar ahli tafsir, kebaikan yang dimaksudkan di dalam ayat tersebut bermaksud barang atau sedikit makanan.

¹²³ Hairunnizam Wahid, Sanep Ahmad dan Radiah Abdul Kader (2009), “Pengagihan Zakat oleh Institusi Zakat kepada Lapan asnaf: Kajian di Malaysia”, (Kertas Kerja dibentangkan di Seminar Kebangsaan Ekonomi Islam 2008/09 pada 10-11 Februari 2009 di APIUM), hh. 2-3.

Umat Islam yang berhijrah ke Madinah untuk mencari perlindungan daripada penindasan dan kekejaman orang-orang Mekah juga dikatakan orang fakir sepertimana firman Allah S.W.T:

لِلْفُقَرَاءِ الْمُهَاجِرِينَ الَّذِينَ أُخْرِجُوا مِنْ دِيَارِهِمْ وَأَمْوَالِهِمْ يَبْتَغُونَ فَضْلًا مِنَ اللَّهِ
وَرِضْوَانًا وَيَنْصُرُونَ اللَّهَ وَرَسُولَهُ أُولَئِكَ هُمُ الصَّادِقُونَ

“(juga) bagi orang fakir yang berhijrah yang diusir dari kampung halaman dan dari harta benda mereka (kerana) mencari kurnia dari Allah dan keredhaan-Nya dan mereka menolong Allah dan RasulNya. mereka itulah orang-orang yang benar”.

Surah al-Hasyr (59): 8

Ayat tersebut menjelaskan bahawa mereka menjadi fakir akibat mereka telah kehilangan segalanya kerana telah meninggalkan kampung halaman dan harta benda. Oleh demikian, zakat berfungsi sebagai serampang dua mata untuk membantu dan melindungi masyarakat dengan cara memungut harta-harta dari golongan kaya atau bekerja untuk diagihkan kepada golongan miskin atau tidak bekerja.

ii. Miskin

Orang miskin meliputi orang yang lemah, tidak berupaya untuk bekerja atau orang yang mampu bekerja tetapi perolehan pendapatan tidak mencukupi untuk memenuhi keperluan diri dan tanggungannya. Walaubagaimanapun, berbeza dengan golongan fakir, golongan yang miskin adalah seseorang yang mempunyai pekerjaan atau hasil usahanya melebihi 50 peratus tetapi usaha tersebut hanya mampu memenuhi sebahagian keperluan asasnya dan tidak mencukupi untuk menampung keperluan harian dan tanggungannya¹²⁴.

¹²⁴ *Ibid.*

Al-Quran telah menetapkan bahawa orang-orang miskin memerlukan bantuan dari semua pihak bukan sahaja bantuan daripada pihak pemerintah malah ia melibatkan institusi zakat dan individu. Firman Allah S.W.T:

لَيْسَ الْبِرَّ أَنْ تُوَلُّوا وُجُوهَكُمْ قِبَلَ الْمَشْرِقِ وَالْمَغْرِبِ وَلَكِنَّ الْبِرَّ مَنْ ءَامَنَ بِاللَّهِ
وَالْيَوْمِ الْآخِرِ وَالْمَلَائِكَةِ وَالْكِتَابِ وَالنَّبِيِّينَ وَءَاتَى الْمَالَ عَلَى حُبِّهِ ذَوَى
الْقُرْبَىٰ وَالْيَتَامَىٰ وَالْمَسْكِينِ وَابْنَ السَّبِيلِ وَالسَّائِلِينَ وَفِي الرِّقَابِ وَأَقَامَ الصَّلَاةَ
وَءَاتَى الزَّكَاةَ وَالْمُوفُونَ بِعَهْدِهِمْ إِذَا عَاهَدُوا وَالصَّابِرِينَ فِي الْبَأْسَاءِ وَالضَّرَّاءِ
وَحِينَ الْبَأْسِ أُولَئِكَ الَّذِينَ صَدَقُوا وَأُولَئِكَ هُمُ الْمُتَّقُونَ ﴿١٧٧﴾

“Bukanlah menghadapkan wajahmu ke arah timur dan barat itu suatu kebajikan, akan tetapi sesungguhnya kebajikan itu ialah beriman kepada Allah, hari Kemudian, malaikat-malaikat, kitab-kitab, nabi-nabi dan memberikan harta yang dicintainya kepada kerabatnya, anak-anak yatim, orang-orang miskin, musafir (yang memerlukan pertolongan) dan orang-orang yang meminta-minta; dan (memerdekakan) hamba sahaya, mendirikan solat, dan menunaikan zakat; dan orang-orang yang menepati janjinya apabila ia berjanji, dan orang-orang yang sabar dalam kesempitan, penderitaan dan dalam peperangan. Mereka itulah orang-orang yang benar (imannya); dan mereka itulah orang-orang yang bertaqwa”.

Surah al-Baqarah (2): 177

Firman Allah S.W.T lagi:

يَسْأَلُونَكَ مَاذَا يُنْفِقُونَ ۗ قُلْ مَا أَنْفَقْتُمْ مِنْ خَيْرٍ فَلِلْوَالِدَيْنِ وَالْأَقْرَبِينَ وَالْيَتَامَىٰ
وَالْمَسْكِينِ وَابْنِ السَّبِيلِ ۗ وَمَا تَفَعَّلُوا مِنْ خَيْرٍ فَإِنَّ اللَّهَ بِهِ عَلِيمٌ ﴿٢١٥﴾

“Mereka bertanya tentang apa yang mereka nafkahkan. Jawablah: "Apa sahaja harta yang kamu nafkahkan hendaklah diberikan kepada ibu-bapa, kaum kerabat, anak-anak yatim, orang-orang miskin dan orang-orang yang sedang dalam perjalanan." dan apa saja kebaikan yang kamu buat, maka sesungguhnya Allah maha mengetahui”.

Surah al-Baqarah (2): 215

Oleh demikian, Islam tidak hanya menyediakan keperluan hidup bagi setiap individu, malah membolehkan umatnya memenuhi keperluan-keperluan asas bagi diri serta tanggungan. Ini kerana Islam amat menitik berat sikap saling bantu membantu dan keseimbangan dalam memperoleh manfaat kekayaan di dunia.

iii. Amil

Asnaf amil adalah mereka yang terlibat secara langsung dengan institusi zakat sama ada individu yang dilantik atau pekerja-pekerja (kakitangan) atau organisasi bagi mengurus dan mentadbir hal ehwal zakat termasuk urusan pemungutan, agihan, urusan kewangan dan sebagainya sesuai dengan hukum syarak.

Para amil bertugas dalam mengurus hal ehwal zakat seperti mengutip dan mengumpul dana zakat. Maka dengan itu, mereka perlu menjaga dana tersebut dengan baik supaya wang zakat dapat dibahagikan kepada golongan-golongan yang berhak menerimanya. Para amil juga berhak mendapat upah atau gaji daripada wang zakat tersebut¹²⁵.

iv. Muallaf

Muallaf dimaksudkan sebagai orang yang baru memeluk Islam dan keimanannya belum lagi kukuh. Mereka ini perlu dijinakkan hatinya ataupun seseorang yang diharapkan kecenderungan hatinya untuk menerima Islam. Mereka yang telah bertahun-tahun memeluk Islam adalah terkeluar daripada katogeri asnaf muallaf.

Menurut Majlis Agama Islam Wilayah Persekutuan (MAIWP)¹²⁶, asnaf muallaf dikatogerikan kepada dua iaitu:

a) Beragama Islam

¹²⁵ Muhammad Abdul Mun'im Al-Jammal (2000), *Ensiklopedia Ekonomi Islam*, Salahuddin Abdullah (terj.), Jil. 1, Kuala Lumpur: Dewan Bahasa dan Pustaka, h. 244.

¹²⁶ Majlis Agama Islam Wilayah Persekutuan (MAIWP), http://www.maiwp.gov.my/index.php?option=com_content&view=article&id=358&Itemid=165, 11 Oktober 2010.

- Baru memeluk agama Islam;
- Ketua-ketua kaum Islam yang baik hubungan dengan ketua-ketua kumpulan bukan Islam yang sejawatan atau sama taraf dengannya;
- Ketua-ketua kaum Islam yang masih lemah iman tetapi masih ditaati oleh orang-orang yang di bawah pimpinannya; dan
- Orang-orang Islam yang tinggal di perbatasan yang berhampiran dengan negara musuh Islam.

b) Bukan beragama Islam

- Boleh dipujuk supaya masuk Islam; dan
- Boleh dipujuk supaya tidak merbahaya kepada orang Islam.

v. *Al-Riqab*

Al-riqab ialah hamba yang dijanjikan oleh tuannya untuk dimerdekakan dengan cara menebus dirinya dengan sejumlah wang. Ia juga bererti membebaskan kaum muslimin daripada cengkaman perhambaan dan penaklukan sama ada dari segi fizikal, mental, kejahilan ataupun terkongkong di bawah penguasaan orang yang zalim.

Islam mencadangkan langkah berkesan untuk menghapuskan masalah pengabdian hamba manusia seluruhnya. Hasilnya tidak wujud lagi pengabdian hamba di muka bumi ini dengan salah satu langkah memulakan wang zakat untuk pembebasan golongan hamba abdi. Sungguhpun tidak wujud lagi hamba abdi, namun tabung zakat boleh dihidupkan semula dengan memberi bantuan kepada pengusaha-pengusaha industri kecil untuk membangunkan perusahaan mereka sendiri daripada berterusan berkerja sebagai buruh¹²⁷. Secara tidak langsung ia memberi kesan positif bukan sahaja kepada kebebasan individu malah peningkatan kualiti serta kekayaan negara.

¹²⁷ Afzal Ur Rahman (1994), *op. cit.*, h. 223.

vi. *Al-Ghārimīn*

Asnaf *al-ghārimīn* dimaksudkan sebagai golongan yang berhutang disebabkan keperluan mendesak untuk memenuhi keperluan asas bagi kemaslahatan diri, keluarga tanggungannya atau masyarakat yang memerlukan kepada penyelesaian segera dan dibenarkan oleh hukum syarak. Ia tidaklah bagi tujuan berlebih-lebihan dan bukan kerana maksiat (nafsu).

Pada masa kini, golongan *ghārimīn* ini boleh dimaksudkan dengan individu yang membayar balik pinjaman daripada hartanya sendiri lalu menyebabkan baki hartanya berkurangan daripada nisab zakat¹²⁸.

vii. *Fī Sabīlillah*

Fī-Sabīlillah pula diertikan sebagai mana-mana orang atau pihak yang melibatkan diri dalam suatu aktiviti untuk menegakkan syiar Islam, mempertahankan dan mendakwah agama Islam serta kebajikannya, menuntut ilmu dan sebagainya¹²⁹. Namun, istilah ini mempunyai maksud yang luas dan bentuknya yang praktikal. Ia dapat ditentukan oleh kelaziman yang biasa dilakukan mengikut keperluan semasa sepertimana menurut pandangan Nooh Gadot¹³⁰ yang mana beliau lebih cenderung mentarjihkan maksud *Fī Sabīlillah* dengan lebih meluas yang tidak terhad kepada jihad dan perang bersenjata, bahkan meliputi segala perbuatan yang bertujuan mendekati diri kepada Allah S.W.T dan segala perbuatan *takaruf* dan taat kepada Allah. Ia juga meliputi perkara-perkara yang melibatkan kepentingan umum (*al-maṣālih al-'ammah*).

¹²⁸ Abdulhassan Muhammad Sadeq (2003), *Pembangunan Ekonomi Dalam Islam*, Rohani Sulaiman (terj.), Petaling Jaya: Pelanduk Publication (M) Sdn. Bhd., h. 61.

¹²⁹ Baitulmal, Majlis Agama Islam Negeri Sarawak, <http://www.tabung-baitulmal-sarawak.org.my/agih.html>, 20 September 2010.

¹³⁰ Nooh B. Gadot (2009), *op. cit.*, h.18.

viii. *Ibn Sabīl*

Ibn Sabīl adalah orang yang kekurangan bekalan dan kewangan dalam perjalanan dengan tujuan baik seperti menyebarkan ajaran Agama Islam dan seumpamanya. Selain itu, *Ibn Sabīl* juga boleh diertikan sebagai musafir. Bagi keadaan seorang musafir yang mungkin merupakan golongan berada di tanah airnya sendiri tetapi boleh menjadi miskin di tempat lain. Dengan itu, zakat memainkan peranan dengan menyalurkan bantuan kepada asnaf musafir bagi menampung keperluan hidup.

Kesimpulannya, terdapat lapan golongan asnaf yang layak menerima wang zakat. Oleh kerana asnaf-asnaf penerima zakat telah ditetapkan oleh Allah S.W.T, maka penggunaan atau pengagihan zakat tidak boleh lari daripada lapan golongan penerima ini. Sehubungan dengan itu, selagi ada penerima zakat yang berhak menerima dana zakat, selagi itulah kutipan mesti diagihkan kepada asnaf zakat yang telah ditetapkan.

2.11 KESIMPULAN

Kewajipan melaksanakan zakat adalah tuntutan syariat yang telah termaktub di dalam al-Quran. Terdapat dua jenis zakat iaitu zakat fitrah dan zakat harta. Semua umat Islam wajib membayar zakat fitrah di bulan Ramadan. Manakala zakat harta pula wajib dilaksanakan apabila telah cukup syarat-syaratnya.

Terdapat pelbagai jenis harta yang dikenakan zakat termasuklah hasil tanaman pertanian. Islam telah menetapkan garis panduan pengeluaran zakat tanaman yang merangkumi syarat wajib zakat, kadar nisab, kadar bayaran zakat, pengagihan dan sebagainya. Namun begitu, perubahan masa dan keadaan, peningkatan teknologi dan kaedah kendalian perusahaan pertanian baru memerlukan kepada kajian yang mendalam bagi menilai semula cara pelaksanaan kaedah pembayaran zakat tanaman

agar ia sesuai dengan kehendak semasa tanpa membelakangkan nas dan tuntutan syarak.



**BAB
TIGA
(3)**

BAB TIGA

METODOLOGI KAJIAN

3.1 PENDAHULUAN

Penentuan metodologi dalam melaksanakan kajian dikenal pasti diperingkat awal dan disusun atur dengan baik agar pengumpulan dan penganalisaan data dapat dilakukan secara sistematik dan berkesan sepertimana yang dimaksudkan oleh Abrahamson dan Mark¹³¹ serta S. Hadibroto¹³².

Walaupun terdapat tiga jenis metodologi¹³³ dalam pelaksanaan sesuatu kajian menurut Fielding dan Schreier¹³⁴, namun kajian ini hanya menggunakan dua jenis metodologi iaitu berbentuk kualitatif dan kuantitatif.

Bagi memastikan perjalanan kajian dapat dilaksanakan dengan baik dan sempurna, pendekatan indukti-generatif digunapakai dengan memecahkan masalah-masalah utama berkaitan kaedah pembayaran zakat tanaman kepada masalah-masalah yang lebih kecil dan khusus lalu ditangani satu persatu mengikut susunan yang sewajarnya.

3.2 Metodologi Kajian

Setiap kajian yang dilakukan juga perlu mengikut susunatur yang sesuai agar kajian yang dijalankan dapat memenuhi kriteria penyelidikan yang baik dan sempurna. Setelah mengenal pasti secara teliti masalah-masalah yang wujud dan setelah membentuk objektif kajian yang ingin dicapai, penulis mengumpul dan menganalisis

¹³¹ Abrahamson dan Mark (1983), *Social Research*, New Jersey: Prentice Hall, h. 384.


¹³² S. Hadibroto (1965), *Metod Researh*, t.p:t.tt, h. 5.

¹³³ Tiga jenis metodologi kajian menurut Fielding, N. dan Schreier ialah kajian kuantitatif, kualitatif dan hybrid.

¹³⁴ Fielding, N. dan Schreier, M. (2001), Introduction on the Compatibility Between Qualitative and Quantitative Research Methods, Forum: *Qualitative Social Research-Online Journal*, Vol. 2, No. 1, "<http://qualitative-research.net/fqs-textc/1-01/1-01hrqs-e.htm>", 20 November 2010.

segalah maklumat, data dan keterangan-keterangan dengan menggunakan metodologi berikut.

Rajah 3.1: Metodologi Kajian



Sumber dibentuk dari:

- a) Idris Awang (2009), *Penyelidikan Ilmiah Amalan Dalam Pengajian Islam*, Shah Alam: Kamil & Shakir Sdn. Bhd.
- b) Norani Mohd Salleh (2001), “Etika dan Penyelidikan Kualitatif” dalam *Penyelidikan Kualitatif: Pengalaman Kerja Lapangan Kajian*, Marohaini Yusoff (ed.) Kuala Lumpur: Penerbit Universiti Malaya.
- c) Ahmad Mahdzan Ayob (1983), *Kaedah Penyelidikan Sosioekonomi: Satu Pengenalan*, Kuala Lumpur: Dewan Bahasa dan Pustaka.

3.2.1 Metod Pengumpulan Data

Metod pengumpulan data sangat penting bagi mendapatkan maklumat untuk melakukan kajian dan penelitian yang mendalam. Beberapa bentuk bahan dikumpul

dan kaedah yang digunakan untuk mendapatkan data dan maklumat dari pelbagai sumber yang berbeza yang merangkumi data berbentuk kualitatif dan kuantitatif. Data-data yang diperolehi dikaji semula untuk mendapatkan satu hasil kajian yang bermutu agar ia bertepatan dengan bidang kajian yang dilakukan.

3.2.1(a) Pengumpulan Data Kualitatif

Maklumat dan data kualitatif diperolehi melalui kajian perpustakaan, data-data dokumentasi dan temubual yang dijalankan secara langsung dengan pihak pegawai yang terlibat.

3.2.1(a)(i) Metod Perpustakaan

Melalui metod perpustakaan ini bahan-bahan penulisan dan cetakan yang berkaitan dengan zakat, ekonomi pertanian, zakat tanaman khususnya dan segala maklumat yang berkaitan dikumpul bagi mendapatkan gambaran yang jelas berkenaan bidang kajian yang dijalankan. Kedah perpustakaan ini digunakan bertujuan untuk mendapatkan data dan maklumat secara *theoretical* tentang zakat tanaman dan bidang-bidang berkaitan kajian.

Pelbagai sumber digunakan termasuklah penggunaan sumber-sumber primer dan sekunder. Ia meliputi sumber teras Islam iaitu al-Quran dan Sunnah, sumber dari pandangan Sarjana Islam dari Mazhab Syāfi'ī, Hanafī, Mālikī, Hanbālī dan lain-lain, sumber-sumber penulisan kontemporari, buku-buku ilmiah, artikel-artikel dalam Jurnal, kertas kerja, risalah-risalah, maklumat dari laman web dan sebagainya.

Data-data yang diperolehi dikumpul melalui pelbagai perpustakaan termasuk Perpustakaan Utama Universiti Malaya, Perpustakaan Peringatan Za'ba Universiti Malaya, Perpustakaan Ekonomi dan Perniagaan Universiti Malaya, Perpustakaan Negara dan Perpustakaan Awam Islam (Pusat Islam).

Manakala data-data dokumentasi pula digunapakai bagi mendapatkan maklumat sedia ada berhubung dengan kajian yang dijalankan berkaitan zakat tanaman. Data-data tersebut diperolehi sama ada melalui institusi-institusi yang ditemubual iaitu Lembaga Zakat Selangor (LZS) dan Baitulmal, Majlis Agama Islam dan adat Istiadat Melayu Negeri Perlis, Jabatan-Jabatan Pertanian Negeri atau pihak dan institusi yang berkaitan. Bahan-bahan yang dikumpul merangkumi aspek pengurusan, bahan kajian, pentadbiran seperti carta organisasi bahagian/unit pengurusan zakat, modus operandi pengurusan zakat pertanian, laporan zakat dan sebagainya.

3.2.1(a)(ii) Metod Temubual

Dalam sesebuah kajian kes yang bersifat kualitatif, cara yang lazim untuk mengutip data deskriptif adalah melalui temubual. Penggunaan teknik temubual dilakukan adalah untuk mengumpul pendapat, pemikiran, pandangan dan pengalaman dalam bentuk pernyataan langsung daripada peserta kajian secara langsung dan bersemuka¹³⁵.

i. Objektif Temubual

Kajian ini menggunakan metod temubual bagi mendapatkan maklumat dan pandangan berkaitan persoalan dalam kaedah pembayaran zakat tanaman. Oleh demikian, bagi memastikan objektif temubual tercapai, 2 institusi dipilih yang melibatkan Lembaga Zakat Selangor dan Baitulmal, Majlis Agama Islam dan Adat Istiadat Melayu Perlis.

¹³⁵ Marohaini Yusoff (2001), "Pengutipan dan Pengumpulan Data Perlakuan dan Proses Menulis Karangan dalam Bilik Darjah" dalam Penyelidikan Kualitatif: Pengalaman Kerja Lapangan Kajian, Marohaini Yusoff (ed.), Kuala Lumpur: Penerbit Universiti Malaya, h. 108 dan 109.

ii. Kaedah Temubual

Kaedah temubual dilaksanakan secara formal dengan membuat temujanji terlebih dahulu bersama pegawai Lembaga Zakat Selangor dan Baitulmal, Majlis Agama Islam dan Adat Istiadat Melayu Perlis bagi menentukan masa dan tempat.

Jadual 3.1: Sesi Temubual Bersama Pegawai di Lembaga Zakat Selangor (LZS) dan Majlis Agama Islam dan Adat Istiadat Perlis (MAIPs)

Tarikh	Masa	Pegawai Yang Ditemubual	Jawatan	Tempat
08 Februari 2010	10.00 pagi	Encik Mohd Faryzan Subkhi	Pegawai Zakat Bahagian Dakwah dan Kutipan	Lembaga Zakat Selangor
19 Januari 2010	9.00 pagi	Encik Khairi Wahab	Pegawai Taksir Bahagian Kutipan Zakat	Baitulmal, MAIPs
		Ustaz Mohd Hashim	Pegawai bahagian Penerangan Zakat	

Pemilihan pegawai yang ditemubual ditetapkan oleh Lembaga Zakat Selangor dan Baitulmal, Majlis Agama Islam dan Adat Istiadat Melayu Perlis sendiri. Di Lembaga Zakat Selangor temubual diadakan bersama bersama Encik Mohd Faryzan Subkhi, Pegawai Zakat Bahagian Dakwah dan Kutipan pada 8 Februari 2010 jam 10.00 pagi di Lembaga Zakat Selangor. Manakala di Majlis Agama Islam dan Adat Istiadat Melayu Negeri Perlis pula temubual diadakan bersama dengan Encik Khairi Wahab, Pegawai Taksir Bahagian Kutipan Zakat dan Ustaz Hashim, Pegawai bahagian Penerangan Zakat pada 19 Januari 2010 jam 10.00 pagi bertempat di Baitulmal, Majlis Agama Islam dan Adat Istiadat Perlis (MAIPs).

Setiap soalan temubual di jawab satu persatu mengikut susunan soalan yang telah dikirimkan. Ketika sesi temubual dijalankan, catatan bertulis, rakaman menggunakan *MiniPlayer* (MP4) dilakukan dan sesi fotografi turut di ambil dalam tempoh temubual tersebut. Temubual susulan turut dilakukan secara berterusan

bersama pegawai yang ditemubual melalui panggilan telefon dan e-mel untuk mendapatkan maklumat-maklumat tambahan dan terkini.

iii. Soalan Temubual

Soalan temubual berstruktur dibina dengan merujuk kepada keperluan kajian. Ini kerana, susunan soalan yang terancang dapat memberi kefahaman yang jelas terhadap soalan yang diajukan dan memudahkan proses perbincangan yang dilakukan. Soalan temubual juga dikirimkan terlebih dahulu kepada pihak yang ditemubual melalui faks dan e-mel. Kiriman awal soalan temubual juga dapat memberi masa dan ruang kepada pihak yang ditemubual untuk membuat persediaan awal terhadap soalan-soalan yang akan dibincangkan. Demikian itu, kaedah temubual yang dilakukan secara sistematik dapat memastikan setiap maklum balas soalan temubual dapat dipenuhi.

Jadual 3.2: Struktur Soalan Temubual

Kategori	Maklumat institusi	Konsep zakat tanaman dan Pelaksanaan di Institusi		Kaedah Pembayaran Zakat Tanaman		Data statistik	Pandangan institusi	
				Kaedah Pengiraan	Saluran Pembayaran			
No. Soalan	(1)	(3)	(9)	(8)	(12)	(20)	(3)	(14)
	(2)	(4)	(17)	(10)	(13)	(21)	(5)	(15)
		(6)	(19)	(11)	(16)	(22)	(18)	
		(7)	(23)					
Jumlah Soalan (24)	2	8		6		3	3	2

Sumber: Sampel soalan temubual

Berdasarkan jadual 3.2, soalan-soalan temubual dibahagikan kepada 6 kategori merujuk kepada maklumat institusi, konsep zakat tanaman dan pelaksanaannya oleh institusi, kaedah pengiraan zakat tanaman, kaedah saluran pembayaran zakat tanaman, data-data statistik dan pandangan-pandangan pihak institusi berkaitan zakat tanaman. Analisis jumlah soalan temubual dilakukan bagi memudahkan proses pencarian maklumat dan penganalisan data transkripsi temubual.

3.2.1(b) Pengumpulan Data Kuantitatif

Manakala bagi data kuantitatif pula, kaedah pembentukan soal selidik dilakukan dan diedar dalam kalangan responden petani sawah padi di Selangor dan Perlis bagi mendapatkan maklumat sebenar berkaitan kaedah pembayaran zakat tanaman secara amalannya di kalangan petani di negeri Selangor dan Perlis.

3.2.1(b)(i) Metod Soal Selidik

Berdasarkan metod soal selidik yang digunakan, penyediaan set soalan soal selidik dibina terlebih dahulu secara terperinci dan seterusnya diedarkan kepada sampel dari populasi petani yang mengusahakan padi dan membayar zakat dari hasil tanaman berkenaan. Soalan-soalan soal selidik dibina secara berstruktur dan lebih menjurus kepada bentuk soalan tertutup agar dapat memudahkan proses pemilihan dan pengisian jawapan oleh para responden serta memudahkan proses penyemakan dan penganalisaan jawapan.

i. Objektif soal selidik

Soal selidik dibentuk bertujuan untuk melihat amalan sebenar kaedah pembayaran zakat tanaman oleh para petani di negeri Selangor dan Perlis dan hanya diedarkan kepada petani-petani di negeri Selangor dan Perlis yang mengusahakan tanah sawah padi dan membayar zakat tanaman daripada hasil padi tersebut. Pelaksanaan kaedah ini secara langsung dapat memastikan agar matlamat untuk menyelaraskan kaedah pengiraan dan kaedah saluran pembayaran zakat tanaman dapat dilaksanakan bersesuaian dengan keadaan semasa di samping inisiatif pelbagai yang diadakan oleh pihak pemerintah, institusi zakat atau sebagainya.

ii. Kaedah Persampelan

Populasi yang ditentukan dalam kajian ini adalah petani yang mengusahakan sawah padi dan membayar zakat tanaman hasil padi. Maklumat pemilihan dan statistik jumlah populasi responden diperolehi daripada data-data yang dikeluarkan oleh Jabatan Pertanian Negeri, Lembaga Zakat Selangor dan Baitulmal, Majlis Agama Islam dan Adat Istiadat Melayu Perlis seperti yang ditunjukkan di dalam jadual 3.3.

Jadual 3.3: Data Populasi Kajian

Negeri	Jumlah Populasi	Peratusan Sampel	Saiz Minimum Sampel (200)	Bilangan Minimum Borang Perlu Diedar
Selangor	3958	63.25	126.5	127
Perlis	2300	36.75	73.5	73
Jumlah	6258	100	200	200

- Sumber:
- Temubual bersama Encik Khairi Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat, Baitulmal, Majlis Agama Islam dan Adat Istiadat Melayu Perlis pada 19 Januari 2010 jam 10.00 pagi di Baitulmal, MAIPs.
 - Data statistik diperolehi daripada temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor melalui e-mel: faryzan@e-zakat.com.my pada 9 April 2010.

Bagi menentukan unit sampel dalam populasi yang diambil, setiap sampel tersebut mestilah dapat mewakili populasi yang dikaji¹³⁶. Persampelan yang saintifik hendaklah dilakukan dengan berasaskan prinsip-prinsip kebarangkalian¹³⁷ sama ada dipilih mengikut cara kebarangkalian dan cara tak kebarangkalian¹³⁸.

Berdasarkan jadual 3.3 menunjukkan jumlah populasi pembayar zakat padi di negeri Selangor adalah seramai 3958 orang dan Perlis seramai 2300 orang. Oleh itu,

¹³⁶ Ahmad Mahdzan Ayob (1983), *op. cit.*, hh.74-75.

¹³⁷ *Ibid.*

¹³⁸ Tan Poo Chang, Halimah Awang dan Ng Sor Tho (1994), *Pengenalan Statistik*, Kuala Lumpur: Penerbit Fajar Bakti Sdn. Bhd., h. 16.

jumlah keseluruhan bilangan populasi bagi kedua-dua negeri adalah seramai 6258 orang. Oleh kerana sebanyak 200 sampel diperlukan bagi kajian ini yang mana jumlah tersebut merujuk kepada 3.5 peratus, tetapi oleh kerana persampelan berkelompok digunakan ia telah mewakili bagi setiap sampel yang dipilih berdasarkan kawasan yang dibentuk berdasarkan daerah. Maka dengan itu, sebanyak 127 set soal selidik perlu diedarkan di kalangan petani di negeri Selangor dan 73 set soal selidik bagi petani di negeri Perlis. Bagi memastikan sasaran minimum 200 set soal selidik yang mewakili 200 responden diterima semula, sebanyak 253 set soal selidik telah diedar dalam kalangan responden di kedua-dua negeri.


Merujuk kepada populasi yang dipilih, kaedah persampelan berkelompok digunakan di dalam kajian ini untuk menentukan unit sampel dalam populasi. Justeru itu, petani yang mengusahakan sawah dan membayar zakat tanaman dibahagikan kepada kumpulan tertentu untuk menentukan sampel bagi kedua-dua negeri di Selangor dan Perlis. Ini kerana, menurut Ahmad Mahdzan Ayob¹³⁹ dan Tan Poo Chang, Halimah Awang dan Ng Sor Tho¹⁴⁰ persampelan berkelompok adalah persampelan yang mana unit persampelan yang dikelompokkan bukan lagi unsur dari populasi tetapi kelompok unsur dari populasi tersebut. Begitu juga menurut Zainal Mat Saat¹⁴¹ bahawa di dalam persampelan berkelompok ini ahli-ahli di dalam setiap kelompok mempunyai sifat yang berbeza tetapi sifat antara kelompok yang berbeza adalah sama. Maka dengan itu, populasi bagi kedua-dua negeri tersebut dibahagikan berdasarkan kepada zon kawasan yang terlibat dengan kegiatan pertanian sawah padi.

¹³⁹ Ahmad Mahdzan Ayob (1983), *op. cit.*, h. 95.

¹⁴⁰ Tan Poo Chang, Halimah Awang dan Ng Sor Tho (1994), *op. cit.*, h. 19.

¹⁴¹ Zainal Mat Saat (1985), *Pengantar Statistik*, Kuala Lumpur: Penerbit Fajar Bakti Sdn. Bhd., h. 14.

Rajah 3.2: Penetapan Unit Sampel Bagi Populasi Berdasarkan Persampelan Berkelompok (*cluster*)



Sumber: Dibentuk dari perbualan bersama Encik Mohd. Zairi, Penolong Pegawai Pertanian Bahagian Padi, Jabatan Pertanian Kuala Selangor melalui telefon pada 21 Julai 2010 dan perbualan bersama Encik Razi, Pegawai di Jabatan Pertanian Beseri, Perlis melalui telefon pada 30 Julai 2010.

Di negeri Selangor dua zon kawasan pertanian sawah padi dibentuk mengikut daerah iaitu daerah Sabak Bernam dan Kuala Selangor. Begitu juga dengan negeri Perlis yang melibatkan zon kawasan pertanian MADA dan Kawasan Pertanian Luar MADA seperti di nyatakan di dalam rajah 3.4. Kawasan padi di dalam dua daerah Selangor ini dikenalpasti sebagai salah satu kawasan Jelapang Padi dalam Dasar Pertanian Negara dan merangkumi kawasan yang terlibat dengan Projek Pertanian Bersepadu Barat Laut Selangor (IADP).

Bagi memastikan agihan soal selidik yang dijalankan mewakili setiap zon agihan, taburan persampelan dilakukan dengan merujuk kepada keluasan bertanam sawah padi bagi setiap zon tersebut.

Jadual 3.4: Taburan Persampelan Berdasarkan Keluasan Bertanam Sawah Padi Bagi Tahun 2010

Negeri	Zon Agihan	Keluasan bertanam sawah padi (Hektar)	Saiz Minimum Sampel	Bilangan Minimum Borang Perlu Diedar	Bilangan Borang Diedar	Bilangan Borang Dianalisis	Bilangan Borang Rosak dan Tidak Diterima
Selangor	Kuala Selangor	5550 (29.40%)	37.33	37	47 (27.01%)	37 (25.17%)	10 (37.04%)
	Sabak Bernam	13329 (70.60%)	89.66	90	127 (72.99%)	110 (74.83%)	17 (62.96%)
Jumlah		18879	126.99	127	174	147	27
Perlis	MADA	16320 (68.76%)	50.88	50	54 (68.35%)	51 (23.1%)	3 (60%)
	Luar MADA	7414 (31.23%)	23.11	23	25 (31.65%)	23 (10.4%)	2 (40%)
Jumlah			73.99	73	79	74	5
Jumlah keseluruhan		23734	200	200	253	221	32

- Sumber: a) Data statistik diperolehi semasa proses temubual bersama Encik Khairi Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat, Baitulmal, Majlis Agama Islam dan Adat Istiadat Melayu Perlis pada 19 Januari 2010 jam 10.00 pagi di Bangunan Baitulmal, MAIPs.
- b) Data statistik diperolehi daripada temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor melalui e-mel: faryzan@e-zakat.com.my pada 9 April 2010.
- c) Data statistik diperolehi daripada perbualan bersama Encik Mohd. Zairi, Penolong Pegawai Pertanian Bahagian Padi, Jabatan Pertanian Kuala Selangor melalui telefon pada 21 Julai 2010.
- d) Data statistik diperolehi daripada perbualan bersama Encik Samsuri, Ketua Unit Padi, Pejabat Pertanian Daerah Sabak Bernam melalui telefon pada 22 Julai 2010.
- e) Data statistik diperolehi daripada perbualan bersama Encik Razi, Pegawai di Jabatan Pertanian Beseri, Perlis melalui telefon pada 30 Julai 2010.

Jadual 3.4 menunjukkan taburan persampelan agihan soal selidik bagi empat zon terpilih. Berdasarkan kepada keluasan guna tanah tanaman padi, soal selidik diedar secara rawak di keempat-empat zon tersebut iaitu sebanyak 174 set di Selangor dengan masing-masing berjumlah 47 set di Kuala Selangor dan 127 set di Sabak Bernam. Manakala sebanyak 79 set soal selidik diedar di Perlis dengan masing-masing berjumlah 54 set di kawasan pertanian MADA dan 25 set di kawasan pertanian Luar MADA.

Walaupun kesemua borang soal selidik iaitu sebanyak 253 set diterima semula, namun sebanyak 221 set soal selidik sahaja yang di *key-in* dan dianalisis ke dalam *Statistical Package for Social Sciences* (SPSS), versi 17 yang diwakili sebanyak 147 set dari negeri Selangor dan 74 set dari negeri Perlis. Sebanyak 32 set soal selidik tidak dianalisis disebabkan data di dalam soal selidik yang diterima semula tidak diisi dengan lengkap dan sempurna seperti yang dikehendaki. Bilangan ini menunjukkan kadar pulangan set soal selidik sebanyak 87.5 peratus melebihi bilangan yang dicadangkan oleh Krejcie dan Morgan¹⁴², Coakes dan Steed dan Roscoe¹⁴³. Menurut Coakes dan Steed bilangan sampel yang mencukupi untuk tujuan analisis faktor dan regresi ialah 20 kali ganda daripada bilangan pembolehubah bebas yang diuji. Sementara pertunjuk wajar (*rule of thumb*) Roscoe pula mencadangkan sepuluh kali ganda daripada bilangan pembolehubah bebas yang diuji.

iii. Uji Rintis

Uji rintis (*pilot test*) merupakan *survey* kecil yang penting dilaksanakan sebelum sesebuah soal selidik dijalankan untuk menguji, mengesan dan mengatasi masalah perancangan soal selidik.

Sebanyak 15 borang soal selidik telah diedar dalam kalangan pembayar zakat padi di sekitar daerah Sabak Bernam, Selangor dalam tempoh bulan Februari hingga April 2010 sebagai uji rintis awal sebelum borang soal selidik sebenar dijalankan bagi menguji kebolehpercayaan dan kesahihan instrumen kajian. Selain itu, penyemakan oleh penyelia turut dilakukan bagi memastikan soalan yang dibina bersesuaian dengan objektif kajian yang dilakukan.

¹⁴² Krejcie, Robert V. dan Daryle W. Morgan. (1970), "Ditermining Sample Size for Research Activities", *Educational and Psychological Measurement Journal*, Vol. 30, hh. 607-610.

¹⁴³ Coakes, S.J dan Steed, L.G (1999), *SPSS: Analysis Without Anguish*, John Wiley and Sons: Chichester.

Proses penyemakan semula dilakukan setelah soal selidik rintis selesai dijalankan bagi memastikan kesahan dan kekuatan responden memahami setiap soalan yang dikemukakan. Secara keseluruhannya, soalan-soalan yang telah dibentuk dikekalkan dan didapati hanya beberapa soalan di bahagian pengiraan zakat tanaman dan bahagian saluran pembayaran zakat tanaman memerlukan perubahan struktur kaedah jawapan.

iv. **Instrumen Soalan Soal Selidik**

Skop soalan yang diutamakan dalam membentuk soalan-soalan soal selidik adalah soalan berkaitan dengan kaedah pembayaran zakat tanaman yang melibatkan persoalan kaedah pengiraan dalam zakat tanaman dan seterusnya kepada siapa zakat tanaman tersebut disalurkan pembayarannya iaitu sama ada kepada institusi zakat, amil, asnaf atau sebagainya di samping melibatkan soalan-soalan demografi dan aktiviti-aktiviti mengusahakan sawah padi.

Setelah itu, borang soal selidik dicetak dalam bentuk *booklet* agar mudah bagi petani untuk mengisi dan menyemak jawapan-jawapan yang diberikan. Soalan-soalan soal selidik dirangka secara tersusun dan dibahagikan kepada 5 bahagian iaitu bahagian A, bahagian B, bahagian C, bahagian D dan bahagian E dan setiap responden dikehendaki menjawab kesemua bahagian. .

Soalan di bahagian A melibatkan soalan yang memerlukan kepada maklumat-maklumat demografi responden berkaitan nama, alamat, umur, jantina, taraf pendidikan dan tanggungan. Bahagian ini bertujuan untuk mendapatkan maklumat latar belakang petani. Bahagian B pula memerlukan maklumat berkaitan penglibatan petani dalam aktiviti sawah padi. Ia bagi tujuan melihat keseimbangan antara pendapatan dan perbelanjaan petani dalam mengusahakan sawah padi. Manakala soalan di Bahagian C meliputi soalan berkaitan kaedah pengiraan zakat tanaman yang digunapakai oleh

petani dan di bahagian D pula adalah soalan berkaitan saluran pembayaran zakat tanaman yang menjadi amalan petani. Di bahagian terakhir iaitu bahagian E, responden diberi peluang untuk memberikan sebarang komen dan cadangan sama ada secara langsung atau tidak langsung berkaitan dengan kajian.

3.2.2 Metod Penganalisaan Data

Setelah data-data dan maklumat dikumpul, data-data tersebut dianalisis menggunakan metod-metod berikut :

3.2.2(a) Analisi Induktif

Metod ini digunakan untuk membuat kesimpulan atau pembuktian dari perkara-perkara yang bersifat khusus untuk merumuskan satu kesimpulan yang bersifat umum. Dalam kajian ini, penulis mencari hubungan antara fakta-fakta atau keterangan yang terkumpul untuk merumuskan sesuatu gagasan fikiran. Segala maklumat dan data yang diperolehi dikaji untuk mendapatkan gambaran umum berkaitan masalah-masalah yang wujud dalam pembayaran zakat tanaman.

Metod induktif digunapakai ketika bahan dan data di kumpul dan dikategorikan mengikut sub-sub kategori kajian bagi mengenalpasti masalah baru yang wujud dan isu yang masih memerlukan penyelesaian berskala dalam persoalan-persoalan berkaitan pembayaran zakat tanaman. Kajian mendapati persoalan berkaitan kaedah pembayaran zakat tanaman memerlukan kajian yang berterusan kerana perubahannya di pengaruhi oleh faktor perubahan ekonomi semasa.

3.2.2(b) Analisis Deduktif

Melalui metod deduktif, penulis menggunakan teori yang ada atau membentuk sendiri berasaskan pemikiran dan pengalaman tertentu untuk melihat fenomena yang

berlaku. Bagi memastikan objektif kajian tercapai, data dan maklumat-maklumat yang diperolehi perlu dikaji secara mendalam dan terperinci. Selain itu, melalui analisis deduktif, soalan temubual dan soalan soal selidik dapat dibina. Oleh demikian, setiap data dari kaedah perpustakaan, temubual dan soal selidik di analisis secara deduktif seperti berikut:

i. Data-data Perpustakaan, Catatan dan Dokumen

Maklumat dan data yang diperolehi melalui bahan-bahan cetakan dikumpul dan dianalisis secara terperinci dengan merujuk kepada keperluan kajian. Maklumat-maklumat yang dikumpul dianalisis mengikut sub-sub kategori iaitu kategori konsep-konsep umum zakat, aspek pengurusan dan pentadbiran zakat, kaedah pengiraan zakat, saluran pembayaran zakat, infrastruktur pembayaran zakat, program-program zakat dan prestasi kutipan dan agihan zakat.

ii. Data Temubual

Temubual yang dijalankan direkod dan dirakam menggunakan *Minipayer* (MP4). Setelah itu, rakaman tersebut akan didengar semula dan dibentuk transkrip seperti yang dijelaskan dalam kajian metodologi Suseela Malakolunthu¹⁴⁴. Hasil transkrip dianalisis dengan merujuk kepada tujuh klasifikasi tema yang dibentuk melalui soalan temubual yang meliputi aspek pentadbiran zakat, sistem pengurusan zakat, konsep umum zakat, perundangan, kaedah pengiraan, saluran pembayaran zakat dan prestasi zakat.

¹⁴⁴ Suseela Malakolunthu (2001), "Pengumpulan dan Analisis Data Kualitatif: Satu Imbasan" dalam *Penyelidikan Kualitatif: Pengalaman Kerja Lapangan Kajian*, Marohaini Yusoff (ed.), Kuala Lumpur: Penerbit Universiti Malaya, h. 139.

iii. Data Soal Selidik

Sebanyak 221 set soal selidik daripada 253 set di *key-in* dan dianalisis menggunakan *Statistical Package for Social Sciences* (SPSS) versi 17. Walaubagaimanapun tumpuan analisis adalah kepada soalan-soalan yang berkaitan dengan objektif kajian iaitu di bahagian demografi reponden, kaedah pengiraan zakat dan saluran pembayaran zakat.

3.2.2(c) Analisis Diskriptif

Analisis data yang digunakan dalam penyelidikan ini adalah secara statistik diskriptif iaitu menggunakan jadual frekuensi, peratus, jadual silang, carta, graf dan ukuran numerikal untuk mendapatkan maklumat yang berkesan.

3.2.2(d) Analisis Komparatif


Berdasarkan kepada objektif kajian dijalankan, analisis perbandingan digunakan bagi membandingkan maklumat dan data yang diperolehi sama ada data yang diperolehi dari bahan perpustakaan, dokumentasi, temubual dan soal selidik berkaitan kaedah pembayaran zakat tanaman dan amalannya di kalangan petani bagi dua negeri iaitu Selangor dan Perlis. Perbandingan ini dilakukan bagi menganalisis perbandingan atau persamaan yang wujud dalam kaedah pembayaran zakat tanaman yang menjadi amalan sama ada pihak institusi zakat mahupun petani di negeri Selangor dan Perlis.

3.3 KESIMPULAN

Setiap kajian yang dilakukan memerlukan kepada pemilihan metodologi yang bersesuaian agar kajian yang dijalankan dapat dilaksanakan dengan sempurna.

Berdasarkan kepada pendekatan, jenis kajian dan data yang digunakan maka susunatur metodologi dapat dibentuk dan digunakan dengan baik. Ini kerana kajian yang dilaksanakan mengikut kerangka metodologi yang telah dibina dapat membantu penghasilan kajian dengan lebih teratur, sistematik akan menghasilkan satu output kajian yang baik.

Kajian ini menggunakan pendekatan induktif-generatif dengan melihat kerangka masalah yang umum sehingga dapat mengenalpasti masalah-masalah yang lebih khusus. Bagi mendapatkan maklumat yang mencukupi bagi kajian ini, data kualitatif dan kuantitatif digunakan yang melibatkan data dari bahan perpustakaan, dokumentasi, temubual dan soal selidik. Oleh demikian, kajian berbentuk tinjauan digunapakai dengan mengadakan temubual bersama pegawai-pegawai terpilih dari Lembaga Zakat Selangor dan Baitulmal, Majlis Agama Islam dan Adat Istiadat Melayu Perlis serta membentuk set soal selidik yang diedar di kalangan petani yang mengusahakan sawah padi dan membayar zakat daripada hasil tanaman tersebut. Seterusnya data-data yang dikumpul sama ada data primer ataupun sekunder kemudiannya dianalisis satu persatu menggunakan SPSS dan jadual kategori mengikut sub tema yang telah dibentuk.



**BAB
EMPAT
(4)**

BAB EMPAT

AMALAN PELAKSANAAN INSTITUSI ZAKAT DALAM KAEDAH PEMBAYARAN ZAKAT TANAMAN DI SELANGOR DAN PERLIS

4.1 PENDAHULUAN

Aspek dalam kaedah pengiraan zakat atau boleh disimpulkan sebagai perakaunan zakat adalah merupakan disiplin asas yang wajib dipelajari oleh setiap individu muslim. Tanpa asas ilmu ini, pelaksanaan zakat tidak akan dilakukan mengikut prosedur yang ditetapkan dalam syarak dan seterusnya boleh dianggap batal. Ini kerana sepertimana ibadat-ibadat yang lain, zakat juga mempunyai rukun dan syarat-syarat yang perlu dipatuhi.

Sejak zaman Rasulullah S.A.W lagi urusan zakat dilakukan dengan teratur dan teliti oleh pihak-pihak yang berkaitan dan sentiasa berkembang dari semasa ke semasa sehinggalah ke hari ini. Tidak ketinggalan dengan Malaysia, urusan berkaitan zakat dilaksanakan menerusi pentadbiran khusus di bawah seliaan Majlis Agama Islam. Institusi ini memainkan peranan yang sangat besar terhadap memastikan sistem, pelaksanaan dan pengurusan zakat dapat berjalan lancar dan turut dapat memberikan sumbangan kepada negara di samping melaksanakan tuntutan agama. Peranan ini termasuklah bukan sahaja bertanggungjawab mengendalikan urusan bersama pembayar zakat malah kepada semua aspek pengurusan yang berkaitan dengan zakat agar nilai zakat yang dikeluarkan sampai kepada jumlah sasaran yang ditetapkan dan dana zakat dapat disampaikan kepada golongan yang berhak menerima dana zakat tersebut.

4.2 Pentadbiran Zakat Tanaman

Perihal berkaitan kuasa agama adalah tertakluk di bawah kuasa kerajaan negeri sepertimana yang telah diperuntukkan dalam Perlembagaan Persekutuan Malaysia (Perkara 2). Dalam erti kata lain kerajaan Pusat tidak mempunyai kuasa mutlak untuk turut campur dalam urusan agama negeri melainkan ke atas negeri yang tidak mempunyai raja atau sultan. Oleh demikian, sistem pengurusan zakat di Malaysia dikendalikan oleh sebuah badan yang dikenali sebagai Majlis Agama Islam Negeri.

Jadual 4.1: Pentadbiran dan Pengurusan Zakat Tanaman Bagi Negeri Selangor dan Perlis

Negeri	Institusi Zakat
Selangor	Lembaga Zakat Selangor, Majlis Agama Islam Selangor (LZS, MAIS)
Perlis	Baitulmal, Majlis Agama Islam dan Adat Istiadat Melayu Negeri Perlis (MAIPs)

- Sumber:
- Lembaga Zakat Selangor, <http://www.e-zakat.com.my>, 12 April 2010.
 - Baitulmal, Majlis Agama Islam dan Adat Istiadat Melayu Negeri Perlis, <http://baitulmalperlis.com/2009/>, 12 April 2010.
 - Temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor pada 08 Februari 2010 jam 10.00 pagi di Menara Selatan, Lembaga Zakat Selangor, Shah Alam.
 - Temubual bersama Encik Khairi Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat, Baitulmal, Majlis Agama Islam dan Adat Istiadat Melayu Perlis pada 19 Januari 2010 jam 10.00 pagi di Baitulmal, MAIPs.

Merujuk kepada kajian yang dilakukan, di Selangor segala urusan berkaitan zakat sama ada zakat harta atau fitrah diuruskan oleh Lembaga Zakat Selangor (LZS). Bermula dengan nama MAIS ZAKAT Sdn. Bhd. Pusat Zakat Selangor mula didaftarkan pada tahun 1994. Kemudian nama Pusat Pungutan Zakat MAIS ditukar kepada Pusat Zakat Selangor (PZS MAIS) yang melibatkan urusan kutipan dan agihan zakat. Pada tahun 2006, Pusat Zakat Selangor bertukar nama sekali lagi dan dikenali

sebagai Lembaga Zakat Selangor, MAIS¹⁴⁵. Namun, pengasingan dilakukan dari sudut kutipan dan agihan zakat bagi melicinkan dan memperkemaskan lagi sistem urusan zakat di negeri tersebut.

Manakala bagi negeri Perlis pula segala hal berkaitan zakat diurus di bahagian zakat Baitulmal, Majlis Agama Islam dan Adat Istiadat Melayu Negeri Perlis (MAIPs). MAIPs telah ditubuhkan pada 27 Februari 1964 di bawah Undang-Undang Tubuh Kerajaan Negeri 1963 (Pindaan) Fasal 6(1). Terdapat empat bahagian organisasi di bawah MAIPs iaitu Baitulmal, Jabatan Agama Islam Perlis (JAIPs), Jabatan Mufti dan Mahkamah Syariah. Baitulmal juga adalah sebuah badan berkanun di bawah kerajaan negeri¹⁴⁶. Bagi melicinkan perjalanan pentadbiran, MAIPs telah membentuk satu Jawatankuasa iaitu Jawatankuasa Baitulmal untuk menguruskan pentadbiran khususnya bahagian zakat, wakaf dan sumber am¹⁴⁷.

Namun, merujuk kepada dua negeri iaitu Selangor dan Perlis kajian mendapati tiada bahagian khusus yang mengurus tadbir hal-hal berkaitan zakat tanaman secara berasingan atau khusus di kedua-dua institusi zakat tersebut. Kesemua urusan zakat sama ada zakat harta dan fitrah diuruskan dibawah satu bahagian zakat yang turut merangkumi urusan kutipan dan agihan zakat.

4.3 Amalan Pengiraan Semasa Zakat Tanaman

4.3.1 Penentuan Kadar Nisab Semasa Zakat Tanaman

Menurut kadar yang ditetapkan oleh pihak institusi zakat, para petani di Selangor dan Perlis wajib mengeluarkan zakat tanaman mereka apabila hasil pengeluaran padi telah mencukupi atau melebihi dari kadar cukup nisab 1.306 tan di Selangor dan 0.9867 tan di Perlis.

¹⁴⁵ Lembaga Zakat Selangor, <http://www.e-zakat.com.my>, 14 April 2010.

¹⁴⁶ Peraturan 72B(1), Undang-Undang Pentadbiran Agama Islam Perlis, Bil. 3/1964.

¹⁴⁷ *Ibid.*

Walaupun bagaimanapun, kajian mendapati kadar nisab ini memerlukan kajian yang lebih mendalam lagi untuk memastikan kadar yang ditetapkan bersesuaian dengan keadaan semasa. Ini kerana petani yang memperolehi hasil tanaman padi yang mencapai hanya kadar cukup nisab masih berada di lingkungan berpendapatan rendah dan berada di bawah pendapatan garis kemiskinan yang ditetapkan. Pendapatan Garis Kemiskinan Keseluruhan (PGK)¹⁴⁸ bagi tahun semasa di Malaysia ialah RM720.00¹⁴⁹ sebulan bagi semenanjung Malaysia. Manakala bagi kemiskinan tegar ialah pendapatan yang diperolehi adalah kurang daripada RM430.00 sebulan¹⁵⁰.

Jadual 4.2: Contoh Jadual Hasil Pendapatan Petani Dengan Kadar Hanya Cukup Nisab 5 *ausuq* Bagi 1 Musim

		Negeri	Unit	Selangor	Perlis
KAEDAH PENGIRAAN	A	Kuantiti Keluaran Padi Per Musim	Tan	1.306	0.9867
	B	Hasil Jualan Padi [(RM750)(A)]	RM	979.50	740.03
	C	Jumlah Subsidi Harga Padi [(RM248.10)(A)]	RM	324.02	244.80
	D	Jumlah Pendapatan (B+C)	RM	1303.52	984.83
	E	Jumlah Zakat Padi [(5%)(D)]	RM	65.18	49.24
	F	Baki Pendapatan (D-E)	RM	1238.34	935.59
	G	Purata Pendapatan Sebulan (F/6bulan)	RM	206.39	155.93
	H	Pendapatan Garis Kemiskinan Keseluruhan Semenanjung Malaysia	RM	720.00	
	I	Pendapatan Garis Kemiskinan Tegar Semenanjung Malaysia	RM	430.00	

Sumber: a) Kementerian Pertanian dan Industri Asas Tani Malaysia, <http://apps.moa.my/bicaratani/?cat=4>, 12 Mei 2009.

¹⁴⁸ PGK ini ditentukan berasaskan kepada taraf hidup penduduk negara ini. PGK merupakan satu jumlah pendapatan minimum untuk membolehkan sebuah isi rumah, secara purata, menampung keperluan makanan, pakaian dan perbelanjaan asas seperti sewa, bahan api dan tenaga, pengangkutan dan perhubungan, kesihatan, pendidikan dan rekreasi. Sementara darjah kemiskinan pula dibahagikan berdasarkan tingkat pendapatan yang diterima dengan PGK. Pendapatan di bawah dari PGK di katakan sebagai miskin sementara individu yang menerima pendapatan separuh dari PGK di katakan sebagai termiskin. Pendapatan Garis Kemiskinan (PGK) yang ditetapkan adalah berdasarkan pendapatan sesebuah isirumah yang didefinisikan sebagai satu unit yang mengandungi 4.6 orang.

¹⁴⁹ http://www.kpkt.gov.my/kpkt/fileupload/PENDAPATAN_GARIS_KEMISKINAN2007.pdf, 19 April 2010.

¹⁵⁰ *Ibid.*

Sebagai contoh, jadual 4.2 menunjukkan jumlah pendapatan yang diterima oleh para petani sawah padi bagi negeri Selangor dan Perlis berdasarkan kepada kadar hanya cukup nisab 5 *ausuq*. Pengiraan juga adalah berdasarkan kepada hasil kasar tanpa tolakan sebarang kos sama ada kos pengeluaran tanaman dan kos sara hidup. Menurut Kementerian Perdagangan Dalam Negeri dan Hal Ehwal Pengguna (KPDNHEP), harga minimum terjamin (HMT/GMP) padi adalah RM750.00 per tan¹⁵¹. Manakala nilai kupon subsidi padi di Malaysia yang diberikan adalah ialah RM248.10¹⁵² per tan.

Setiap petani yang menjualkan hasil padi mereka kepada pihak BERNAS akan menerima kupon subsidi harga padi. Dengan hasil keluaran cukup nisab sebanyak 1.306 tan petani di Selangor akan menerima jumlah subsidi sebanyak RM324.02 dan Perlis pula sebanyak RM244.80. Berdasarkan kepada jumlah hasil jualan dan jumlah penerimaan subsidi yang diterima petani akan memperoleh hasil kutipan sebanyak RM1303.52 bagi petani di Selangor dan RM984.83 bagi petani di Perlis. Setelah membayar 5 peratus zakat daripada jumlah hasil pendapatan yang diterima, petani di negeri Selangor memperolehi baki pendapatan sebanyak RM1238.34 dan Perlis pula sebanyak RM935.59.

Namun, satu musim penanaman padi mengambil masa enam bulan. Berdasarkan kadar cukup nisab 1.306 tan di Selangor, purata pendapatan petani sebulan bagi satu musim ialah sebanyak RM206.39 dan 0.9867 tan di Perlis pula menghasilkan purata pendapatan sebulan petani sebanyak RM155.93. Jumlah pendapatan RM206.39 dan RM155.93 sebulan ini menggambarkan bahawa petani-petani adalah tergolong di bawah Pendapatan Garis Kemiskinan tegar di Semenanjung Malaysia.

Oleh kerana nisab zakat padi 5 *ausuq* sekarang dinilai pada kadar semasa, petani-petani di Selangor akan membayar zakat apabila hasil padi yang diperolehi telah

¹⁵¹ Kementerian Pertanian dan Industri Asas Tani Malaysia, <http://apps.moa.my/bicaratani/?cat=4>, 12 Mei 2009.

¹⁵² *Ibid.*

mencapai kadar cukup nisab 1.306 tan dan Perlis 0.9867 tan bagi satu musim tuaian. Di sini memperlihatkan bahawa kadar cukup nisab sebanyak 1.306 tan dan 0.9867 tan padi bagi negeri Selangor dan Perlis yang akan memberikan jumlah pendapatan pesawah padi yang jauh lebih rendah daripada pendapatan garis kemiskinan sesebuah keluarga dan penentuan had asas penerima zakat yang telah ditetapkan. Walaupun begitu, atas kesedaran melaksanakan tanggungjawab agama, petani-petani sawah masih mengeluarkan zakat.

Sehubungan itu, adalah wajar kadar 1.306 tan dan 0.9867 tan ini dinilai semula agar ia tidak membebankan para petani dalam melaksanakan kewajipan agama. Seterusnya kaedah pengiraan zakat tanaman turut perlu diberi perhatian agar para petani dapat menggunakan kaedah pengiraan yang bersesuaian dengan keperluan semasa.

4.3.2 Kaedah Pengiraan Zakat Tanaman Berdasarkan Tolakan Kos

Amalan pengurusan tanaman pertanian kini telah mengalami banyak perubahan. Sejar dengan perkembangan semasa, penggunaan teknologi moden dalam bidang pertanian telah memberi impak kepada pengurusan tanaman pertanian dan ini telah meningkatkan kos-kos dalam modal serta perbelanjaan petani. Kajian yang berterusan berkaitan kaedah pengiraan zakat tanaman khususnya perlu dijalankan dari semasa ke semasa. Ini kerana tolakan kos-kos tanaman dan kos sara hidup dilihat lebih praktikal dengan keadaan semasa. Ini kerana pengiraan zakat berdasarkan hasil kasar tanpa mengambilkira kos-kos yang terpaksa ditanggung oleh para petani dilihat seperti satu beban kos yang besar terpaksa ditanggung oleh petani malah pengiraan berdasarkan hasil kasar memberikan jumlah pengeluaran zakat yang besar daripada pendapatan kasar petani seperti yang ditunjukkan dalam jadual 4.3.

Jadual 4.3: Contoh Pengiraan Zakat Tanaman 1 Musim Tanpa Tolakan Kos Tanaman dan Kos Sara Hidup

A	B	C	D	E
Hasil Perolehan Padi	Hasil Jualan Padi (A)(RM750)	Lain-Lain Insentif	Jumlah Pendapatan (B+C)	Jumlah Bayar Zakat (5%)(D)
Tan	RM	RM	RM	RM
12	9000	385	9385	469.25

Sumber: Diubahsuai daripada Asmak Ab Rahman, *et.al.* (2009), “Analisis Kaedah Taksiran Zakat Pertanian di Malaysia” (Kertas Kerja Seminar Ekonomi Islam Peringkat Kebangsaan, 10-11 Februari 2009).

Jadual 4.3 menunjukkan contoh pengiraan bayaran zakat padi tanpa mengambil kira tolakan kos tanaman dan kos sara hidup. Sebagai contoh, dengan hasil 12 tan padi yang diperolehi oleh petani bagi 1 musim petani akan menerima jumlah hasil jualan padi sebanyak RM9000.00 beserta dengan insentif-insentif lain yang diterima sebanyak RM385.00 menjadikan jumlah pendapatan yang diterima oleh petani sebanyak RM9385.00. Justeru itu, tanpa mengambilkira tolakan kos tanaman dan kos sara hidup petani akan membayar zakat sebanyak 5 peratus daripada jumlah pendapatan RM9385.00 iaitu sebanyak RM469.25.

Manakala kaedah pembayaran zakat tanaman dengan mengambilkira hasil bersih iaitu setelah menolak kos tanaman dan kos sara hidup adalah dilihat lebih adil kepada petani-petani kerana amalan semasa memperlihatkan bahawa pengurusan tanaman padi telah berkembang maju dan para petani tidak lagi perlu mengeluarkan tenaga yang banyak seperti kaedah tradisional dahulu tetapi perlu mengeluarkan kos-kos modal yang lebih tinggi. Kaedah pengiraan zakat tanaman berdasarkan hasil bersih ini adalah lebih sesuai kerana dapat menjamin kebajikan para petani dan selari dengan konsep zakat itu sendiri iaitu pengagihan harta daripada golongan kaya kepada golongan miskin.

Keputusan yang ditetapkan oleh pihak Lembaga Zakat Selangor dalam kaedah pengiraan zakat tanaman adalah dengan mengambilkira tolakan kos pengeluaran tanaman tanpa perlu mengambilkira tolakan kos sara hidup. Kewajaran mengambilkira kos pengeluaran atau kos tanaman yang ditanggung oleh petani adalah dengan melihat kepada pelbagai kos modal tanaman terpaksa ditanggung oleh petani pada masa kini seperti kos sewa tanah, baja, racun, upah pekerja, sewa jentera dan sebagainya. Memandangkan petani perlu menanggung kesemua kos tersebut adalah wajar sekiranya kos-kos tersebut ditolak daripada pendapatan petani sebelum ditaksir sama ada mereka wajib mengeluarkan zakat atau sebaliknya¹⁵³.

Kaedah ini diterima pakai dengan merujuk kepada keputusan perbincangan Ahli-ahli Jawatankuasa dengan membawa pendapat bahawa ditolak hutang dharuriyyat sahaja berasaskan kepada *qaul* Ibn 'Abbās, Ibn 'Umar, Aḥmad Ibn Ḥanbal dan lain-lain dengan hujah bahawa hutang dharuriyyat merupakan perkara *ijtihādiyyah*. Dalam ijtiḥad perkara ini, Ibn 'Abbās dan Ibn 'Umar bersetuju bahawa hutang dharuriyyat dipotong terlebih dahulu sebelum dikeluarkan zakat. Pendapat ini turut disokong oleh Aḥmad Ibn Ḥanbal dan lain-lain berpandukan hadis:

Diriwayatkan oleh Abū 'Ubayd ada melaporkan bahawa Jābīr bin Zaid telah meminta pandangan tentang seorang lelaki yang telah berhutang dan menggunakan wang tersebut untuk perbelanjaan keluarga dan ladangnya. Jābīr menjelaskan bahawa:

*“Ibn Abbās berpandangan bahawa lelaki itu boleh membelanjakan hutangnya itu kepada ladangnya. Ibn 'Umar pula berpendapat orang itu boleh membelanjakannya untuk ladang dan keluarganya”*¹⁵⁴

¹⁵³ Asmak Ab Rahman dan Pazim@Fadzim Othman (2005), Kaedah Taksiran Zakat Padi dan Kesannya Terhadap Petani: Kajian di Selangor, *Jurnal Syariah*, Jil. 13, Bil. 1, Kuala Lumpur: Universiti Malaya, hh.37-38.

¹⁵⁴ Abū 'Ubayd, Al-Qāsim bin Salām (1988), *Kitāb al-Amwāl*, Beirut: Dār al-Fikr, h.611.

Dalam hal ini Ibn Abbās dan Ibn ‘Umar sependapat bahawa zakat dikeluarkan setelah petani menolak hutang yang dijadikan modal untuk kos penanaman¹⁵⁵. Begitu juga seperti yang diriwayatkan oleh Yahyā Ibn Adam¹⁵⁶:

“Ibn ‘Umar berkata: Hendaklah dimulakan dari hasil tanaman untuk membayar hutang terlebih dahulu dan dikeluarkan zakat yang baki daripadanya. Ibn ‘Abbās berkata: Ditunaikan terlebih dahulu apa yang dihutangkan sebagai kos pengeluaran bakinya itu dikeluarkan zakat.”

Manakala kos saraan hidup tidak diambilkira dalam pengiraan zakat padi kerana pada asasnya perkara ini tidak pernah timbul. Sekiranya kos sara hidup diambilkira dalam pengiraan zakat tanaman, ini akan melibatkan potongan yang lebih besar setelah diberi potongan kepada perbelanjaan pengeluaran dan hutang. Ia juga akan melibatkan sebahagian besar dalam sistem pungutan zakat seperti yang dikehendaki syarak. Apabila perkara ini berlaku apatah lagi berlaku secara mendadak, ia akan menjejaskan penghasilan zakat yang teruk dan pelbagai kesan lain akan turut berlaku dan ia boleh menjejaskan kesatabilan umat. Ia merujuk kepada Firman Allah S.W.T:

﴿ إِنَّمَا الصَّدَقَتُ لِلْفُقَرَاءِ وَالْمَسْكِينِ وَالْعَمَلِينَ عَلَيْهَا وَالْمُؤَلَّفَةِ قُلُوبِهِمْ وَفِي الرِّقَابِ وَالْغُرَمِينَ وَفِي سَبِيلِ اللَّهِ وَابْنِ السَّبِيلِ فَرِيضَةً مِّنَ اللَّهِ وَاللَّهُ عَلِيمٌ حَكِيمٌ ﴾

“Sesungguhnya zakat-zakat itu, hanyalah untuk orang-orang fakir, orang-orang miskin, pengurus-pengurus zakat, para mu'allaf yang dibujuk hatinya, untuk (memerdekakan) budak, orang-orang yang berhutang, untuk jalan Allah dan untuk mereka yuang sedang dalam perjalanan, sebagai suatu ketetapan yang diwajibkan Allah, dan Allah Maha mengetahui lagi Maha Bijaksana”.

(Surah al-Taubah (9): 60)

Sabda Rasulullah S.A.W yang bermaksud:

“Tidaklah bersedekah (berzakat) melainkan ke atas orang kaya”

Sabda Rasulullah S.A.W lagi yang bermaksud:

¹⁵⁵ Yahyā Ibn Adām (t.t), *Kitāb al-Kharaj*, Beirut: Dār al-Ma‘rifah, h.162.

¹⁵⁶ *Ibid.*

“Khabarkanlah kepada mereka bahawa Allah mewajibkan zakat ke atas kekayaan mereka yang dipungut dari orang-orang kaya dan dikembalikan kepada orang-orang miskin”

Berdasarkan ayat di atas jelaslah bahawa zakat hanya dikenakan ke atas orang kaya dan bukan ke atas orang miskin. Ini memberi erti bahawa orang yang sebenarnya layak mengeluarkan zakat sahaja wajib mengeluarkan zakat dan ini tidak memberi bebanan kepada orang miskin malah mereka adalah golongan yang layak menerima zakat.

Demikian pula penetapan kaedah pengiraan zakat tanaman dengan mengambilkira hasil bersih yang diaplikasi di negeri Perlis dengan mengambilkira penolakan kos tanaman dan kos sara hidup sebelum jumlah zakat ditetapkan¹⁵⁷. Ini merujuk kepada firman Allah S.W.T :

﴿ وَهُوَ الَّذِي أَنْشَأَ جَنَّاتٍ مَّعْرُوشَاتٍ وَغَيْرَ مَعْرُوشَاتٍ وَالنَّخْلَ وَالزَّرْعَ مُخْتَلِفًا أُكْلُهُ
وَالزَّيْتُونَ وَالرُّمَّانَ مُتَشَابِهًا وَغَيْرَ مُتَشَابِهٍ كُلُوا مِنْ ثَمَرِهِ إِذَا أَثْمَرَ وَءَاتُوا حَقَّهُ
يَوْمَ حَصَادِهِ وَلَا تُسْرِفُوا إِنَّهُ لَا يُحِبُّ الْمُسْرِفِينَ ﴾

“Dan dialah yang menjadikan kebun-kebum yang berjunjung dan yang tidak berjunjung, pohon korma, tanam-tanaman yang bermacam-macam buahnya, zaitun dan delima yang serupa (bentuk dan warnanya) dan tidak sama (rasanya). makanlah dari buahnya (yang bermacam-macam itu) bila dia berbuah, dan tunaikanlah haknya di hari memetik hasilnya (dengan disedekahkan kepada fakir miskin); dan janganlah kamu berlebih-lebihan. Sesungguhnya Allah tidak menyukai orang yang berlebih-lebihan”.

(Surah al-‘An‘ām (6): 141)

Merujuk kepada teori asas ekonomi yang mana pertumbuhan dalam ekonomi semasa akan meningkatkan harga barang-barang dan perkhidmatan di pasaran dan seterusnya akan meningkatkan jumlah perbelanjaan sesebuah isirumah menggambarkan wujud kewajaran dalam mengambilkira tolakan kos sara hidup dalam pengiraan zakat tanaman. Ini kerana zakat yang dikutip daripada petani yang berpendapatan rendah

¹⁵⁷ Majlis Agama Islam dan Adat Istiadat Melayu Perlis (2001), *Panduan Mengeluarkan Zakat*, Perlis: Majlis Agama Islam dan Adat Istiadat Melayu Perlis, h. 22.

malah ada yang dikategorikan miskin dilihat amat membebankan para petani yang terpaksa menyara kehidupan sekeluarga dan pelbagai perbelanjaan lain.

Jadual 4.4: Contoh Pengiraan Zakat Tanaman 1 musim Dengan Tolakan Kos Tanaman dan Kos Sara Hidup

A	B	C	D
Hasil Perolehan Padi	Hasil Jualan Padi (A)(RM750)	Lain-Lain Insentif	Jumlah Pendapatan (B+C)
Tan	RM	RM	RM
12	9000	385	9385

A		B	
Tolak Kos mengusaha sawah (Kos Tanaman)	Jumlah Kos (RM)	Tolak Kos Keperluan Asasi	Jumlah Kos (RM)
Sewa tanah (jika sewa)	-	Diri (RM 14.12) X 195 Hari	2754.00
Membajak dan menanam (jika diupah/dibayar)	1250.00	Isteri (RM8.47) X 195 Hari	1652.00
Harga baja (jika dibeli)	6.00	Anak (RM3.38) X 195 Hari X 2 orang	1318.20
Racun serangga (jika dibeli)	70.00	Pemberian kepada ibubapa (Jumlah yang sebenar jika diberi)	300.00
Upah menuai	650.00	Perubatan (perbelanjaan sebenar)	140.00
Upah pengangkutan	200.00	Hutang Dharuriat a) Kediaman b) Kenderaan	200.00
Jumlah	2176.00	Jumlah	6364.20
Jumlah Keseluruhan Perbelanjaan (A+B)			RM 8540.20
Jumlah Baki Pendapatan (Hasil Perolehan Padi – Jumlah keseluruhan Kos)			RM 844.80
Jumlah Perlu Bayar Zakat (Jumlah Baki X 5%)			RM 42.24

Sumber: Diubahsuai daripada Majlis Agama Islam dan Adat Istiadat Melayu Perlis (t.t), *Pamphlet Panduan Zakat*, Perlis: Majlis Agama Islam dan Adat Istiadat Melayu Perlis, hh. 21-22.

Jadual 4.4 menunjukkan pengiraan zakat tanaman berdasarkan hasil bersih dan merujuk kepada jadual 4.4 tersebut, pendapatan yang diterima oleh petani berdasarkan kepada 12 tan hasil pengeluaran padi yang diperolehi bagi satu musim penanaman padi beserta insentif-insentif lain adalah sebanyak RM9385.00. Setelah mengambilkira

tolakan perbelanjaan dalam kos pengeluaran tanaman dan kos perbelanjaan sara hidup, jumlah zakat yang perlu dibayar adalah sebanyak RM42.24 berdasarkan bayaran kadar zakat 5 peratus. Oleh demikian, secara ringkasnya perbezaan jumlah bayaran zakat tanaman antara pengiraan berdasarkan hasil kasar dengan pengiraan berdasarkan hasil bersih dijelaskan di dalam jadual 4.5.

Jadual 4.5: Perbezaan Jumlah Bayaran Zakat Daripada Hasil Pengeluaran Padi 12 tan Dengan Pengiraan Berdasarkan Hasil Kasar dan Hasil Bersih

Pengiraan Zakat Tanaman Berdasarkan Hasil Kasar	Pengiraan Zakat Tanaman Berdasarkan Hasil Bersih
Kadar Bayaran Zakat X Jumlah Kasar Pendapatan	Kadar Bayaran Zakat X Baki Bersih Jumlah Pendapatan
[(5%)(RM9385.00) = RM469.25]	[(5%)(RM9385.00-8540.20) = RM42.24]
Jumlah perbezaan : RM469.25-RM42.24 = RM427.01	

Perbezaan jumlah bayaran zakat berdasarkan hasil kasar dan hasil bersih adalah sebanyak RM427.01 seperti yang dijelaskan di dalam jadual 4.5. Jumlah ini menunjukkan terdapat perbezaan jumlah bayaran zakat yang besar dan ia memberi kesan kepada petani yang tidak menolak kos tanaman dan kos sara hidup dalam membuat pengiraan zakat tanaman.

Oleh demikian, kajian ini mengupas secara terperinci cara pengiraan dalam kaedah pembayaran zakat tanaman agar ia bersesuaian dengan konteks semasa. Kajian mendapati adalah wajar pengiraan zakat tanaman dilakukan dengan mengambilkira tolakan kos pengeluaran tanaman dan kos sara hidup yang terpaksa ditanggung oleh para petani agar para petani tidak akan merasa terbeban dengan pengeluaran zakat yang dikenakan ke atas mereka dan secara langsung dapat meringankan beban perbelanjaan yang ditanggung oleh para petani. Di samping itu juga dapat meningkatkan taraf hidup

petani dan seterusnya menggalakkan para petani untuk mengusahakan tanah mereka dengan lebih giat lagi.

Aplikasi kepada kaedah pengiraan dengan tolakan kos tanaman dan kos sara hidup bukanlah bertujuan untuk membebaskan para petani daripada kewajipan membayar zakat. Malah ini akan memberikan rangsangan kepada pengusaha padi untuk membayar zakat kerana kadar zakat dibayar berdasarkan kepada perolehan hasil bersih daripada usaha mereka dan dengan itu zakat hanya akan dikeluarkan oleh individu yang benar-benar layak.

4.3.3 Pengiraan Zakat Ke atas Subsidi Harga Padi

Di negeri Selangor subsidi harga padi yang diterima oleh petani diambilkira sebagai zakat *al-māl mustafad* yang dikenakan zakat dengan kadar 2.5 peratus. Bagi negeri Perlis pula, subsidi harga padi yang diterima tidak dikenakan zakat kerana ia merupakan insentif yang diberikan oleh kerajaan bagi membantu petani mengusahakan tanah sawah padi.

Penyelarasan dalam pengiraan zakat ke atas subsidi harga padi yang diterima perlu diteliti agar petani-petani memahami dan mengaplikasi kaedah pengiraan semasa yang ditetapkan. Kajian berterusan berkaitan subsidi harga padi yang diterima oleh petani perlu dijalankan oleh pihak-pihak yang terlibat agar pengambilkiraan zakat ke atas subsidi yang diterima tidak membebaskan perbelanjaan petani. Ini kerana tujuan subsidi diberikan adalah untuk membantu dan menampung kos-kos perbelanjaan yang ditanggung oleh petani.

4.4 Amalan Pemilihan Saluran Pembayaran Zakat Tanaman

Penubuhan unit-unit zakat dengan peranannya secara komprehensif berkeupayaan tinggi untuk menguruskan sesuatu pentadbiran secara sistematik. Secara tidak langsung ia juga akan menjadi satu kaedah perancangan jangka panjang yang

terpenting untuk menjaga *maṣlahah* ummah dan juga perancangan dalam mengurangkan isu kemiskinan di kalangan masyarakat.¹⁵⁸

Ini kerana institusi zakat di Malaysia sentiasa diperkemas dari semasa ke semasa. Perkara ini dilakukan dalam usaha untuk meningkatkan kutipan zakat tahun demi tahun dan sentiasa berdaya maju di samping untuk membantu orang yang tidak berkemampuan. Ini menunjukkan bahawa pihak institusi zakat mampu dan berkeupayaan membuat taksiran zakat di samping dapat mencapai objektif pengagihan zakat yang sebenar.

Jadual 4.6: Institusi Zakat Di Negeri Selangor dan Perlis

Negeri	Institusi
Selangor	Lembaga Zakat Selangor (LZS)
Perlis	Baitulmal, Majlis Agama Islam dan Adat Istiadat Melayu Perlis (MAIPs)

Sumber: a) Lembaga Zakat Selangor, <http://web.e-zakat.com.my>, 12 Januari 2010.

b) Baitulmal, Majlis Agama Islam dan Adat Istiadat Melayu Perlis, <http://maip.perlis.gov.my/>, 12 Januari 2010.

Segala hal pentadbiran dan pengurusan zakat termasuk zakat tanaman sama ada dari aspek kutipan, pembayaran, pengagihan dan sebagainya diselia dan ditadbir oleh Lembaga Zakat Selangor yang dahulunya dikenali sebagai Pusat Zakat Selangor, Majlis Agama Islam Selangor. Manakala di Perlis pula hal-hal berkaitan zakat diurustadbir di Baitulmal, Majlis Agama Islam dan Adat Istiadat Melayu Perlis.

Demikian itu, kajian ini juga mengenalpasti apakah saluran pembayaran yang menjadi keutamaan kepada petani sama ada mereka membayar zakat kepada pihak

¹⁵⁸ Ghafarullahuddin Din, Muhamad Rahimi Osman dan Ramawan Abdul Rahman (2005), *Pungutan dan Pengagihan Zakat: Pendekatan Pengurusan Secara 'Decentralisation' Dalam Institusi Pendidikan Sebagai Pemangkin Memartabatkan Ekonomi Ummah Melalui Pembangunan Pendidikan Asnaf Zakat*, dalam *Isu-Isu Kontemporari Zakat Di Malaysia*, Jil.1. Melaka: Institut Kajian Zakat Malaysia (IKaZ), h.106.

institusi zakat, amil, terus kepada asnaf atau sebagainya. Ia bertujuan agar berlaku keselarasan dalam kaedah pengiraan zakat tanaman dan memastikan agar jumlah zakat yang dibayar benar-benar disalurkan kepada golongan asnaf yang selayaknya.

Kajian dan pemantauan perlu dilakukan dengan lebih mendalam dan berterusan terhadap amalan petani yang membayar terus zakat tanaman kepada asnaf tanpa melibatkan institusi zakat atau amil yang dilantik rasmi oleh institusi. Ini kerana pembayaran yang dilakukan terus oleh para petani kepada asnaf tidak semestinya akan disalurkan kepada golongan asnaf yang selayaknya menerima zakat. Sekiranya penerima zakat tersebut adalah golongan yang masih berkemampuan dan tidak termasuk dalam kategori asnaf, ini telah bertentangan dengan konsep sebenar syariat pengagihan zakat iaitu pengagihan dari golongan kaya kepada golongan miskin.

4.5 Kesimpulan

Perkembangan semasa kini telah menimbulkan pelbagai isu berhubung dengan persoalan zakat. Perkara ini timbul berpunca dari wujudnya persoalan-persoalan baru yang belum berlaku sebelumnya, wujud penafsiran yang berbeza atau wujud keadaan dan persekitaran yang berbeza. Oleh itu, bagi memahami isu-isu berkaitan zakat penelitian yang sangat terperinci perlu dilakukan terlebih dahulu sebelum sesuatu pandangan dikeluarkan. Perbezaan yang timbul bukan dilihat sebagai satu kelemahan tetapi perlu dilihat sebaliknya sebagai satu kekuatan untuk dikaji. Merujuk kepada aspek pengurusan zakat, dapat disimpulkan bahawa pengurusan zakat di Malaysia atau khususnya di negeri Selangor dan Perlis sentiasa berkembang dan diperkemas dari semasa ke semasa bagi memastikan fungsi zakat benar-benar menepati kehendak zakat dan hukum syarak itu sendiri.



**BAB
LIMA
(5)**

BAB LIMA
ANALISIS SOAL SELIDIK

5.1 PENDAHULUAN

Kajian ini dijalankan bertujuan mengkaji kaedah pembayaran zakat tanaman dan amalan sebenar yang digunapakai dikalangan petani di Selangor dan Perlis. Oleh itu, melalui soal selidik, maklumat-maklumat berkaitan latar belakang responden, pemilikan dan aktiviti bersawah padi, amalan kaedah pengiraan zakat tanaman dan amalan pilihan saluran pembayaran zakat tanaman dikumpul. Data yang diperolehi kemudiannya dianalisis menggunakan *Statistical Package for Social Sciences (SPSS)* versi 17. Manakala bagi data-data dokumentasi dan temubual dianalisis dengan membentuk jadual mengikut sub tema yang telah dibina.

Sebanyak 221 set daripada 253 set soal selidik diterima dan dianalisis seperti yang ditunjukkan di dalam jadual 5.1 yang meliputi empat zon agihan iaitu Kuala Selangor, Sabak Bernam, kawasan MADA dan kawasan luar MADA.

Jadual 5.1: Jumlah Soal Selidik yang Dianalisis Bagi Negeri Selangor dan Perlis

Negeri	Zon Agihan	Bilangan Soal Selidik Yang Dianalisis	
		Frekuensi	Peratus
Selangor	Kuala Selangor	37	16.7
	Sabak Bernam	110	49.8
Perlis	MADA	51	23.1
	Luar MADA	23	10.4
Jumlah		221	100.0

Sumber: Kajian Sampel pada April-Jun 2010

5.2 Analisis Demografi Responden

Analisis maklumat berkaitan demografi responden melibatkan jantina, umur, taraf perkahwinan dan taraf pendidikan tertinggi. Maklumat ini adalah penting untuk

memastikan kesinambungannya dengan amalan yang digunapakai oleh para petani dalam pelaksanaan kaedah pembayaran zakat tanaman di kedua-dua negeri.


5.2.1 Jantina

Jadual 5.2: Jumlah Responden Berdasarkan Jantina Bagi Negeri Selangor dan Perlis


Negeri	Jantina				Jumlah	
	Lelaki		Perempuan		Frekuensi	Peratus
	Frekuensi	Peratus	Frekuensi	Peratus		
Selangor	131	89.1	16	10.9	147	100.0
Perlis	67	90.5	7	9.5	74	100.0
Jumlah	198	89.6	23	10.4	221	100.0

Sumber: Kajian Sampel pada April-Jun 2010

Carta 5.1: Peratus Responden Berdasarkan Jantina Bagi Negeri Selangor



Carta 5.2: Peratus Responden Berdasarkan Jantina Bagi Negeri Perlis



Sumber: Kajian Sampel pada April-Jun 2010

Jadual 5.2 menunjukkan majoriti responden bagi kedua-dua negeri terdiri daripada kaum lelaki iaitu seramai 198 orang (89.6%) berbanding perempuan hanya

seramai 23 orang (10.4%). Di Selangor, seramai 131 orang (89.1%) responden dari adalah kaum lelaki dan 16 orang responden dari kaum perempuan seperti yang ditunjukkan di dalam carta 5.1 dan 5.2. Manakala di Perlis pula, seramai 67 orang (90.5%) responden adalah lelaki dan 7 orang (9.5%) responden adalah perempuan. Ini menunjukkan bahawa kaum lelaki lebih memonopoli kegiatan mengusahakan tanah sawah padi berbanding dengan perempuan.


5.2.2 Umur

Jadual 5.3: Bilangan Responden Berdasarkan Julat Umur Bagi Negeri Selangor dan Perlis

Julat Umur	Negeri				Jumlah	
	Selangor		Perlis			
	Frekuensi	(%)	Frekuensi	(%)	Frekuensi	(%)
20 tahun – 30 tahun	4	2.72	2	2.70	6	2.71
31 tahun – 40 tahun	18	12.24	2	2.70	20	9.05
41 tahun – 50 tahun	59	40.14	18	24.32	77	34.84
51 tahun – 60 tahun	39	26.53	30	40.54	69	31.22
61 tahun – 70 tahun	20	13.61	13	17.57	33	14.93
>70 tahun	7	4.76	9	12.16	16	7.24
Jumlah	147	100.0	74	100.0	221	100.0

Sumber: Kajian Sampel pada April-Jun 2010

Carta 5.3: Peratus Responden Berdasarkan Julat Umur Bagi Negeri Selangor dan Perlis



Sumber: Kajian Sampel pada April-Jun 2010

Memandangkan negara kini mengarah kepada sektor pembuatan dan perindustrian, majoriti petani yang mengusahakan sawah padi lebih tertumpu pada golongan yang lebih berumur berbanding di kalangan generasi muda. Jadual 5.3 menunjukkan seramai 146 orang (66.06%) responden berada di lingkungan umur antara 41 tahun hingga 60 tahun dengan masing-masing berjumlah seramai 98 orang (66.67%) responden dari Selangor dan 48 orang (64.86%) responden dari Perlis. Begitu juga dengan responden yang berumur di antara 61 tahun hingga 70 tahun ke atas. Seramai 27 orang (18.37%) responden dari negeri Selangor dan 22 orang (29.73%) responden dari Perlis. Manakala hanya 26 orang (11.76%) responden yang berumur antara 20 tahun hingga 40 tahun yang mengusahakan tanah sawah dengan setiap negeri masing-masing berjumlah 22 orang (14.96%) responden dari Selangor dan 4 orang (5.4%) dari Perlis.


5.2.3 Taraf Perkahwinan

Jadual 5.4: Bilangan Responden Berdasarkan Taraf Perkahwinan Bagi Negeri Selangor dan Perlis

Julat Umur	Negeri				Jumlah	
	Selangor		Perlis		Frekuensi	Peratus
	Frekuensi	Peratus	Frekuensi	Peratus		
Bujang	2	1.36	0	0	2	0.9
Duda	5	3.40	0	0	5	2.3
Berkahwin	129	87.76	67	90.54	196	88.7
Janda	11	7.48	7	9.46	18	8.1
Jumlah	147	100.0	74	100.0	221	100.0

Sumber: Kajian Sampel pada April-Jun 2010

Carta 5.4: Peratus Responden Berdasarkan Taraf Perkahwinan Bagi Negeri Selangor dan Perlis



Sumber: Kajian Sampel pada April-Jun 2010

Keseluruhan responden iaitu seramai 196 orang (88.7%) responden daripada jumlah seramai 129 orang (87.76%) responden dari negeri Selangor dan 67 orang (90.54%) responden dari Perlis berstatus telah berkahwin. Ini didapati kerana majoriti responden kajian berada di lingkungan umur telah mendirikan rumah tangga. Manakala seramai 16 orang (10.88%) responden di Selangor dan 7 orang (9.46%) responden di Perlis pula berstatus duda dan janda. Hanya 2 orang (1.36%) responden yang diwakili oleh Selangor berstatus bujang seperti yang dinyatakan di dalam jadual dan carta 5.4 .


5.2.4 Taraf Pendidikan Tertinggi

Jadual 5.5: Bilangan Responden Berdasarkan Taraf Pendidikan Tertinggi Bagi Negeri Selangor dan Perlis

Julat Umur	Negeri				Jumlah	
	Selangor		Perlis			
	Frekuensi	(%)	Frekuensi	(%)	Frekuensi	(%)
Tiada Persekolahan	2	1.4	7	9.5	9	4.1
Sekolah Rendah	42	28.6	36	48.6	78	35.3
Sek. Agama/Pondok	18	12.2	2	2.7	20	9.0
SPM/MCE	46	31.3	17	23.0	63	28.5
SRP/PMR/LCE	32	21.8	9	12.2	41	18.6
STPM/Diploma	6	4.1	3	4.1	9	4.1
Ijazah	1	0.7	7	9.5	1	0.5
Jumlah	147	100.0	74	100.0	221	100.0

Sumber: Kajian Sampel pada April-Jun 2010

Carta 5.5: Peratus Responden Berdasarkan Taraf Pendidikan Tertinggi Bagi Negeri Selangor dan Perlis



Sumber: Kajian Sampel pada April-Jun 2010

Jadual dan carta 5.5 menunjukkan responden paling ramai mendapat pendidikan tertinggi sehingga sekolah rendah yang melibatkan seramai 78 orang (35.3%) responden bagi kedua-dua negeri iaitu 42 orang (28.6%) dari negeri Selangor dan 36 orang (48.6%) dari Perlis. Diikuti dengan pendidikan diterima sehingga ke peringkat Sijil Pelajaran Malaysia (SPM)/MCE seramai 46 orang (31.3%) responden di Selangor dan 17 orang (23.0%) di Perlis. Seterusnya di peringkat SRP/PMR/LCE seramai 41 orang (18.6%), Sekolah Agama/Pondok seramai 20 orang (4%) hanya 10 orang (4.6%) responden mempunyai taraf pendidikan tertinggi sehingga ke peringkat diploma dan ijazah (9.0%) bagi kedua-dua negeri. Manakala 9 orang (4.1%) selebihnya tiada persekolahan.

5.3 Analisis dalam Kaedah Pengiraan Zakat Tanaman

5.3.1 Perbandingan Kekekapan Pembayaran Zakat Tanaman

Oleh kerana zakat tanaman dibayar ke atas hasil padi, maka petani wajib mengeluarkan zakat tanaman sebaik sahaja hasil padi yang diperolehi mencapai kadar cukup nisab. Ini kerana zakat tanaman tidak terikat dengan tempoh (*hawl*) harta


terkumpul dalam masa satu tahun. Oleh itu, pembayaran zakat tanaman bergantung kepada musim menuai padi.

Jadual 5.6: Kekerapan Musim Tanaman Padi Bagi Negeri Selangor dan Perlis

Negeri	Kekerapan Musim Tanaman Padi							
	1 Kali 1 Tahun		2 Kali 1 Tahun		3 Kali 1 Tahun		Lain-Lain	
	Frekuensi	(%)	Frekuensi	(%)	Frekuensi	(%)	Frekuensi	(%)
Selangor	1	0.7	138	93.9	1	0.7	8	5.4
Perlis	1	1.4	73	98.6	0	0	0	0

Sumber: Kajian Sampel pada April-Jun 2010

Carta 5.6: Peratus Kekerapan Musim Tanaman Padi Bagi Negeri Selangor dan Perlis



Sumber: Kajian Sampel pada April-Jun 2010

Menurut Lembaga Kemajuan Pertanian Muda (MADA), terdapat dua tempoh musim menuai padi bagi tahun 2009 dan 2010 yang melibatkan bulan Mac/April hingga Julai/Ogos dan November/Disember hingga Mac/April¹⁵⁹. Ini menunjukkan hasil padi diperolehi dua kali dalam tempoh satu tahun. Walaubagaimanapun, terdapat perbezaan musim menuai padi di kalangan petani.

Kekerapan musim tanaman padi juga menjelaskan tentang kekerapan pembayaran zakat tanaman. Ini kerana zakat tanaman akan dibayar setelah hasil tuaian tanaman diperolehi yang bergantung kepada musim tanaman. Jadual dan carta 5.6 menunjukkan terdapat juga responden yang memperolehi hasil padi 1 kali setahun dan 3

¹⁵⁹ Lembaga Kemajuan Pertanian Muda, <http://www.mada.gov.my/jadualtanaman>, 15 Ogos 2010.

kali setahun. Namun, keseluruhan responden memperolehi hasil padi dan membayar zakat tanaman 2 kali dalam tempoh satu tahun iaitu seramai 138 orang (98.6%) responden dari Selangor dan 73 orang (93.9%) responden dari Perlis. Hanya 3 orang (2.8%) responden merangkumi petani dari negeri Selangor dan Perlis yang menyatakan hasil padi dituai 1 kali dalam satu tahun dan 3 kali dalam 1 tahun. Manakala 8 orang (5.4%) responden yang lain menyatakan hasil padi dituai 5 kali atau 3 kali dalam tempoh 2 tahun.

5.3.2 Perbandingan Amalan Penentuan Kadar Nisab Zakat Tanaman

Asas kadar cukup nisab zakat tanaman ialah 5 *ausuq*. Namun bagi memudahkan hasil padi dinilai, penggunaan nilai wasaq digantikan kepada sistem kiraan metrik semasa. Menurut Lembaga Zakat Selangor dan Majlis Agama Islam dan Adat Istiadat Melayu Perlis, kadar 5 *ausuq* di negeri Selangor adalah bersamaan 363 gantang iaitu bersamaan juga dengan 1306kg atau 1.306 tan. Manakala di Perlis pula bersamaan 2 kunca 7 naleh iaitu 986.7kg atau 0.9867 tan seperti yang dinyatakan di dalam jadual 5.7.

Jadual 5.7: Nilai Timbangan Semasa Kadar Cukup Nisab Berdasarkan Kadar 5 *Ausuq* Bagi Negeri Selangor dan Perlis

Negeri	Nilai Timbangan Bersamaan 5 <i>ausuq</i>				
	Gantang	Kunca	Naleh	Kilogram ¹⁶⁰	Tan
Selangor	363	-	-	1306	1.306
Perlis	-	2	7	986.7	0.9867

- Sumber :
- Temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor pada 08 Februari 2010 jam 10.00 pagi di Menara Selatan, Lembaga Zakat Selangor, Shah Alam.
 - Majlis Agama Islam dan Adat Istiadat Melayu Perlis (2001), *Panduan Mengeluarkan Zakat*, Kangar: Majlis Agama Islam dan Adat Istiadat Melayu Perlis.

¹⁶⁰ 1 kilogram bersamaan 1000 tan.

Setelah petani mendapati hasil padi yang diperolehi mencukupi atau melebihi kadar nisab 1.306 tan atau 0.9867 tan, maka petani perlu membayar zakat tanaman daripada hasil tanaman tersebut. Namun begitu, jadual 5.8 menunjukkan responden turut menggunakan ukuran dalam nilai matawang Ringgit Malaysia untuk menentukan kadar cukup nisab zakat hasil tanaman mereka di samping timbangan dalam unit kilogram dan tan.

Jadual 5.8: Amalan Penentuan Kadar Nisab Berdasarkan Jenis Timbangan Oleh Petani di Selangor dan Perlis

Negeri	Jenis Timbangan					
	Gantang	Kunca	Naleh	Tan	Kilogram	Ringgit Malaysia
Selangor	X	X	X	√	√	√
Perlis	X	X	X	X	√	√

* (√) Ya

** (X) Tidak

Sumber: Kajian Sampel pada April-Jun 2010


Berdasarkan jadual 5.9 dan carta 5.7, keseluruhan responden iaitu seramai 143 orang (97.3%) responden di Selangor dan 70 orang (94.6%) responden di Perlis menggunakan ukuran penentuan kadar cukup nisab zakat tanaman dalam nilai matawang Ringgit Malaysia iaitu apabila hasil jualan padi yang diperolehi telah mencapai jumlah antara RM1000.00 sehingga RM1280.00 berbanding dengan penggunaan unit tan dan kilogram.

Jadual 5.9: Perbandingan Amalan Penentuan Kadar Nisab Berdasarkan Unit Timbangan dalam Kalangan Petani Bagi Negeri Selangor dan Perlis

Negeri	Unit Ukuran Penentuan Kadar Cukup Nisab					
	Tan		Kilogram		Ringgit Malaysia	
	Frekuensi	(%)	Frekuensi	(%)	Frekuensi	(%)
Selangor	13	9.5	3	2	143	97.3
Perlis	0	0.0	4	5.41	70	94.6

Sumber: Kajian Sampel pada April-Jun 2010

Carta 5.7: Peratus Perbandingan Amalan Penentuan Kadar Nisab Berdasarkan Unit Timbangan dalam Kalangan Petani Bagi Negeri Selangor dan Perlis



Sumber: Kajian Sampel pada April-Jun 2010

Penentuan kadar cukup nisab bagi zakat tanaman berdasarkan unit Ringgit Malaysia adalah bergantung kepada harga padi semasa bagi setiap satu tan metrik. Menurut Kementerian Perdagangan Dalam Negeri dan Hal Ehwal Pengguna (KPDNHEP), harga minimum terjamin (HMT/GMP) padi adalah RM750.00 per tan bagi tahun semasa¹⁶¹. Oleh demikian, kadar cukup nisab bagi 1.306 tan adalah bersamaan RM979.50 dan 0.9867 tan pula bersamaan dengan RM740.03. Walaubagaimanapun, menurut Lembaga Kemajuan Pertanian Muda (MADA)¹⁶² pula harga minimum yang diletakkan bagi satu tan metrik padi bagi musim 1/2009 dinaikkan kepada RM1,000 berbanding RM950 pada musim sebelumnya kerana berlakunya kenaikan harga padi dalam musim tersebut.

5.3.3 Perbandingan Amalan Pengiraan Zakat Tanaman Berdasarkan Kos

Petani yang telah memperolehi hasil padi dan cukup kadar nisab zakat tanaman wajib mengeluarkan zakat dengan kadar 5 peratus, 7.5 peratus atau 10 peratus mengikut jenis pengairan yang digunakan. Walaubagaimanapun, sebelum jumlah zakat

¹⁶¹ Kementerian Pertanian dan Industri Asas Tani Malaysia, <http://apps.moa.my/bicaratani/?cat=4>, 12 Mei 2009.

¹⁶² Lembaga Kemajuan Pertanian Muda, <http://www.mada.gov.my/web/guest/26>, 12 Oktober 2010.

ditentukan, kajian mendapati terdapat perbezaan dalam kaedah pengiraan zakat tanaman di antara negeri Selangor dan Perlis.

Jadual 5.10: Contoh Pengiraan Zakat Tanaman di Selangor Berdasarkan Kadar Cukup Nisab¹⁶³

PERKARA		RM	RM
A)	Pendapatan Hasil Jualan Padi (1.306tanXR $\text{RM}750.00$)		979.50
B)	Perbelanjaan Anggaran Tolakan Kos:		
	1) Baja/Racun	140.00	
	2) Sewa (Jika Berkaitan)	0	
	3) Upah Tenaga Kerja/Tuaian (Mesin)	100.00	
	4) Pengangkutan (Lori)	60.00	
C)	Jumlah Perbelanjaan	300.00	
D)	Baki		679.50
E)	Jumlah Zakat ($679.50 \times 5\%$)		33.98

Sumber a) Nota yang diperolehi daripada Temubual bersama Encik Mohd diubahsuai Faryzan Subkhi, Pegawai Zakat Bahagian Dakwah dan Kutipan, daripada: Lembaga Zakat Selangor pada 08 Februari 2010 jam 10.00 pagi di Menara Selatan, Lembaga Zakat Selangor, Shah Alam.

Walaupun fatwa negeri Selangor¹⁶⁴ menetapkan taksiran pembayaran zakat tanaman bagi negeri selangor adalah 5 peratus tanpa sebarang tolakan kos, namun menurut pihak Lembaga Zakat Selangor, kos pengeluaran wajar diambilkira dalam pengiraan zakat tanaman. Manakala kos sara hidup pula tidak diambilkira kerana ia akan melibatkan potongan yang lebih besar setelah diberi potongan kepada perbelanjaan pengeluaran dan hutang. Selain itu, ia juga Ini turut akan menjejaskan penghasilan dalam sistem pungutan zakat¹⁶⁵.

Jadual 5.10 menunjukkan contoh jenis perbelanjaan kos-kos pengeluaran tanaman bagi 1 hektar tanah sawah. Berdasarkan kepada hasil jualan padi dengan

¹⁶³Contoh kaedah pengiraan zakat tanaman ini diperolehi dari sumber nota bertulis ketika sesi temubual di Lembaga Zakat Selangor.

¹⁶⁴ Enakmen Pentadbiran Agama Islam (Negeri Selangor) 2003 (2005), Fatwa di Bawah Seksyen 47, Jil. 58, No. 13, h.1.

¹⁶⁵ Nota yang diperolehi ketika sesi Temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor pada 08 Februari 2010 jam 10.00 pagi di Menara Selatan, Lembaga Zakat Selangor, Shah Alam.

kadar cukup nisab 1.306 tan iaitu sebanyak RM979.50, jumlah baki pendapatan yang diperolehi adalah sebanyak RM679.50 setelah mengambilkira tolakan kos-kos seperti baja, sewa, upah dan sewa pengangkutan. Oleh itu, jumlah zakat yang perlu dibayar berdasarkan kadar bayaran 5 peratus adalah sebanyak RM33.98. Berbeza pula dengan Perlis, kos sara hidup turut diambilkira dalam pengiraan zakat tanaman¹⁶⁶. Kaedah pengiraan boleh dilihat seperti berikut.

Jadual 5.11: Contoh Pengiraan Zakat Tanaman Bagi Negeri Perlis Berdasarkan Kadar Cukup Nisab

	PERKARA	RM	RM
A)	Pendapatan		
	Hasil Jualan Padi (0.9867 tan X RM750.00)		740.00
B)	Perbelanjaan		
	i)Anggaran Tolakan Kos Pengeluaran		
	1) Tanah (sendiri)		
	2) Membajak dan Menanam	125.00	
	3) Baja	6.00	
	4) Racun Serangga	7.00	
	5) Upah Menuai	65.00	
	6) Upah Pengangkutan	200.00	
	ii)Anggaran Tolakan Kos Sara Hidup		
	1) Diri Sendiri (RM14.12 X 195hari)	2753.40	
	2) Isteri (RM8.47 X 195 hari)	1651.65	
	3) Anak ¹⁶⁷ (RM3.38 X195 hari)	659.10	
	4) Perubatan	140.00	
	5) Ibu Bapa	300.00	
	6) Hutang Dharuriyyat		
	a) Rumah		
	b) Kenderaan	200.00	
C)	Jumlah Perbelanjaan	3307.15	
D)	Baki		-2567.15
E)	Jumlah Zakat		-128.40
	(RM-2567.15 X 5%)		

Sumber : Dibentuk daripada Majlis Agama Islam dan Adat Istiadat Melayu Perlis (2001), *Panduan Mengeluarkan Zakat*, Kangar: Majlis Agama Islam dan Adat Istiadat Melayu Perlis, h. 22.

¹⁶⁶ Temubual bersama Encik Khairi Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat, Baitulmal, Majlis Agama Islam dan Adat Istiadat Melayu Perlis pada 19 Januari 2010 jam 10.00 pagi bertempat di Bangunan Baitulmal, MAIPs; Majlis Agama Islam dan Adat Istiadat Melayu Perlis (2001), *Panduan Mengeluarkan Zakat*, Kangar: Majlis Agama Islam dan Adat Istiadat Melayu Perlis, hh. 20-22.

¹⁶⁷ Pengiraan adalah bagi 1 orang anak.

Setelah mengambil kira tolakan kos tanaman dan kos sara hidup, ternyata pendapatan petani dengan kadar cukup nisab 0.9867 tan menunjukkan mereka terlepas daripada dikenakan zakat tanaman seperti yang ditunjukkan di jadual 5.11. Jenis kos-kos yang dinyatakan merupakan kos-kos asas yang boleh diambilkira dalam pengiraan zakat. Setelah kos pengeluaran tanaman dan kos perbelanjaan sara hidup diambilkira, pendapatan petani menjadi -RM2567.15.

Di bawah Rancangan Malaysia Ke Sembilan, RMK9 (2006–2010), kerajaan telah menetapkan sasaran pengeluaran padi negara agar mencapai sasaran 90 peratus tahap sara diri dan meningkatkan pendapatan pengusaha tanaman padi melalui aktiviti penanaman padi. Walau bagaimanapun, kenaikan kos pengeluaran di antara 37 peratus hingga 46 peratus semusim akibat kenaikan harga baja, racun, diesel, peralatan dan sebagainya telah menyebabkan pendapatan bersih pengusaha padi merosot sebanyak 20 peratus hingga 40 peratus dan ini turut memberi impak kepada bukan sahaja petani malah kepada pencapaian matlamat kerajaan¹⁶⁸.


Jadual 5.12: Perbandingan Amalan Kaedah Pengiraan Zakat Tanaman Dengan Tolakan Kos dalam Kalangan Petani di Negeri Selangor dan Perlis

Negeri	Kos Pengeluaran Tanaman Sahaja		Kos Sara Hidup Sahaja		Kos Pengeluaran Tanaman dan Kos Sara Hidup		Tidak Mengambikira Sebarang Kos	
	Frekuensi	(%)	Frekuensi	(%)	Frekuensi	(%)	Frekuensi	(%)
Selangor	22	14.97	0	0	17	11.56	108	73.47
Perlis	0	0	0	0	13	17.57	61	82.43

Sumber: Kajian Sampel pada April-Jun 2010

Carta 5.8: Peratus Perbandingan Amalan Kaedah Pengiraan Zakat Tanaman Dengan Tolakan Kos dalam Kalangan Petani di Negeri Selangor dan Perlis

¹⁶⁸ Bahagian Perniagaantani Lembaga Pertubuhan Peladang (2009), *Manual Pelaksanaan Insentif Pengeluaran Padi (Bantuan Input Kerajaan)*, Kuala Lumpur: Kementerian Pertanian Malaysia, h. 1.



Sumber: Kajian Sampel pada April-Jun 2010

Kajian mendapati tiada keseragaman kaedah pengiraan zakat tanaman yang diamalkan dalam kalangan petani apabila pembayaran zakat tanaman dilakukan. Hal demikian kerana terdapat petani yang mengambikira tolakan kos pengeluaran tanaman sahaja atau menolak kedua-dua kos tanaman dan sara hidup ataupun tidak mengambikira sebarang tolakan kos pengeluaran tanaman dan sara hidup iaitu mengira zakat tanaman berdasarkan hasil kasar.

Jadual 5.12 dan Carta 5.8 menunjukkan seramai 169 orang responden tidak mengambikira tolakan kos pengeluaran tanaman dan sara hidup dalam pengiraan zakat tanaman mereka. Seramai 22 orang (14.97%) responden dari Selangor menolak kos perbelanjaan pengeluaran tanaman sahaja dalam pengiraan zakat tanaman. Manakala seramai 17 orang (11.56%) responden dari Selangor dan 13 orang (17.57%) responden dari Perlis mengambilkira kedua-dua kos iaitu kos pengeluaran tanaman dan kos perbelanjaan sara hidup sebelum membayar zakat.

Keperluan untuk mengambilkira tolakan kos pengeluaran tanaman dan kos sara hidup dalam pengiraan zakat tanaman adalah disebabkan berlakunya peningkatan perbelanjaan ke atas kos-kos modal pengeluaran tanaman dan perbelanjaan sara hidup dan secara langsung memberi kesan kepada pengiraan zakat yang mesti dibayar.

Ketidakteraturan kaedah pengiraan juga berlaku didapati kerana kurangnya pendedahan maklumat di kalangan responden.

5.3.4 Perbandingan Amalan Pengiraan Subsidi Harga Padi dalam Pengiraan Zakat Tanaman

Jadual 5.13: Perbandingan Penetapan Pengiraan Subsidi Harga Padi dalam Pengiraan Zakat Tanaman oleh Institusi Zakat di Negeri Selangor dan Perlis

Negeri	Mengambilkira Subsidi Harga Padi	Tidak Mengambilkira Subsidi Harga Padi
Selangor	√	
Perlis		√

(√): Ya

- Sumber:
- Temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor pada 08 Februari 2010 jam 10.00 pagi di Menara Selatan, Lembaga Zakat Selangor, Shah Alam.
 - Temubual bersama Encik Khairi Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat, Baitulmal, Majlis Agama Islam dan Adat Istiadat Melayu Perlis pada 19 Januari 2010 jam 10.00 pagi di Bangunan Baitulmal, MAIPs.

Setiap hasil padi yang dijual sama ada kepada kilang BERNAS, Pertubuhan Peladang ataupun kilang swasta akan menerima subsidi harga padi mengikut kadar semasa¹⁶⁹. Berdasarkan jadual 5.13, menurut pihak Lembaga Zakat Selangor, subsidi harga padi yang diterima oleh para petani dikenakan zakat *al-māl mustafad* dengan kadar bayaran sebanyak 2.5 peratus. Berbeza pula dengan negeri Perlis, hasil subsidi harga padi yang diterima tidak dikenakan bayaran zakat kerana ia dilihat merupakan insentif yang diberikan kepada petani dan juga galakan kepada untuk meningkatkan produktiviti pengeluaran padi dan seterusnya dapat menambah hasil jualan padi mereka.

Manakala dari sudut amalannya pula, terdapat petani di Selangor yang tidak menjual hasil padi mereka kepada mana-mana pihak atau kilang jualan padi seperti

¹⁶⁹ Kadar Subsidi Harga Padi di Malaysia ialah RM248.10 bagi tahun semasa.


yang dijelaskan di dalam jadual 5.14. Ini menyebabkan hasil subsidi harga padi tidak akan diperolehi. Ia berkemungkinan kerana hasil pengeluaran padi adalah sedikit dan hanya untuk tujuan sara diri.

Jadual 5.14: Perbandingan Amalan Penerimaan Subsidi Harga Padi dalam Kalangan Petani di Negeri Selangor dan Perlis

Penerimaan Subsidi Harga Padi	Selangor		Perlis	
	Frekuensi	Peratus	Frekuensi	Peratus
Ya	134	91.2	74	100.0
Tidak	13	8.8	0	0.0
Jumlah	147	100.0	74	100.0

Sumber: Kajian Sampel pada April-Jun 2010

Carta 5.9: Peratus Perbandingan Amalan Penerimaan Subsidi Harga Padi dalam Kalangan Petani di Negeri Selangor dan Perlis



Sumber: Kajian Sampel pada April-Jun 2010

Jadual 5.14 dan carta 5.9 menunjukkan seramai 134 orang (91.2%) responden di Selangor dan keseluruhan responden iaitu seramai 74 orang (100%) responden di Perlis menjual hasil padi dan menerima subsidi harga padi mengikut jumlah tan yang dijual. Manakala seramai 13 orang (8.8%) responden di Selangor pula tidak menerima subsidi harga padi kerana tidak menjual hasil padi mereka kepada mana-mana pihak atau kilang.

Manakala dari sudut kaedah pembayaran zakat ke atas subsidi harga padi pula, jadual 5.15 dan carta 5.10 menunjukkan seramai 76 orang (56.7%) responden di


Selangor dan 68 orang (91.9%) responden di Perlis mengira zakat dengan mengambilkira hasil pendapatan yang diperolehi daripada hasil jualan padi bersama-sama dengan hasil subsidi harga padi yang diperolehi. Demikian pula seramai 58 orang (43.3%) responden di Selangor dan 6 orang (8.1%) responden di Perlis mengira zakat ke atas subsidi harga padi berasingan daripada pendapatan hasil jualan padi.

Jadual 5.15: Perbandingan Amalan Pengambilkiraan Subsidi Harga Padi dalam Pengiraan Zakat Tanaman dalam Kalangan Petani di Negeri Selangor dan Perlis

Negeri	Kaedah Bayar Zakat Subsidi Harga Padi				Kadar Zakat Subsidi Harga Padi									
	Bersama jumlah hasil padi		Asing dari jumlah hasil padi		5%		7.5%		10%		2.5%		Tak berkenaan	
	Frekuensi	(%)	Frekuensi	(%)	Frekuensi	(%)	Frekuensi	(%)	Frekuensi	(%)	Frekuensi	(%)	Frekuensi	(%)
Selangor	76	56.7	58	43.3	99	73.9	2	1.5	4	3.0	2	17.2	6	4.5
Perlis	68	91.9	6	8.1	3	4.1	0	0.0	6	89.2	0	0.0	5	6.8


Sumber: Kajian Sampel pada April-Jun 2010

Carta 5.10: Peratus Perbandingan Amalan Kaedah Pembayaran Subsidi Harga Padi dalam Pengiraan Zakat Tanaman dalam Kalangan Petani di Negeri Selangor dan Perlis



Sumber: Kajian Sampel pada April-Jun 2010

Carta 5.11: Peratus Perbandingan Amalan Penentuan Kadar Bayaran Zakat Ke atas Subsidi Harga Padi dalam Pengiraan Zakat Tanaman di Kalangan Petani di Negeri Selangor dan Perlis



Sumber: Kajian Sampel pada April-Jun 2010

Begitu pula dengan kadar bayaran zakat yang dibayar untuk hasil subsidi harga padi. Berdasarkan jadual 5.15 dan carta 5.11, majoriti petani di Selangor iaitu seramai 99 orang (73.9%) responden di Selangor membayar zakat ke atas subsidi harga padi dengan kadar 5 peratus. Manakala di Perlis pula seramai 66 orang (89.2%) responden membayar zakat ke atas subsidi harga padi dengan kadar 10 peratus. Seramai 2 orang (1.5%) responden di Selangor dan tiada responden di Perlis yang membayar zakat subsidi harga padi dengan kadar 7.5 pertus. Seterusnya seramai 4 orang (3%) dan 23 orang (17.2%) responden di Selangor pula masing-masing membayar zakat subsidi harga padi dengan kadar 10 peratus dan 2.5 peratus. Manakala 11 orang (11.3%) responden di Selangor dan Perlis menyatakan kadar tidak berkenaan.

5.3.5 Perbandingan Amalan Kadar Peratus Bayaran Zakat Tanaman

Kadar zakat yang berbeza adalah merujuk kepada jenis pegairan yang digunakan. Bagi negeri Selangor dan Perlis kadar zakat tanaman yang ditetapkan oleh

Lembaga Zakat Selangor dan Majlis Agama Islam dan Adat Istiadat Melayu Perlis ialah 5 peratus.

Jadual 5.16: Penetapan Kadar Pembayaran Zakat Tanaman Oleh Institusi Zakat di Negeri Selangor dan Perlis

Negeri	Kadar Zakat Tanaman		
	5%	7.5%	10%
Selangor	√	X	X
Perlis	√	X	X

(√): Kadar yang ditetapkan

- Sumber:
- Temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor pada 08 Februari 2010 jam 10.00 pagi di Menara Selatan, Lembaga Zakat Selangor, Shah Alam.
 - Temubual bersama Encik Khairi Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat, Baitulmal, Majlis Agama Islam dan Adat Istiadat Melayu Perlis pada 19 Januari 2010 jam 10.00 pagi di Bangunan Baitulmal, MAIPs.
 - Majlis Agama Islam dan Adat Istiadat Melayu Perlis (2001), *Panduan Mengeluarkan Zakat*, Kangar: Majlis Agama Islam dan Adat Istiadat Melayu Perlis, h.18.


Jadual 5.17: Perbandingan Amalan Kadar Bayaran Zakat Tanaman dalam Kalangan Petani di Negeri Selangor dan Perlis

Kadar Zakat	Selangor		Perlis		Jumlah	
	Frekuensi	Peratus	Frekuensi	Peratus	Frekuensi	Peratus
5%	136	92.5	6	8.1	142	64.3
7.5%	5	3.4	0	0	5	2.3
10%	6	4.1	68	91.9	74	33.5
Jumlah	147	100.0	74	100.0	221	100.0

Sumber Kajian Sampel pada April-Jun 2010

:

Carta 5.12: Peratus Perbandingan Amalan Kadar Bayaran Zakat Tanaman dalam Kalangan Petani di Negeri Selangor dan Perlis



Sumber: Kajian Sampel pada April-Jun 2010

Berdasarkan jadual 5.17 dan carta 5.12, seramai 136 orang (92.5%) daripada keseluruhan responden di Selangor membayar zakat tanaman dengan kadar 5 peratus. Kadar ini digunakan kerana di dapati petani-petani menggunakan pengangkutan air atau mengairi sawah dengan menggunakan jentera pengepam air. Selebihnya seramai 11 orang (7.5%) responden membayar zakat dengan kadar 10 peratus atau 7.5 peratus. Berbanding pula dengan negeri Perlis seramai 68 orang (91.9%) responden membayar zakat dengan kadar 10 peratus berbanding kadar zakat 5 peratus sepertimana yang telah ditetapkan oleh MAIPs iaitu hanya seramai 6 orang (8.1%) responden membayar zakat dengan kadar 5 peratus dan tiada responden yang membayar zakat dengan kadar 7.5 peratus.

5.3.6 Perbandingan Perolehan Hasil Pendapatan dalam Kalangan Petani

Pendapatan petani adalah merujuk kepada hasil jualan padi, subsidi harga padi yang diterima dan insentif-insentif kewangan lain yang diperolehi melalui aktiviti-aktiviti perusahaan sawah padi.

Jadual 5.18: Contoh Pengiraan Hasil Pendapatan Minimum Petani Berdasarkan Kadar Cukup Nisab 5 *Ausuq* di Selangor dan Perlis

Negeri	A	B	C	D	E
	Hasil Padi (Dengan Kadar Cukup Nisab)	Hasil Minimum Jualan Padi (750) ¹⁷⁰ (A)	Hasil Subsidi Harga Padi (248.10)(A)	Insentif Pelbagai ¹⁷¹	Jumlah Pendapatan (B+C+D)
	Tan	RM	RM	RM	RM
Selangor	1.306	979.50	324.00	723.00	2026.50
Perlis	0.9867	740.03	244.80	723.00	1707.80

Sumber: a) Kementerian Pertanian dan Industri Asas Tani Malaysia, http://www.moa.gov.my/web/guest/insentif_padi_dan_beras, 15 April 2010.

Di Malaysia, harga minimum jualan padi semasa ialah RM750.00 bagi setiap tan dan hasil padi yang dijual kepada pihak BERNAS atau Pertubuhan Peladang Kawasan (PPK) akan menerima subsidi harga padi RM 248.10 setiap tan bagi tahun semasa. Namun begitu, di Selangor harga sebenar jualan padi ialah di sekitar RM1000.00¹⁷². Ini kerana hasil jualan padi bergantung kepada jumlah hasil pengeluaran padi yang diperolehi dan harga jualan padi pada musim tersebut.

Berdasarkan kepada kadar hasil cukup nisab 5 *ausuq* seperti yang dinyatakan di dalam jadual 5.18, sekurang-kurangnya petani akan memperolehi hasil minimum jualan padi sebanyak RM979.50 di Selangor dan RM740.03 di Perlis. Setelah mengambilkira hasil subsidi harga padi dan insentif pelbagai yang diterima, sekurang-kurangnya petani mampu memperoleh pendapatan sebanyak RM2026.50 bagi para petani di Selangor dan RM1707.80 bagi para petani di Perlis. Walaubagaimanapun, jumlah pendapatan

¹⁷⁰ Kementerian Pertanian dan Industri Asas Tani Malaysia, http://www.moa.gov.my/web/guest/akt_menteri 17, 18 Oktober 2010.

¹⁷¹ Insentif pelbagai yang dinyatakan meliputi insentif baja tambahan RM140/ha/semusim, bantuan upah bajak RM100/ha/semusim, kawalan makhluk perosak RM200/ha/semusim dan Kapur RM850/ha (3 tahun sekali).

¹⁷² Kementerian Dalam Negeri Koperasi dan Kepenggunaan, http://www.kpdnkk.gov.my/index.php?option=com_content&task=view&id=12517&Itemid=570, 15 April 2010.

yang diperolehi adalah jumlah hasil bagi satu musim dan satu musim penanaman padi mengambil masa enam bulan.

Menurut Lembaga Kemajuan Pertanian Muda (MADA), selaras dengan kemajuan dan peningkatan dalam teknologi penyelidikan bidang tanaman padi, pengeluaran padi mampu mencapai hasil antara 5.6 hingga 7 tan per hektar¹⁷³ melalui pelaksanaan Projek Tanaman Padi 10 tan sehektar atau lebih dikenali sebagai Projek 10 tan yang telah diperkenalkan oleh Kementerian Pertanian dengan pemantauan dari Bahagian Industri Padi dan Beras. Projek ini merupakan kelangsungan daripada pelaksanaan projek yang telah dimulakan semenjak musim ke-2 pada tahun 2001. Ia dilaksanakan selaras dengan sasaran yang telah ditetapkan di dalam Pelan Induk BOT (*Balance of Trade*) MADA¹⁷⁴.

Walaupun begitu, bagi mencapai matamat ini usaha yang tinggi perlu dipertingkatkan lagi kerana masih terdapat petani-petani kecil yang memperolehi hasil pengeluaran di bawah jumlah sasaran pelan Projek 10 Tan.

Jadual 5.19: Perbandingan Hasil Pengeluaran Padi Bagi Musim 2009/2010 dalam Kalangan Petani di Negeri Selangor dan Perlis


Julat Hasil Pengeluaran Padi (tan)	Selangor		Perlis		Keseluruhan	
	Frekuensi	Peratus	Frekuensi	Peratus	Frekuensi	Peratus
1 – 5	46	31.29	40	54.05	86	38.91
6 – 10	71	48.30	28	37.84	99	44.80
11 – 15	14	9.52	1	1.35	15	6.79
16 – 20	8	5.44	2	2.70	10	4.52
21 – 25	2	1.36	2	2.70	4	1.81
25 – 30	3	2.04	0	0.0	3	1.36
> 30 tan	3	2.04	1	1.35	4	1.81

Sumber: Kajian Sampel pada April-Jun 2010

¹⁷³Perbadanan Kemajuan Pertanian Selangor, <http://pertanian.selangor.gov.my/templates/>, 14 April 2010.

¹⁷⁴Lembaga Kemajuan Pertanian Muda, <http://www.mada.gov.my/projekpadi10tan>, 14 April 2010.

Carta 5.13: Peratus Perbandingan Hasil Pengeluaran Padi Bagi Musim 2009/2010 dalam Kalangan Petani di Negeri Selangor dan Perlis



Sumber: Kajian Sampel pada April-Jun 2010

Berdasarkan jadual 5.19 dan carta 5.13, petani Selangor dilihat lebih mampu mencapai sasaran untuk memperolehi hasil pengeluaran padi melebihi 6 tan dan ke atas berbanding dengan petani di negeri Perlis. Seramai 99 orang (44.8%) responden iaitu 71 orang (48.3%) responden dari Selangor dan 28 orang (37.84%) responden dari Perlis memperolehi hasil padi dalam lingkungan 6 hingga 10 tan dalam tempoh satu musim tanaman padi. Seramai 33 orang (20.4%) responden di Selangor dan hanya seramai 6 orang (8.1%) responden di Perlis pula memperolehi hasil pengeluaran padi dalam lingkungan 11 tan hingga 30 tan dan ke atas. Manakala 46 orang (31.29%) responden di Selangor dan 40 orang (54.05) responden di Perlis memperolehi hasil pengeluaran padi pada kadar di antara 1 tan hingga 5 tan sahaja.

Hasil padi yang diperolehi akan dijual sama ada kepada pihak BERNAS, Pertubuhan Peladang Kawasan (PPK) atau ke kilang swasta.


Jadual 5.20: Perbandingan Amalan Penjualan Hasil Padi Oleh Petani di Negeri Selangor dan Perlis

Negeri	Kilang Bernas/PPK Sahaja		Kilang Swasta Sahaja		Kilang Bernas/PPK dan Kilang Swasta	
	Frekuensi	Peratus	Frekuensi	Peratus	Frekuensi	Peratus
Selangor	58	39.46	53	36.05	36	24.49
Perlis	59	79.73	6	8.11	9	12.16
Jumlah	117	52.94	59	26.67	45	20.36

Sumber Kajian Sampel pada April-Jun 2010


:

Carta 5.14: Peratus Perbandingan Amalan Penjualan Hasil Padi Oleh Petani di Negeri Selangor dan Perlis



Sumber: Kajian Sampel pada April-Jun 2010

Carta 5.15: Peratus Keseluruhan Amalan Penjualan Hasil Padi Oleh Petani di Negeri Selangor dan Perlis



Sumber: Kajian Sampel pada April-Jun 2010

Seramai 58 orang (39.46%) responden di Selangor dan 59 orang (79.73%) responden di Perlis menjual hasil padi mereka ke kilang BERNAS atau PPK. Seramai


53 orang (36.05%) responden Selangor dan 60 orang (8.11%) responden Perlis pula menjual hasil padi mereka terus ke kilang swasta. Manakala seramai 36 orang (24.49%) responden dari Selangor dan 9 orang (12.16%) responden dari Perlis menjual hasil padi mereka kepada kedua-dua pihak iaitu ke kilang BERNAS/PPK ataupun ke kilang swasta. Walaupun terdapat perbezaan saluran jualan hasil padi dalam kalangan petani di negeri Selangor dan Perlis, carta 5.14 dan 5.15 menunjukkan majoriti responden menjual hasil padi mereka terus ke kilang BERNAS atau PPK. Ini mungkin kerana hasil padi yang dijual ke kilang BERNAS atau pihak PPK akan menerima manfaat subsidi harga padi bagi setiap tan padi yang dijual.

Jadual 5.21: Perbandingan Hasil Pendapatan Petani di Selangor dan Perlis Berdasarkan Julat Hasil Pendapatan Bagi Musim Tahun 2009/2010

Julat Hasil Pendapatan (RM)	Selangor		Perlis		Jumlah	
	Bilangan	Peratus	Bilangan	Peratus	Bilangan	Peratus
1000-5000	22	15.1	29	39.2	51	23.1
5001-10000	63	42.5	32	43.2	95	43.0
10001-15000	34	23.3	7	9.5	41	18.6
15001-20000	11	7.5	1	1.4	12	5.4
20001-25000	8	5.3	2	2.7	10	4.5
25001-30000	1	0.7	2	2.7	3	1.4
>30000	8	5.5	1	1.4	9	4.1

Sumber: Kajian Sampel pada April-Jun 2010

Carta 5.16: Peratus Perbandingan Hasil Pendapatan Petani di Selangor dan Perlis Berdasarkan Julat Hasil Pendapatan Bagi Musim Tahun 2009/2010



Sumber: Kajian Sampel pada April-Jun 2010

Justeru itu, berdasarkan hasil pengeluaran padi yang diperolehi oleh setiap responden, kajian mendapati seramai 63 orang (42.5%) responden di Selangor dan 32 orang (43.2%) responden dari Perlis memperolehi hasil pendapatan jualan padi dalam lingkungan di antara RM5001.00 hingga RM10000.00. Manakala 22 orang (15.1%) dan 29 orang (39.2%) responden di Selangor dan Perlis menerima hasil pendapatan jualan padi di antara RM1000.00 hingga RM5000.00. Seramai 62 orang (42.3%) responden di Selangor dan 13 orang (17.7%) responden di Perlis pula memperoleh hasil pendapatan daripada jualan padi di antara RM100001.00 sehingga melebihi RM30000.00 seperti yang ditunjukkan di dalam jadual 5.21 dan carta 5.16.

5.4 Analisis Perbandingan Amalan Kaedah Saluran Pembayaran Zakat Tanaman

5.4.1 Saluran Penerima Pembayaran Zakat Tanaman

Tuntutan melaksanakan agihan harta-harta zakat wajib diedarkan kepada golongan asnaf lapan bagi memastikan perbelanjaan asas sosial dapat dilaksanakan. Ini kerana zakat turut merupakan alat yang berperanan secara langsung kepada asas jaminan sosial. Konsep asas jaminan sosial dalam Islam adalah untuk menyediakan keperluan asas bagi memenuhi keperluan ekonomi masyarakat dalam bentuk dan

ukuran yang paling minimum dan menyeluruh kepada semua individu. Oleh itu, pihak atau badan tertentu bertanggungjawab memastikan agar agihan zakat dapat dilaksanakan selari dengan tuntutan syarak.


Pembayaran zakat boleh dilakukan melalui dua cara iaitu sama ada dibayar secara rasmi melalui amil yang dilantik atau dibayar ke kaunter-kaunter institusi zakat ataupun dibayar secara tidak rasmi seperti pembayaran terus diserahkan kepada asnaf-asnaf yang dirasakan layak menerima zakat.

Jadual 5.22: Perbandingan Amalan Saluran Pembayaran Zakat Tanaman dalam Kalangan Petani di Selangor dan Perlis

Saluran Pembayaran	Selangor		Perlis	
	Bilangan	Peratus	Bilangan	Peratus
Terus kepada asnaf	76	51.7	50	67.6
Amil	89	60.5	51	68.9
Imam Kariah	12	8.2	12	16.2
Guru Agama	4	2.7	5	6.8
Kaunter Rasmi Zakat	57	38.8	9	12.2
Kaunter di Institusi Perbankan	8	5.4	0	0
Ketua Kampung	4	2.7	0	0

Sumber: Kajian Sampel pada April-Jun 2010

Carta 5.17: Peratus Perbandingan Amalan Saluran Pembayaran Zakat Tanaman dalam Kalangan Petani di Selangor dan Perlis



Sumber: Kajian Sampel pada April-Jun 2010

Merujuk kepada jadual 5.22 dan carta 5.17, tumpuan pembayaran zakat tanaman yang menjadi amalan dalam kalangan petani di negeri Selangor dan Perlis disalurkan melalui amil dan terus kepada asnaf berbanding melalui kaunter institusi zakat, imam kariah, guru agama, kaunter di institusi perbankan dan ketua kampung.

Seramai 89 orang (60.5%) responden di Selangor dan 51 orang (68.9%) responden di negeri Perlis menyalurkan pembayaran zakat tanaman mereka melalui amil. Manakala seramai 76 orang (51.7%) responden Selangor dan 50 orang (67.6%) responden dari Perlis membayar zakat tanaman terus kepada asnaf yang dirasakan layak menerima zakat. Jadual 5.22 dan Carta 5.16 menunjukkan, walaupun terdapat cawangan kaunter-kaunter zakat yang dibuka di sekitar kawasan di negeri tersebut, peratus bilangan petani di Selangor lebih tinggi yang membayar zakat tanaman mereka kepada pihak institusi zakat melalui kaunter-kaunter zakat berbanding dengan petani-petani di negeri Perlis dengan kadar perbezaan 26.6 peratus. Manakala hanya di sekitar 2 peratus hingga 16 peratus yang melibatkan seramai 111 responden dalam kalangan petani di Selangor dan Perlis yang menyalurkan pembayaran zakat tanaman mereka melalui imam kariah, guru agama, kaunter di institusi perbankan dan ketua kampung.

Asnaf fakir dan miskin adalah golongan yang mendapat keutamaan dalam pengagihan harta daripada sumber zakat. Begitu juga dengan asnaf-asnaf yang lain yang mana kesemuanya turut berhak mendapat bahagian daripada sumber agihan zakat. Ini kerana secara jelas di dalam al-Quran telah menyatakan bahawa zakat mesti diperuntukkan kepada lapan asnaf iaitu fakir, miskin, amil, mualaf, *riqab*, *ghārimīn*, *fī sabīlillah* dan *ibn sabīl*.

Jadual 5.23: Sebab Bayaran Zakat Tanaman Disalurkan Terus Kepada Asnaf Oleh Petani di Selangor dan Perlis

SEBAB MEMBAYAR ZAKAT PADI TERUS KEPADA ASNAF	Frekuensi	Peratus
Sukar untuk pergi ke pejabat zakat atau kaunter rasmi zakat	12	5.4
Telah melaksanakan kewajipan berzakat	76	34.4
Dapat mengenalpasti orang yang layak terima zakat secara sendiri	95	42.5
Tidak tahu di mana pejabat/institusi zakat	4	1.8
lain-lain	5	2.3

Sumber: Kajian Sampel pada April-Jun 2010

Berdasarkan jadual 5.23, seramai 95 orang (42.5%) responden merangkumi petani di Selangor dan Perlis membayar zakat tanaman dengan menyalurkan pembayaran zakat terus kepada asnaf kerana mereka yakin dapat mengenalpasti sendiri orang yang layak menerima sumber dana agihan zakat. Selain itu, 75 orang (34.4%) responden menyatakan bahawa zakat disalurkan terus kepada asnaf kerana apa yang menjadi kepentingan kepada mereka adalah tanggungjawab melaksanakan pembayaran zakat terlaksana. Manakala 12 orang (5.4%) responden pula menyatakan wujudnya kesukaran untuk pergi ke pejabat atau kaunter-kaunter zakat menyebabkan pembayaran zakat mudah dilakukan dengan terus menyalurkan pembayaran zakat tanaman kepada asnaf. Selebihnya pula iaitu seramai 9 orang (4.1%) responden membayar zakat terus kepada asnaf kerana tidak tahu dimana terletak pejabat zakat dan sebagainya.

Walaupun bagaimanapun, apa yang jelas di sini ialah usaha mengawasi dan mengatasi konsep agihan zakat perlu mendapat perhatian yang khusus. Begitu juga tumpuan terhadap usaha untuk meningkatkan taraf hidup dalam masyarakat termasuk golongan petani harus menjadi tanggungjawab bersama daripada semua pihak sama ada institusi zakat, pemerintah atau masyarakat sendiri.

Mengenai kadar bahagian kepada setiap asnaf adalah perlu mengikut kadar yang mencukupi untuk diri dan tanggungannya mengikut keadaan masa, tempat dan taraf

hidup semasa. Ini bermakna hak fakir dan miskin itu hendaklah diberi dengan kadar yang sesuai dan mencukupi untuk diri dan tanggungannya selama mana ia bersifat sebagai fakir dan miskin.

Kadar keperluan yang dimaksudkan ialah mencukupi untuk keperluan makanan, pakaian, tempat tinggal dan lain-lain keperluan asas seperti rawatan perubatan untuk diri dan tanggungan dengan kadar minimum. Mengenai pemberian kepada fakir dan miskin ianya boleh diberikan dalam dua bentuk iaitu pertama; pemberian bantuan sara hidup kepada yang tidak mampu bekerja dan kedua; bentuk modal kepada yang mampu bekerja mengikut bidang dan usahanya.

5.4.2 Sistem dan Infrastruktur Pembayaran Zakat Tanaman

Walaupun tiada nas qat'i yang mewajibkan zakat dibayar kepada amil yang dilantik atau terus kepada badan institusi zakat, namun penulis melihat ia adalah satu langkah positif dalam mengawasi keadilan dan perkembangan kutipan dan agihan zakat. Pelbagai usaha dan langkah-langkah institusi bagi menggalakkan petani-petani khususnya membayar zakat terus kepada pihak rasmi sama ada kepada amil yang telah dilantik atau institusi zakat negeri. Antara usaha yang dilakukan oleh institusi zakat termasuklah dengan menyediakan pelbagai alternatif infrastruktur pembayaran dan langkah memperkasa pengurusan kutipan zakat.

Jadual 5.24: Kemudahan-Kemudahan dalam Sistem Pembayaran Zakat

Negeri	Kemudahan Sistem Pembayaran Zakat
Selangor	a) Membuka sebanyak 23 kaunter seluruh negeri Selangor b) Mempelbagaikan perkhidmatan dan kemudahan pembayaran seperti: <ul style="list-style-type: none"> • Skim Potongan Gaji • Perbankan Internet • Kaunter LZS • E-Zakat Pay • Mesin ATM • Terminal One Pay • Pejabat Pos • Kaunter Bank • Kad Kredit • Kawanku Phone Bank • SMS • Kiosk Maju Masjid
Perlis	a) Menjadi tanggungjawab amil memberi maklumat kepada petani-petani b) Mempelbagaikan perkhidmatan yang memberikan kemudahan seperti: <ul style="list-style-type: none"> • Skim Potongan Gaji • Kaunter Zakat Pembayaran Online

Sumber: a) Temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor pada 08 Februari 2010 jam 10.00 pagi bertempat di Menara Selatan, Lembaga Zakat Selangor, Shah Alam.

b) Temubual bersama Encik Khairi Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat, Baitulmal, Majlis Agama Islam dan Adat Istiadat Melayu Perlis pada 19 Januari 2010 jam 10.00 pagi bertempat di Bangunan Baitulmal, MAIPs.

Di sekitar negeri Selangor sebanyak 23 kaunter dibuka bagi memudahkan masyarakat membuat pembayaran dan berurusan dalam segala hal berkaitan zakat. Selain menyediakan kaunter di institusi zakat, pelbagai perkhidmatan lain turut disediakan oleh Lembaga Zakat Selangor dan Majlis Agama Islam Perlis (MAIPs) seperti skim potongan gaji, perbankan internet, *e-Zakat Pay*, Mesin ATM, Terminal One Pay, Pejabat Pos, Kaunter Perbankan, bayaran melalui kad kredit, kawanku phone


bank, Sistem Pesanan Ringkas (SMS) dan Kiosk masjid¹⁷⁵ seperti yang ditunjukkan di dalam jadual 5.24.

Jadual 5.25: Persepsi Responden Di Negeri Selangor dan Perlis Mengenai Kemudahan Sistem Saluran Pembayaran Zakat Tanaman

Sistem Pembayaran Zakat Tanaman	Persepsi Responden			
	Selangor		Perlis	
	Frekuensi	Peratus	Frekuensi	Peratus
Terus Kepada Asnaf	66	44.9	47	63.5
Amil	111	75.5	57	77.0
Skim Potongan Gaji	9	6.1	4	5.4
Kaunter Institusi Zakat	60	40.8	18	24.3
Bayaran Melalui Internet/Online	0	0	0	0
Kaunter Institusi Perbankan	8	5.4	1	1.4
Pejabat Pos	1	0.7	0	0
Mesin Kiosk	3	2.0	0	0
Mesin ATM	5	3.4	0	0

Sumber: Kajian Sampel pada April-Jun 2010

Carta 5.18: Peratus Persepsi Responden Di Negeri Selangor dan Perlis Mengenai Kemudahan Sistem Saluran Pembayaran Zakat Tanaman



Sumber: Kajian Sampel pada April-Jun 2010

¹⁷⁵ Temubual bersama En. Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor pada 08 Februari 2010 jam 10.00 pagi bertempat di Menara Selatan, Lembaga Zakat Selangor, Shah Alam; Temubual bersama En Khairi Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat, Baitulmal, Majlis Agama Islam dan Adat Istiadat Melayu Perlis pada 19 Januari 2010 jam 10.00 pagi bertempat di Bangunan Baitulmal, MAIPs.

Majoriti petani iaitu seramai 111 orang (75.5%) responden di Selangor dan 57 orang (77.0%) responden di Perlis bersetuju pembayaran zakat disalurkan melalui amil. Begitu pula dengan persepsi petani terhadap kemudahan membayar zakat tanaman melalui kaunter-kaunter institusi zakat adalah seramai 60 orang (40.8%) responden dari Selangor dan 18 orang (24.3%) responden dari Perlis. Namun begitu, seramai 66 orang (44.9%) dan 47 orang (63.5%) responden di Selangor dan Perlis bersetuju zakat dibayar terus kepada asnaf yang dirasakan layak menerima zakat lebih mudah dilakukan. Terdapat 9 orang (6.1%) responden Selangor dan 4 orang (5.4%) responden di Perlis pula bersetuju zakat tanaman dibayar melalui potongan gaji. Hal demikian mungkin kerana responden yang terlibat adalah petani yang mengusahakan sawah padi secara komersial yang memberikan hasil pendapatan jualan padi yang tinggi dan zakat mudah dibayar melalui potongan gaji.

5.5 Analisis Sistem Penyampaian Maklumat Berkaitan Zakat Tanaman

Selain menyediakan infrastruktur dan kemudahan dalam sistem pembayaran zakat, pelbagai langkah dan galakan lain turut dilaksanakan seperti mengadakan ceramah, forum, taklimat, konvensyen, seminar, kolokium, kursus dan bengkel, Kempen Bulan Zakat Negeri, kempen kesedaran zakat, promosi melalui media cetak dan elektronik, aktiviti kesetiaan pelanggan, pameran zakat dan skuad dakwah zakat (SDZ)¹⁷⁶.

¹⁷⁶ *Ibid.*

Jadual 5.26: Program-Program Zakat yang Dijalankan Oleh Institusi Zakat di Negeri Selangor dan Perlis

Negeri	Program Zakat
Selangor	<ul style="list-style-type: none"> • Ceramah, forum dan taklimat penerangan. • Konvensyen, seminar, kolokium, kursus dan Bengkel. • Kempen Bulan Zakat Negeri Selangor. • Promosi dan Kempen melalui Media cetak dan elektronik. • Kempen kesedaran zakat pertanian. • Operasi masjid (khutbah). • Aktiviti kesetiaan pelanggan. • Skuad Dakwah Zakat (SDZ). • Pameran.
Perlis	<ul style="list-style-type: none"> • Bulan zakat negeri Perlis. • Ceramah, kursus, konvensyen dan seminar. • Edaran risalah dan penyebaran maklumat melalui media cetak dan elektornik.

- Sumber: a) Temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor pada 08 Februari 2010 jam 10.00 pagi bertempat di Menara Selatan, Lembaga Zakat Selangor, Shah Alam.
- b) Temubual bersama Encik Khairi Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat, Baitulmal, Majlis Agama Islam dan Adat Istiadat Melayu Perlis pada 19 Januari 2010 jam 10.00 pagi bertempat di Bangunan Baitulmal, MAIPs.

Pelbagai usaha yang berterusan perlu ditingkatkan dari semasa ke semasa agar segala makumat-makumat terkini berkaitan zakat tanaman khususnya sampai kepada pengetahuan petani.

Jadual 5.27: Perbandingan Amalan Kaedah Penerimaan Maklumat Berkaitan Zakat Tanaman dalam Kalangan Petani di Negeri Selangor dan Perlis

Kaedah Mendapatkan Maklumat	Selangor		Perlis	
	Frekuensi	(%)	Frekuensi	(%)
Amil	113	76.9	67	90.5
Akses di internet	0	0	2	2.7
Apabila ke kaunter zakat	57	38.8	13	17.6
Program yang dianjurkan oleh institusi zakat	67	45.6	40	54.1
Notis di masjid	107	72.8	59	79.7
Lain-lain	5	3.4	1	1.4

Sumber: Kajian Sampel pada April-Jun 2010

Namun menurut kajian yang dijalankan, jadual 4.28 menunjukkan keseluruhan responden di Selangor dan Perlis memperolehi maklumat-maklumat berkaitan zakat termasuk zakat tanaman melalui amil. Ia diikuti seramai 166 orang responden menerima maklumat melalui notis-notis yang terdapat di masjid-masjid, 107 orang responden menerima maklumat berkaitan melalui program-program yang dianjurkan oleh pihak institusi zakat dan seramai 80 orang responden juga mendapat maklumat apabila mereka pergi ke kaunter pejabat zakat. Oleh kerana majoriti responden terdiri dari kalangan yang berusia, maka penggunaan internet untuk mendapatkan maklumat berkaitan zakat kurang mendapat sambutan.

Oleh demikian usaha-usaha yang sedia ada perlu ditingkatkan secara berterusan dan ditambah mengikut keperluan keadaan semasa bagi memastikan matlamat semua pihak terutamanya institusi zakat berkaitan zakat keseluruhannya dapat dicapai.

Kepelbagaian langkah dan usaha dalam penyediaan kemudahan yang diperlukan ini dapat memberi peluang yang sama kepada setiap individu khususnya petani untuk melaksanakan kewajipan agama. Secara langsung kesemua kemudahan tersebut menjadi rangsangan dan daya penggerak kepada pembangunan institusi zakat khususnya.

5.6 KESIMPULAN

Hasil tanaman yang dikenakan zakat di negeri Selangor dan Perlis adalah hanya ke atas tanaman padi iaitu apabila hasil tersebut telah mencapai kadar cukup nisab 5 *ausuq*. Walaubagaimanapun, penentuan nilai kadar cukup nisab 5 *ausuq* zakat tanaman pada masa kini telah dinilai dengan menggunakan nilai timbangan metrik semasa. Justeru itu, di Selangor kadar cukup nisab zakat tanaman ialah apabila hasil padi mencapai kadar 1.306 tan dan 0.9867 tan di Perlis. Namun begitu, majoriti petani lebih selesa menentukan kadar cukup nisab zakat tanaman mereka dengan nilai Ringgit

Malaysia. Setelah itu, zakat akan dibayar dengan kadar 5 peratus bagi kedua-dua negeri selepas hasil padi dituai mengikut musim tuaian padi.

Hasil pendapatan petani adalah merujuk kepada hasil jualan padi dan subsidi beserta insentif lain yang diterima. Kajian mendapati hasil pendapatan petani di negeri Selangor dan Perlis adalah di sekitar RM1000.00 hingga RM15000.00 mengikut jumlah hasil tan padi yang diperolehi. Walaubagaimanapun, jumlah pendapatan ini adalah jumlah hasil bagi satu musim padi dan satu musim padi mengambil masa selama enam bulan.

Perkembangan ekonomi semasa telah memberi kesan kepada pelbagai aspek termasuk aspek pertanian sawah padi. Kos pengeluaran tanaman dan kos perbelanjaan sara hidup turut memberi implikasi kepada petani dalam menentukan pembayaran zakat tanaman. Di Selangor sebelum pembayaran zakat dikeluarkan hanya kos pengeluaran tanaman yang di ambilkira. Manakala di Perlis, kos pengeluaran tanaman dan kos perbelanjaan sara hidup diambilkira dalam pengiraan zakat tanaman. Setelah itu baki pendapatan dikenakan kadar bayaran zakat sebanyak 5 peratus bagi kedua-dua negeri tersebut. Namun secara amalnya tiada penyelarasan dalam kaedah pengiraan zakat tanaman dalam kalangan petani di kedua-dua negeri. Ini kerana kajian mendapati wujudnya petani yang menggunakan kaedah pengiraan yang berbeza sama ada menolak kos pengeluaran tanaman sahaja, menolak kos pengeluaran tanaman dan kos perbelanjaan sara hidup atau tidak mengambilkira sebarang kos dalam pengiraan zakat tanaman.

Berkenaan isu pengambilkiraan subsidi harga padi yang diterima oleh petani pula, Lembaga Zakat Selangor menetapkan zakat dikenakan ke atas subsidi harga padi sebagai zakat *al-māl mustafad* dengan kadar sebanyak 2.5 peratus. Manakala negeri Perlis pula tidak mengenakan zakat ke atas subsidi harga padi. Namun, oleh kerana faktor kekurangan maklumat di kalangan petani maka tidak wujud penyelarasan dan

penyeragaman di dalam pengambilkiraan *item* subsidi harga padi dalam pengiraan zakat tanaman secara amalannya.

Manakala dalam aspek saluran pembayaran zakat pula, petani lebih selesa dan memberi tumpuan saluran pembayaran zakat tanaman melalui amil atau terus membayar zakat tanaman kepada asnaf yang dirasakan layak menerima zakat berbanding membayar hasil zakat tanaman melalui pihak institusi zakat walaupun pelbagai kemudahan infrastruktur pembayaran disediakan. Ini kerana, petani lebih selesa untuk melaksanakan kewajipan membayar zakat mengikut amalan kebiasaan dan selain itu petani sendiri yakin bahawa mereka dapat mengenalpasti golongan asnaf yang layak menerima dana bantuan zakat di samping tanggungjawab melaksanakan kewajipan membayar zakat telah dilaksanakan.



**BAB
ENAM
(6)**

BAB ENAM

KESIMPULAN DAN CADANGAN

6.1 PENDAHULUAN

Merujuk kepada perbincangan secara menyeluruh yang telah dilakukan berkaitan kaedah pembayaran zakat tanaman, kesimpulan dibuat berdasarkan kepada keperluan kajian. Seterusnya beberapa rumusan dibuat bagi memperjelaskan kedudukan sebenar kaedah pembayaran zakat tanaman secara amalnya di kalangan para petani di negeri Selangor dan Perlis. Berpandukan kepada keperluan semasa, beberapa cadangan dikemukakan agar dapat digunapakai dan diaplikasi oleh pelbagai pihak terutamanya petani.

6.2 KESIMPULAN

Kewajipan menunaikan zakat merupakan fardhu yang tidak dinafikan bagi umat Islam dan zakat tanaman merupakan salah satu pembayaran yang diwajibkan ke atas hasil tanaman yang telah cukup kadar nisabnya. Berdasarkan analisis yang dilakukan, kajian dapat disimpulkan seperti berikut:

6.2.1 Kaedah Pengiraan Zakat Tanaman

Kaedah pengiraan zakat tanaman secara kesimpulannya boleh dikelaskan kepada berapa kadar nisab zakat tanaman ditentukan, kadar pengiraan berdasarkan tolakan kos, pengambilkiraan subsidi dalam pengiraan zakat tanaman dan berapa kadar yang ditetapkan untuk mengeluarkan sejumlah zakat daripada hasil tanaman yang diperolehi.

6.2.1.1 Kadar Nisab Zakat Tanaman

Peralihan penggunaan timbangan yang digunakan dari timbangan jenis *wasaq*, gantang, guni, kunca, naleh, cupak dan sebagainya kepada kiraan metrik semasa dalam unit kilogram dan tan adalah bagi memudahkan nilai timbangan dan hasil jualan padi ditentukan.

Padi adalah hasil tanaman yang diwajibkan zakat apabila telah mencapai kadar nisab 1.306 tan di negeri Selangor dan 0.9867 tan di negeri Perlis. Walaubagaimanapun, hasil kajian mendapati keseluruhan petani di Selangor dan Perlis lebih selesa mengukur kadar cukup nisab zakat tanaman mereka dengan ukuran nilai Ringgit Malaysia.

Jadual 6.1: Harga Minimum Jualan Padi Berdasarkan Kadar Cukup Nisab Zakat Tanaman Bagi Negeri Selangor dan Perlis

Negeri	Kadar Nisab Zakat Tanaman	Harga Jualan Padi ¹⁷⁷
	(Tan)	(RM750/tan)
Selangor	1.306	RM979.50
Perlis	0.9867	RM740.02

- Sumber:
- Lembaga Zakat Selangor, <http://www.e-zakat.com.my/baru/k-zakat/pertanian.asp>, 28 September 2010.
 - Majlis Agama Islam dan Adat Istiadat Melayu Perlis (2001), *Panduan Mengeluarkan Zakat*, Kangar: Majlis Agama Islam dan Adat Istiadat Melayu Perlis.
 - Kementerian Pertanian dan Industri Asas Tani Malaysia, http://www.moa.gov.my/web/guest/akt_menteri17, 04 Oktober 2010.

Penentuan kadar nisab zakat tanaman berdasarkan Ringgit Malaysia adalah bergantung kepada nilai harga jualan padi semasa. Harga minimum jualan padi semasa di semenanjung Malaysia adalah RM750.00¹⁷⁸ bagi setiap 1 tan padi. Oleh itu, berdasarkan jadual 6.1 menunjukkan harga padi bagi kadar nisab 1.306 tan adalah

¹⁷⁷ Harga jualan padi ditentukan berdasarkan kepada harga minimum jualan padi di Semenanjung Malaysia iaitu RM750.00 per tan.

¹⁷⁸ Kementerian Pertanian dan Industri Asas Tani Malaysia, http://www.moa.gov.my/web/guest/akt_menteri17, 04 Oktober 2010.

bersamaan dengan RM979.50 dan bagi kadar nisab 0.9867 tan pula bersamaan dengan RM740.02. Namun begitu, hasil kajian mendapati amalan keseluruhan petani di Selangor dan Perlis mengeluarkan zakat hasil tanaman dengan nilai Ringgit Malaysia iaitu apabila hasil jualan padi mencapai jumlah antara RM1000.00 hingga RM1280.00.

6.2.1.2 Kadar Zakat Dengan Tolakan Kos

Terdapat perbezaan dalam kaedah pengiraan zakat tanaman yang ditetapkan oleh Lembaga Zakat Selangor (LZS) dan Majlis Agama Islam dan Adat Istiadat Melayu Perlis (MAIPs). Justeru itu, secara amnya masih tiada penyelarasan dalam pengiraan zakat tanaman di Malaysia. Ini kerana, di Selangor zakat tanaman dibayar dengan hanya mengambilkira tolakan kos pengeluaran tanaman. Manakala Perlis pula mengambilkira tolakan kos pengeluaran tanaman dan kos sara hidup. Sebaliknya dari sudut amalannya pula, kebanyakan petani menggunakan kaedah yang menjadi kebiasaan mereka dalam mengira zakat tanaman iaitu sama ada menolak kos pengeluaran tanaman sahaja, menolak kedua-dua kos iaitu kos pengeluaran tanaman dan kos sara hidup ataupun tidak mengambilkira sebarang tolakan kos iaitu dengan mengeluarkan zakat daripada hasil kasar yang diterima.

6.2.1.3 Pengeluaran Zakat Dengan Kiraan Subsidi Harga Padi

Setiap hasil padi yang dijual kepada pihak BERNAS atau Pertubuhan Peladang Kawasan (PPK) akan menerima subsidi harga padi sebanyak RM248.10 per tan¹⁷⁹. Di negeri Selangor, hasil subsidi yang diterima oleh petani tidak dikenakan zakat tanaman tetapi dikira sebagai zakat *al-māl mustafad* yang dikenakan zakat dengan kadar 2.5 peratus. Berbeza pula dengan Perlis, subsidi harga padi yang diterima tidak dikenakan zakat sama ada dalam zakat tanaman ataupun zakat *al-māl mustafad* kerana ia melihat

¹⁷⁹ Kementerian Pertanian dan Industri Asas Tani Malaysia, http://www.moa.gov.my/web/guest/insentif_padi_n_beras, 04 Oktober 2010.

kepada tujuan subsidi itu sendiri diberikan kepada petani adalah merupakan bantuan daripada pihak kerajaan untuk membantu dan meningkatkan lagi produktiviti dan pengeluaran hasil padi.

Namun begitu, majoriti petani di Selangor membayar zakat ke atas subsidi harga padi yang diterima setelah dikira bersama-sama dengan hasil jualan padi. Namun begitu terdapat juga petani di Selangor yang membayar zakat ke atas subsidi harga padi yang diterima secara berasingan daripada hasil jualan padi. Majoriti responden di Selangor membayar zakat ke atas subsidi harga padi dengan kadar 5 peratus. Begitu juga dengan responden di negeri Perlis. Terdapat petani di negeri Perlis yang turut membayar zakat ke atas subsidi yang diterima dengan kadar 10 peratus setelah dikira bersama-sama dengan hasil yang diperolehi dari jualan padi. Hal ini didapati berlaku kerana terdapat sebahagian responden menyatakan kurangnya pendedahan maklumat dan kefahaman khusus berkaitan pembayaran zakat ke atas subsidi yang diterima. Ini menyebabkan timbulnya kekeliruan dalam menentukan pembayaran zakat ke atas subsidi harga padi yang diterima.

6.2.1.4 Kadar Peratus Pengeluaran zakat

Kadar bayaran zakat tanaman dibayar sama ada dengan kadar 5 peratus, 10 peratus atau 7.5 peratus merujuk kepada jenis pengairan yang digunakan. Kadar bayaran zakat tanaman bagi kedua-dua negeri di Selangor dan Perlis sepertimana yang ditetapkan oleh LZS dan MAIPs adalah dengan kadar 5 peratus. Walaubagaimanapun, terdapat juga petani di Selangor yang membayar zakat tanaman dengan kadar 10 peratus. Kebanyakan petani di Perlis pula membayar zakat tanaman dengan kadar 10 peratus.

6.2.2 Kaedah Saluran Pembayaran Zakat Tanaman

Di Selangor institusi yang bertanggungjawab untuk mengurus segala hal-ehwal yang berkaitan zakat ialah Lembaga Zakat Selangor (LZS). Manakala hal-hal yang berkaitan zakat di Perlis pula diurustadbir di bahagian zakat di bawah Baitulmal, Majlis Agama Islam dan Adat Istiadat Melayu Perlis (MAIPs) termasuk segala urusan kutipan dan agihan dana zakat keseluruhannya.

Pengagihan zakat dilakukan untuk membantu golongan yang memerlukan terdiri daripada lapan asnaf iaitu golongan asnaf fakir, miskin, amil, muallaf, *riqāb*, *ghārimān*, *fī sabīlillah* dan *ibn sabīl* bagi memenuhi keperluan asasi jangka pendek dan jangka panjang mereka.

Selain pembayaran zakat terus disalurkan kepada institusi zakat atau melalui amil yang dilantik secara rasmi, secara amalannya kajian mendapati terdapat juga petani-petani di Selangor dan Perlis yang menyalurkan terus pembayaran zakat tanaman mereka kepada asnaf yang dirasakan layak untuk menerima zakat. Hasil kajian mendapati kebanyakan asnaf-asnaf yang dipilih adalah di kalangan ahli keluarga, waris, jiran dan kawan-kawan mereka sendiri.

6.3 Faktor Wujud Perbezaan Amalan Pembayaran Zakat Tanaman

Setelah meneliti berbagai sudut berkaitan dengan persoalan kajian, penulis melihat antara faktor yang menyebabkan berlakunya perbezaan dalam pelaksanaan sebenar pembayaran zakat tanaman bagi kedua-dua negeri adalah disebabkan kerana;

- i. Kurang Kefahaman Dan Pendedahan Maklumat

Walaupun pelbagai maklumat dan kaedah terkini telah dikeluarkan oleh pihak LZS dan MAIPs, namun masih terdapat petani yang menggunakan kaedah lama atau

kaedah yang menjadi amalan tradisi mereka seperti kaedah pengiraan zakat tanpa tolakan kos, membayar zakat dengan kadar zakat 10 peratus tanpa tolakan sebarang kos seperti yang diamalkan oleh petani di Perlis, membayar zakat daripada subsidi harga padi yang diterima dan sebagainya.

Oleh demikian, pihak pemerintah atau pentadbir zakat perlu mengambil langkah-langkah berterusan dan pihak institusi perlu meningkatkan lagi usaha-usaha penyampaian maklumat kepada petani sama ada melalui media cetak ataupun elektronik. Selain itu, masyarakat dan para petani sendiri khususnya perlu bertindak mengambil tahu dan melibatkan diri dengan program-program yang dianjurkan oleh pihak institusi zakat atau badan-badan lain yang berkaitan.

ii. Hak menunaikan tanggungjawab terlaksana

Oleh kerana petani diberi kepercayaan sepenuhnya oleh pihak institusi zakat dalam aspek pengiraan terutamanya, maka petani bebas menggunakan kaedah-kaedah yang dirasakan sesuai dan menepati kehendak syariat. Berdasarkan kajian yang dilakukan, petani merasa lebih selesa membuat pengiraan zakat tanaman dengan cara amalan kebiasaan yang digunakan untuk mengira jumlah zakat yang perlu dibayar.

Keseluruhan petani membuat pengiraan zakat tanaman sendiri dan setelah diketahui jumlah yang perlu dibayar zakat, bayaran tersebut akan terus diserahkan sama ada kepada institusi zakat, amil atau asnaf. Malah, sesetengah jumlah zakat yang di terima di kaunter zakat pula tidak dinilai semula oleh pegawai-pegawai yang bertugas. Ia cukup sekadar melihat petani telah melaksanakan kewajipan membayar zakat dan menerima bayaran tersebut tanpa sebarang keraguan atau tindakan.

Kekeliruan petani membuat kaedah pengiraan zakat tanaman menggunakan hukum asal tanpa mengambilkira keadaan semasa sebenarnya tidak memberi peluang kepada peningkatan produktiviti perusahaan tanaman padi dan peningkatan kualiti taraf

hidup petani sendiri. Ini kerana kaedah lama yang digunapakai berkemungkinan tidak bersesuaian dengan kos semasa yang ditanggung oleh petani sama ada dalam kos pengeluaran tanaman atau kos perbelanjaan sara hidup diri dan tanggungan. Kaedah terkini yang dikeluarkan oleh institusi zakat sebenarnya perlu sampai kepada pengetahuan petani agar ia dapat membantu petani menentukan status kelayakan berzakat di samping membantu mengurangkan beban petani.

iii. Faktor Amalan Kebiasaan dan Tradisi

Amalan kebiasaan petani dalam membuat pembayaran zakat tanaman sama ada dari sudut pengiraan, saluran pembayaran berkemungkinan boleh disandarkan kepada faktor umur dan taraf pendidikan. Hanya segelintir petani dari generasi muda dan berpendidikan tinggi mempraktik dan mengaplikasi kaedah baru dalam pengiraan zakat tanaman. Ini mungkin kerana mereka lebih terdedah dan prihatin dengan maklumat semasa.

Kebiasaan petani menyalurkan pembayaran zakat tanaman kepada asnaf berlaku disebabkan kerana petani mengambil kesempatan untuk membantu golongan asnaf itu sendiri disamping ia juga lebih mudah dilaksanakan dan menjimatkan masa berbanding perlu pergi ke pejabat atau mana-mana kaunter pembayaran zakat. Oleh kerana zakat boleh disalurkan kepada saluran rasmi ataupun tidak rasmi, maka petani merasakan bahawa apa yang menjadi kepentingan adalah kewajipan dalam melaksanakan pembayaran zakat telah terlaksana walaupun zakat tanaman tersebut tidak disalurkan ke institusi zakat.

Oleh yang demikian, beberapa masalah dan perkara perlu diberi perhatian yang sewajarnya oleh semua pihak sama ada golongan cendekiawan, pemerintah, pentadbir zakat, masyarakat mahupun petani sendiri mengenai permasalahan-permasalahan yang wujud berkaitan dengan zakat tanaman khususnya. Ini kerana kaedah-kaedah dalam

pembayaran zakat tanaman masih lagi tiada keselarasan dan ia perlu bersesuaian dengan keadaan semasa.

Kebebasan penggunaan kaedah yang pelbagai oleh para petani sebenarnya tidak memberikan kesan positif jangka panjang pada banyak pihak. Ini disebabkan kerana pensyariatan zakat sendiri adalah bantuan yang harus diberikan oleh golongan kaya kepada golongan miskin dan sedangkan kebanyakan petani adalah berada di dalam golongan berpendapatan rendah. Kaedah pengiraan tanpa tolakan kos pengeluaran tanaman dan kos sara hidup dilihat tidak dapat membantu meningkatkan taraf sosioekonomi petani khususnya umat Islam sendiri. Amalan membayar zakat terus kepada asnaf juga dilihat kurang sesuai dilakukan secara bebas kerana selain tidak dapat meningkatkan hasil kutipan zakat, peredaran agihan zakat juga berlaku secara tidak seimbang dan tidak merata.

Masalah-masalah ini memerlukan kajian, tindakan dan penyelesaian dari pelbagai pihak untuk memastikan matlamat sebenar tujuan zakat dapat dilaksana dan dicapai. Institusi zakat memainkan peranan penting dan perlu bergerak sepertimana baitulmal di zaman Rasulullah S.A.W yang berfungsi sebagai institusi harta dan kewangan induk dalam negara Islam.

Walaupun, tumpuan usaha untuk meningkatkan taraf hidup dalam masyarakat Islam bukan sahaja menjadi tanggungjawab pemerintah atau pihak tertentu, tetapi turut menjadi tanggungjawab masyarakat bersama. Bagi melaksanakan tanggungjawab ini, Islam telah menyusun sistem ekonomi yang dalam struktur agihan hartanya dapat menjalin rasa persaudaraan di kalangan masyarakat melalui pelbagai sistem seperti zakat, wakaf dan sebagainya.

Selaras dengan itu, pelaksanaan sistem zakat juga bertujuan untuk memberi kedudukan taraf hidup yang terjamin kepada semua individu dalam masyarakat, menyediakan asas pembangunan dan mengecilkan jurang ketidaksamaan pendapatan.

Dalam hal ini Islam juga mengakui adanya perolehan pendapatan yang berbeza dan tingkat pencapaian hidup yang berlainan kerana manusia pada hakikatnya tidak sama.

6.4 CADANGAN

Merujuk kepada permasalahan dan objektif kajian yang ingin dicapai, beberapa cadangan dan saranan dikemukakan untuk diambil perhatian oleh semua pihak yang berkaitan.

6.4.1 Penilaian Semula Pengiraan Zakat Tanaman

Pada masa kini, kadar nisab 5 *ausuq* di nilai menggunakan timbangan metrik semasa bagi memudahkan nilai timbangan dan hasil jualan padi ditentukan. Walaupun pada asasnya timbangan diukur dengan kadar wasaq, namun kadar semasa adalah berbeza antara negeri Selangor dan Perlis malah amalan petani pula menentukan kadar cukup nisab adalah dalam nilai mata wang Ringgit Malaysia.

Walaubagaimanapun, kadar nisab ini perlu sentiasa dikaji dan dinilai dari semasa ke semasa. Kadar cukup nisab bagi 1.306 tan (RM979.50) dan 0.9867 tan (RM740.02) merupakan indikator yang menunjukkan petani wajib mengeluarkan zakat. Namun hasil jualan padi yang diperolehi adalah rendah jika dibandingkan dengan perbelanjaan keperluan asas bulanan bagi individu dan tanggungan. Ini juga kerana jumlah hasil jualan padi yang diterima daripada kadar cukup nisab adalah sumber pendapatan yang diperolehi bagi tempoh 1 musim iaitu mengambil masa selama 6 bulan. Oleh demikian, purata pendapatan petani bagi 1 bulan adalah RM163.25 bagi petani di negeri selangor dan RM123.34 bagi petani di negeri Perlis. Dengan ini menunjukkan bahawa petani masih dikategorikan sebagai golongan yang berpendapatan rendah dan berada di paras bawah garis kemiskinan Malaysia. Justeru

itu, petani bukan sahaja tidak layak mengeluarkan zakat malah layak malah berstatus sebagai penerima wang agihan zakat bagi menampung keperluan hidup serta keluarga.

Disamping itu, dari sudut pengiraan zakat dengan tolakan kos, wujud perbezaan yang didapati menerusi kajian yang dilakukan di antara negeri Selangor dan Perlis dalam pengambilkiraan kos-kos perbelanjaan tanaman dan kos sara hidup. Secara langsung ia akan menghasilkan taksiran pengiraan zakat tanaman yang berbeza dan jumlah zakat yang berbeza. Oleh itu, kaedah pengiraan zakat tanaman memerlukan penelitian umum dan khusus yang berpandukan kepada asas-asas pengiraan zakat yang telah ditetapkan oleh hukum syarak.

Amalan pengurusan tanaman padi masa kini telah mengalami banyak perubahan. Sejajar dengan perkembangan semasa, perkembangan teknologi moden dalam bidang pertanian turut memberi kesan kepada pengurusan tanaman padi. Keseluruhan petani pada masa kini lebih bergantung kepada penggunaan teknologi moden berbanding menggunakan kaedah tradisional yang diamalkan suatu ketika dahulu.

Pengiraan zakat tanaman dengan menolak kos pengeluaran tanaman dan kos sara hidup adalah lebih praktikal dalam keadaan sekarang sama ada bagi petani yang mengusahakan padi secara komersial mahupun secara kecil-kecilan. Evolusi kemasukan teknologi moden dalam bidang pertanian sememangnya mampu meningkatkan pengeluaran hasil pertanian yang lumayan. Justeru itu, ia turut meningkatkan kos-kos modal untuk mengusahakan tanaman sawah.

Bagi petani komersial perbelanjaan yang besar ini mungkin akan memberikan hasil jualan yang berpatutan. Namun, bagi petani yang mengusahakan sawah secara kecil-kecilan yang turut ingin memperolehi hasil pengeluaran yang lebih tinggi dengan menggunakan peralatan-peralatan moden dan input bermutu turut perlu meningkatkan perbelanjaan. Ini menyebabkan hasil yang diperolehi oleh petani secara kecil-kecilan

adalah tidak seberapa dan tidak menguntungkan. Malah apabila hasil yang diperolehi telah mencukupi kadar nisab, petani wajib membayar zakat tanaman hasil dari pengeluaran padi tersebut.

Umat Islam adalah bebas untuk berpegang kepada pendapat mana-mana mazhab selagi ia tidak bertentangan dengan syarak. Fenomena semasa memperlihatkan bahawa kaedah pengiraan zakat tanaman adalah lebih praktikal dengan merujuk kepada pandangan mazhab Ḥanafī iaitu dengan mengambilkira tolakan kos-kos pengurusan tanaman dan kos sara hidup sebelum jumlah zakat ditentukan. Hal demikian dilihat dapat mendatangkan kebaikan malah menggalakkan lagi pengusaha padi mengusahakan tanah mereka dengan lebih giat lagi kerana pengiraan zakat di buat berdasarkan kepada hasil pendapatan bersih. Dengan usaha tersebut, zakat hanya akan dikeluarkan oleh individu yang benar-benar layak dan secara tidak langsung tidak memberi bebanan kepada petani untuk melaksanakan kewajipan agama disamping berupaya untuk membantu meningkatkan taraf hidup petani dan umat Islam khususnya.

Selain itu, zakat tanaman pada masa kini juga dilihat lebih praktikal dengan merujuk kepada kaedah seperti membayar zakat pendapatan. Zakat pendapatan dibayar berdasarkan kepada pendapatan bersih. Ini berdasarkan firman Allah SWT:

لِيُنْفِقَ ذُو سَعَةٍ مِّن سَعَتِهِ ۗ وَمَن قَدِرَ عَلَيْهِ رِزْقُهُ فَلْيُنْفِقْ مِمَّا آتَاهُ اللَّهُ لَا يُكَلِّفُ

اللَّهُ نَفْسًا إِلَّا مَاءً آتَاهَا سَيَجْعَلُ اللَّهُ بَعْدَ عُسْرٍ يُسْرًا ﴿٧﴾

“Hendaklah orang yang mampu memberi nafkah menurut kemampuannya dan orang yang disempitkan rezekinya hendaklah memberi nafkah dari harta yang diberikan Allah kepadanya. Allah tidak memikulkan beban kepada seseorang melainkan sekadar apa yang Allah berikan kepadanya. Allah kelak akan memberikan kelapangan sesudah kesempitan.

Surah al-Ṭāriq (86): 7

Berikut cadangan kaedah pengiraan zakat tanaman dengan mengambilkira jenis-jenis tolakan dalam kos pengeluaran tanaman dan sara hidup.

Jadual 6.2: Cadangan Pengiraan Zakat Tanaman¹⁸⁰

Perkara		Debit	Kredit
		RM	RM
A)	Pendapatan (1 Musim)		XXXX
	i) Hasil Jualan Padi	XXX	
	ii) Perolehan Subsidi harga padi	XXX	
	iii) Insentif-insentif pelbagai	XX	
B)	Perbelanjaan		
	B(1)Kos Pengeluaran Tanaman		XXX
	i) Input bahan pertanian	XX	
	ii) Tenaga Kerja	XX	
	iii) Kos-kos lain	XX	
	B(2) Kos Sara Hidup		XXX
	i) Diri sendiri	XX	
	ii) Isteri	XX	
	iii) Anak	XX	
	iv) Perbelanjaan ibubapa	XX	
	v) Caruman Tabung Haji	XX	
	vi) Hutang Dharuriyyah	XX	
	• Kediaman		
	• Kenderaan		
C)	Pendapatan Bersih (A – B)		XXXX
D)	Jumlah Zakat Yang Dibayar (Kadar Zakat X C)		XX

- Sumber: a) Majlis Agama Islam dan Adat Istiadat Melayu Perlis (2001), *Panduan Mengeluarkan Zakat*, Kangar: Majlis Agama Islam dan Adat Istiadat Melayu Perlis, hh.21-22 dan 29-30.
- b) Lembaga Zakat Selangor, http://www.e-zakat.com.my/baru/k-zakat/kalkulator_pendapatan.asp, 04 Oktober 2010.

Berdasarkan kepada jadual 6.2, kaedah pengiraan zakat tanaman yang dicadangkan adalah dengan mengambilkira tolakan kos pengeluaran tanaman dan perbelanjaan kos sara hidup petani dan tanggungan. Keseluruhan pendapatan kasar yang diperolehi adalah dikira daripada hasil jualan padi, subsidi harga padi dan segala insentif kewangan lain yang diterima.

Persoalannya timbul apabila terdapat petani yang membayar zakat secara berasingan dari pengiraan jualan hasil padi sebagai contoh terdapat beberapa petani di

¹⁸⁰ Cadangan pengiraan zakat tanaman dibentuk dengan merujuk kepada pengiraan zakat tanaman MAIPs dan item dalam pengiraan zakat pendapatan di negeri Selangor dan Perlis. Walaubagaimanapun, menurut Lembaga Zakat Selangor, hanya tolakan kos pengeluaran tanaman sahaja boleh diambilkira dalam pengiraan zakat tanaman. Manakala kos sara hidup tidak diambilkira kerana ia akan melibatkan potongan yang besar dan akan menjejaskan hasil kutipan zakat.

perlis yang membayar zakat ke atas subsidi harga padi berasingan dari pendapatan hasil jualan padi dengan kadar 10 peratus. Ini menyebabkan zakat yang dibayar adalah lebih berganda kerana akat dibayar sebanyak 2 kali. Subsidi harga padi bagi setiap tan hasil yang diterima tidak perlu dikira di dalam zakat tanaman sepertimana yang dikeluarkan oleh MAIPs kerana subsidi merupakan bantuan yang diberikan untuk membantu meningkatkan hasil pengeluaran padi ataupun ia juga boleh dikira sebagai sumber pendapatan lain yang boleh dikenakan zakat *al-māl mustafad* sebanyak 2.5 peratus selepas cukup syarat zakat pendapatan sepertimana yang dinyatakan oleh Majlis Fatwa Negeri Selangor¹⁸¹. Walaubagaimanapun, ia memerlukan kajian yang teliti dan berterusan agar pengiraan subsidi dalam pengiraan zakat tanaman bersesuaian dengan keperluan semasa dan tidak membebankan petani.

Penolakan kos-kos dalam perusahaan tanaman yang melibatkan kos input bahan pertanian, kos tenaga kerja dan lain-lain turut perlu diambilkira dalam pengiraan zakat tanaman disebabkan oleh keperluan semasa. Walaupun petani memperolehi subsidi bahan-bahan input pertanian, sesetengah petani terpaksa mengeluarkan perbelanjaan sendiri untuk membeli baja, racun kawalan makhluk perosak dan sebagainya. Ini kerana jenis kerosakan dan serangan makhluk perosak yang di alami oleh setiap petani adalah berbeza. Begitu juga dengan faktor kadar keluasan tanah yang berbeza memerlukan kepada penggunaan bahan input yang lebih banyak.

Kadar tolakan perbelanjaan asasi atau keperluan *daruriyyah* adalah tertakluk kepada keadaan semasa yang memerlukan kajian secara berkala kerana pengiraan zakat mestilah berdasarkan kepada perbelanjaan sebenar yang berpandukan kadar purata sepatutnya dalam sesebuah negara. Tolakan keperluan perbelanjaan asasi¹⁸² adalah:

¹⁸¹ Enakmen Pentadbiran Agama Islam (Negeri Selangor) 2003 (2005), Fatwa di bawah Seksyen 47 (2), Jil. 58, No.13, h.2.

¹⁸² Hasan Bahrom dan Ezani Yaakub (2006), *Pengurusan Zakat Semasa*, Shah alam: Pusat Penerbit Universiti (UPENA) Universiti Teknologi Mara, h. 53.

- a) Semua perkara yang melibatkan keperluan *daruriyyah*. Ini termasuklah makanan, minuman, pakaian, tempat tinggal, kesihatan, kos keselamatan dan pendidikan.
- b) Ia merangkumi keperluan diri, isteri, anak-anak dan ibu bapa. Kesemua tanggungan ini tidak terhad bilangannya dan tertakluk kepada hukum syarak.
- c) Tolakan pendapatan dari pelbagai sumber yang dibenarkan seperti perbelanjaan untuk menunaikan haji yang diwajibkan iaitu haji yang pertama. Penolakan juga dibenarkan untuk perbelanjaan mengubati diri dan tanggungan, termasuk ibubapa.

Oleh itu, berikut disimpulkan formula mudah kaedah pengiraan zakat tanaman seperti berikut:

Jadual 6.3: Cadangan Formula Mudah Pengiraan Zakat Tanaman

Pendapatan Bersih	=	Jumlah Hasil Jualan Padi – Jumlah Perbelanjaan (Kos Pengeluaran Tanaman+Kos Perbelanjaan Sara Hidup)
Jumlah Bayaran Zakat	=	Baki Hasil Pendapatan Bersih X Kadar Bayaran Zakat

6.4.2 Memperluaskan Pendedahan Maklumat

Kefahaman dan kesedaran yang meluas untuk menyebarkan maklumat berkaitan zakat sama ada melibatkan aspek pengurusan, pengiraan, pembayaran, pengagihan dan sebagainya perlu diberi perhatian sama ada pihak pemerintah, institusi zakat ataupun masyarakat dan golongan petani khususnya. Kepelbagaian usaha dan program-program yang diadakan perlu ditambah mengikut kesesuaian dan permintaan dan perlu dilaksanakan secara berterusan agar ia dapat memberi penyelesaian dalam isu-isu zakat dengan berkesan.

Pertemuan secara terbuka perlu diadakan dari semasa ke semasa di antara pegawai zakat, amil dan petani kerana usaha ini dapat memberi ruang kepada petani untuk mengemukakan masalah-masalah yang timbul berkaitan pembayaran zakat atau sebagainya. Ketika ini pandangan, cadangan dan kritikan boleh dikemukakan dan usaha bersama untuk menyelesaikan pelbagai masalah yang berkaitan sama ada di sektor tanaman padi ataupun pembayaran zakat dapat dilaksanakan secara berkesan.

Selain itu, masyarakat dan petani sendiri haruslah aktif dan turut serta melibatkan diri dengan program-program yang diadakan oleh institusi zakat. Penyertaan daripada orang ramai dalam program-program yang dianjurkan dapat membawa kepada pelbagai pencapaian matlamat oleh semua pihak sama ada dari pihak individu, keluarga, institusi, masyarakat dan negara.

6.4.3 Memperkasa Sistem Pengurusan dan Pentadbiran Zakat

Dalam usaha memperkasa pengurusan zakat pada masa kini terdapat tiga aspek yang perlu dilihat dari tiga dimensi yang berbeza iaitu aspek pungutan, pengagihan dan pentadbiran. Sementara dimensi-dimensinya pula ialah dasar, mekanisma dan pelaksanaan.¹⁸³

Pihak pentadbiran zakat perlu melihat kembali peranan sebenar institusi zakat sebagai sebuah badan yang bertanggungjawab yang mewakili pihak pemerintah untuk mengutip dan mengagih dana zakat. Pihak institusi zakat harus aktif dalam melaksanakan kutipan dan pengagihan zakat serta harus mempunyai satu gagasan idea yang besar, konkrit dan bijaksana agar fungsi zakat iaitu melepasi diri dari bebanan kemiskinan dapat dicapai.

¹⁸³ Mahmood Zuhdi Haji Abdul Majid (2009), "Memperkasa Pengurusan Zakat Di Wilayah Persekutuan", (Kertas kerja ini dibentangkan di Seminar Perancangan Strategik 5 Tahun Majlis Agama Islam Wilayah Persekutuan (MAIWP) Pada 6 November 2009), h.2.

Institusi zakat memainkan peranan penting dalam sistem zakat yang menjadi perantara di antara pembayar dan penerima zakat. Kecekapan sistem zakat pada masa kini memerlukan kepada pengurus dan pegawai-pegawai yang mempunyai ilmu dalam pelbagai aspek termasuk pengurusan, keusahawanan, teknologi dan sebagainya. Dengan itu, ia dapat meningkatkan tahap profesionalisma dalam pengurusan zakat dan secara langsung dapat meningkatkan tahap keyakinan masyarakat untuk membuat sebarang urusan berkaitan pembayaran dan sebagainya. Selain itu, perubahan sikap dan insentif perlu diberi perhatian untuk meningkatkan pemindahan teknologi maklumat dan penyebaran informasi yang lebih menyeluruh dan bersungguh-sungguh.

6.4.4 Perlantikan Amil Yang Produktif

Kebanyakan petani di negeri Selangor dan Perlis membayar zakat tanaman secara kebiasaannya adalah melalui amil. Bagi mereka urusan pembayaran zakat lebih mudah dilakukan berbanding perlu ke kaunter institusi dan sebagainya. Justeru itu,, perlantikan amil perlu dipastikan agar bersesuaian dan pemilihan yang dilakukan dengan lebih teliti dapat memastikan pelantikan amil yang tepat untuk melaksanakan tanggungjawab mengutip zakat. Selain itu, penambahan bilangan amil yang berkualiti juga dapat memastikan saluran pembayaran zakat tanaman khususnya disalurkan ke saluran rasmi zakat.

Oleh itu, pihak institusi perlu memastikan agar perlantikan amil-amil dapat menarik kepercayaan yang tinggi di kalangan para petani. Amil tersebut mestilah seorang yang amanah dan berpengaruh di kalangan penduduk. Amil juga perlu aktif menjalankan tugas memungut hasil zakat dan sentiasa mengambil perhatian terhadap masalah-masalah yang diadukan oleh para petani berkaitan masalah-masalah yang melibatkan pembayaran zakat. Para amil juga perlu memberikan maklumat dan pendedahan terkini kepada petani semasa proses kutipan zakat dilakukan.

6.4.5 Nilai Kepercayaan Terhadap Institusi

Memang tidak dinafikan bahawa saluran pembayaran zakat dibenarkan sama ada melalui institusi zakat atau terus kepada asnaf yang dikenalpasti layak menerima zakat. Namun demikian, tindakan individu membayar terus kepada asnaf mengakibatkan jumlah kutipan di institusi zakat akan berkurangan dan seterusnya menyebabkan berlakunya bocoran dalam kutipan zakat.

Pelbagai bentuk agihan dan bantuan boleh disalurkan kepada golongan asnaf zakat selain berbentuk kewangan seperti bantuan perubatan, pendidikan, keusahawanan, keagamaan dan kecemasan¹⁸⁴. Ini kerana ukuran kemiskinan adalah merupakan satu perkara yang sangat subjektif dan tidak lari dari pertimbangan nilai. Secara umumnya konsep kemiskinan boleh dibahagikan kepada dua iaitu kemiskinan mutlak¹⁸⁵ dan kemiskinan relatif¹⁸⁶.

Asnaf zakat boleh dikategorikan sebagai asnaf yang produktif dan tidak produktif¹⁸⁷. Asnaf yang produktif adalah asnaf yang masih mampu berusaha melakukan pekerjaan. Manakala asnaf yang tidak mampu bekerja seperti berusia lanjut, mempunyai masalah kesihatan, kecacatan kekal dan sebagainya dikenali sebagai asnaf yang tidak produktif. Ini menunjukkan bahawa tidak semestinya semua individu atau keluarga yang dilihat miskin adalah memenuhi kriteria miskin tidak produktif. Oleh itu, keyakinan dan kepercayaan untuk menyalurkan pembayaran zakat kepada

¹⁸⁴ Patmawati Ibrahim (2007), *Peranan Agihan Zakat. Dalam Meningkatkan Tahap Ekonomi Ummah*, (Kertas Kerja Dibentangkan di Konvensyen Zakat dan Cukai Peringkat Kebangsaan 2007 di PWTC, Kuala Lumpur pada 22/5/07 – 24/5/07), h.5.

¹⁸⁵ Kemiskinan mutlak adalah merupakan satu konsep yang menggunakan ukuran yang standard bagi membuat perbandingan tentang keperluan asasi manusia. Pendekatan yang biasa digunakan ialah dari segi pemakanan atau pendekatan biologi yang menjelaskan hubungan antara keperluan minimum bagi mengekalkan kecukupan fizikal atau bagi memenuhi keperluan asas manusia. Kemiskinan mutlak yang digunakan di Malaysia diukur dengan membuat perbandingan antara pendapatan kumpulan isi rumah dengan satu tahap yang dipanggil pendapatan garis kemiskinan (PGK).

¹⁸⁶ Konsep kemiskinan relatif mempunyai hubung kait dengan ketidaksamaan dalam agihan pendapatan. Di mana penilaian terhadap kebajikan seseorang adalah juga bergantung kepada kebajikan orang lain yang dijadikan sebagai perbandingan.

¹⁸⁷ *Ibid.*

institusi zakat perlu dipandang secara positif kerana pengagihan zakat yang dilakukan oleh pihak institusi dapat diuruskan secara merata kepada semua asnaf yang layak menerima zakat mengikut keperluan semasa.

Oleh demikian, pelbagai usaha perlu dipertingkatkan lagi oleh pihak institusi zakat sebagai langkah menambah keyakinan masyarakat petani khususnya seperti melalui keberkesanan prestasi institusi zakat dalam menguruskan hal-hal berkaitan kutipan dan agihan yang juga bertindak sebagai penjamin sosial, anjuran program-program zakat, galakan dan kesedaran dan sebagainya.

6.4.6 Peningkatan Sistem Pembayaran dan Tingkat Teknologi

Kecekapan pengurusan juga boleh digambarkan dengan penyediaan kemudahan dan infrastruktur pembayaran yang mudah didapati seperti membuka mini kaunter, kaunter zakat bergerak di kilang-kilang hasil jualan padi atau di sekitar kawasan-kawasan berhampiran kawasan penanaman padi ketika mula musim menuai dan juga membuka lebih banyak mesin kiosk zakat di kawasan masjid.

Penyelidikan dan R&D perlu dijalankan dari semasa ke semasa yang menjurus kepada penyelesaian masalah petani sama ada dari segi peningkatan teknologi dan bioteknologi dalam sektor pertanian mahupun masalah dalam bidang zakat tanaman.

Para petani turut perlu membuka minda dan sentiasa berusaha ke arah mengembangkan perusahaan tanaman sawah yang menjurus ke arah pertanian komersial dan berdaya saing. Penggunaan peralatan moden berteknologi tinggi masa kini, penyediaan bahan-bahan input pertanian bermutu tinggi dan kepelbagaian projek sawah padi dapat meningkatkan produktiviti pengeluaran hasil padi. Secara langsung dapat meningkatkan sumber pendapatan petani dan seterusnya turut dapat memberikan sumbangan kepada peningkatan dalam hasil kutipan zakat di institusi zakat.

6.4.7 Kepentingan Mendalami Ilmu Pengetahuan

Aspek pendidikan merupakan sesuatu yang penting dalam kehidupan dan zakat juga merupakan kewajipan yang perlu dilaksanakan apabila telah menepati syarat-syaratnya. Islam mengkehendaki supaya manusia berjaya dalam kehidupan dunia dan akhirat iaitu sama ada dalam aspek material ataupun kerohanian. Kemiskinan tidak digemari di dalam Islam kerana kemiskinan boleh membawa seseorang ke arah kekufuran, buruk akhlak. Selain itu, ia membahayakan pemikiran diri dan institusi keluarga serta masyarakat.

Pendidikan, perubahan pemikiran dan imej terhadap sektor pertanian sawah padi harus diterap dan dipupuk dikalangan generasi muda. Perkembangan dan perolehan kejayaan dari sektor ini perlu disebar dan dijadikan contoh agar ia dapat menjadi asas untuk memupuk minat generasi muda dari awal bangku sekolah lagi. Selaras dengan itu, ia dapat menarik minat generasi baru untuk mengambil alih perusahaan pertanian sawah dan meningkatkan lagi produktiviti pengeluaran bukan sahaja untuk tanaman sara diri malah menjadi tanaman komersial. Perkembangan yang berlaku dalam sektor tanaman padi secara tidak langsung turut memberi sumbangan kepada peningkatan hasil kutipan zakat.

6.5 PENUTUP

Zakat selain berfungsi untuk menyucikan diri dan harta, ia turut merupakan ibadah yang merangkumi sistem kewangan, ekonomi, politik sosial dan agama. Semua persoalan zakat perlu difahami dengan lebih mendalam kerana setiap isu dan persoalan memerlukan pendekatan dan pemahaman yang berbeza kerana kewajipan membayar zakat adalah perkara yang tidak boleh dipertikaikan. Umat Islam mestilah bertanggungjawab melaksanakan tuntutan membayar zakat yang telah ditetapkan oleh Allah S.W.T apabila telah memenuhi syarat-syarat wajib mengeluarkan zakat.

Berdasarkan kepada analisis kajian yang dilakukan, walaupun terdapat kaedah-kaedah pengiraan zakat telah ditetapkan oleh LZS dan MAIPs, namun secara amalnya petani masih meneruskan tradisi kaedah pengiraan yang lama yang telah menjadi tradisi kebiasaan mereka. Oleh itu, ini menunjukkan tiada penyelarasan yang seragam dalam kaedah pengiraan zakat tanaman antara petani dan penetapan yang dilakukan oleh institusi zakat di Selangor dan Perlis.

Pembentukan institusi zakat dengan penyediaan infrastruktur yang pelbagai masih lagi tidak digunakan sepenuhnya untuk membuat pembayaran zakat tanaman. Ini kerana masih terdapat petani yang lebih menumpukan arah saluran pembayaran zakat hasil tanaman mereka terus kepada asnaf yang dapat dikenalpasti atau melalui amil. Oleh demikian, pelbagai usaha perlu dijalankan agar matlamat pengagihan zakat dapat dilakukan dengan adil dan saksama. Amil-amil yang dilantik juga perlu dipastikan agar benar-benar berkeelayakan dan profesional dalam melaksanakan tugas dengan sebaiknya.

BIBLIOGRAFI

1) Bahasa Arab

Abū 'Ubayd, Al-Qāsīm bin Salām (1988), *Kitāb al-Amwā'*, Beirut: Dār al-Fikr.

_____ (1968), *al-Amwāl*, Mesir: al-Maktabah al-Kuliyyah al-Azhāriyyah.

Abū Bakar Jābir al-Jazairi (1979), *Minhāj al-Muṣlīm*, Qaherah: Maktabah al-Kuliyyah al-Azhāriyyah.

Abū Dāwud Sulaimān (t.t), *Mukhtaṣar Sunan Abī Dāwud, Bāb al-Zakāh*, Qaherah: al-Maktabah al-Sunnah al-Muḥammadiyyah.

Muḥammad Ibn Ismā'īl, al-Bukhārī (t.t), *al-Jāmi' al-Ṣaḥīḥ, Kitāb al-Zakāh, Bāb Laisa Fīmā Dūna Khamsati Ausūqin Ṣadaqah*, Jil. 1, Qaherah: Maṭba'ah al-Ṣalafiyyah.

_____ (t.t), *Ṣaḥīḥ al-Bukhārī*, Vol. II, Qaherah: Dār al-Ḥadīth.

Muḥammad bin Aḥmad, al-Dusuqī (1996), *Khāsyāh al-Dusuqī*, Jil. 2, Beirut: Dār al-Ma'rifah.

Al-Jassās (1993), *Aḥkām al-Qur'ān*, Jil. 1, Beirut: Dār al-Fikr.

Al-Kasanī (1998), *Badā'ī' al-Ṣanā'ī'*, Jil. 2. Lubnan: Dār Iḥyā' al-Turāth al-'Arābī.

Al-Khaṭīb, Muḥammad al-Syarbinī (1958), *Mughnī al-Muhtāj ilā Ma'rifah Ma'ānī Alfāz al-Minhāj*, Jil.1, Mesir: Syārikah Muṣṭafā al-Bāb al-Ḥalābī.

Al-Khaṭīb al-Syarbinī (1997), *Mughnī al-Muhtāj, Bāb al-Zakāh al-Nābaḥ*, Jil. 1. Beirut: Dār al-Ma'rifah.

Al-Muṭṭī, Muḥammad Najib, (t.t), *Taklimāt al-Majmū' Syarḥ al-Mahadhab*, Jil. 5, Qaherah: Maṭba'ah al-Imām.

Al-Nasa'ī (1992), *Sunan al-Nasa'ī*, ed. 2, Jil. 5, Beirut: Dār al-Ma'rifah.

Al-Nawāwī (1983), *Ṣaḥīḥ Muṣlīm*, Jil. 5. Beirut: Dār al-Fikr.

Muḥyī al-Dīn, al-Nawāwī (1997), *Ṣaḥīḥ Muṣlīm Bi Syarḥ al-Imām al-Nawāwī*, Jil.7, Beirut: Dār-al-Ma'rifah.

Al-Sarakhsi, Syams al-Dīn ((1978), *al-Mabsut*, C.3, Jil.1, Beirut: Dār al-Ma'rifah.

Al-Syāfi'ī (2001), *al-Umm, Kitāb al-Zakāh, Bāb Tafri' Zakāh al-Khuntaḥ*, Jil. 3, Beirut: Dār al-Wafā' Liṭṭiba'āh wa al-Naṣr wa al-Tauzī'.

Al-Zuhaylī (1989), *al-Fiqh al-Islāmī wa 'Adillatuh*, Dimasyq: Dār al-Fikr.

- Ibn al-Humām (1970), *al-Muhallā'*, Jil. 5, Qaherah: Maktabah al-Jamhūriyyah al-'Arābiyyah.
- Ibn Fāris al-Qazwanī (1979), *Mu'jam Maqāyīs al-Lughah*, Vol 3, Mesir: Muṣṭafā al-Ḥalabī.
- Ibn Hazm (t.t), *al-Muhall'*, Jil. 5, Qaherah: al-Maktabah al-Jumhūriyyah al-'Arābiyyah.
- Ibn Qudamah (t.t), *al-Mughnī, Kitāb al-Zakāh, Bāb al-Zakāh wa al-Zurū' wa al-Thimār*, Jil. 4, Riyad: Dār 'Alīm al-Kutub.
- Muḥammad bin Rashīd al-Qurṭubī (1982), *Bidāyatul Mujtahīd wa al-Nihāyatu al-Muqtaṣid, Kitāb al-Zakāh*, Jil. 1, Beirut: Dār al-Ma'rifah.
- Muslīm, Ibn Muslīm al-Qusyairī al-Naisābūrī (t.t), *Al-Jāmi' al-Ṣaḥīḥ, Kitāb al-Zakāh*, Jil. 3, Beirut: al-Maktabah Tujjariyyah.
- Subhi Saleh (1980), *al-Nuzūm al-Islāmiyyah*, Beirut: Dār al-Malāyīn.
- Yaḥyā Ibn Ādam (t.t), *Kitāb al-Kharaj*, Beirut: Dār al-Ma'rifah.
- Al-Qaradāwī, Yūsuf (1969), *Fiqh al-Zakāh*, Beirut: Dar al-Irsyad.
- _____ (1994), *Fiqh al-Zakāh C.21*, Juz. 1, Qaherah: Maktabah Wahbah.
- _____ (1993), *Fiqh al-Zakāh, C. 21*, Beirut: Mu'assasah al-Risālah.

2) Bahasa Inggeris

- Abdul Aziz bin Muhammad (1986), "Zakat And Rural Development In Malaysia: An Ethical Analysis Of The Concepts Of Growth and Redistribution Of Income And Wealth in Islam and their Practices in a Contemporary Muslim Society" (Ph.D thesis, Temple University, USA).
- Abrahamson and Mark (1983), *Social Research*, New Jersey: Prentice Hall.
- Afzal Ur Rahman (1980), *Economic Doctrines of Islam*, Lahore, Pakistan: Islamic Publications Limited.
- Adams, G.R dan Schvaneveldt, J.D. (1985), *Understanding Research Method*, Longman: New York.
- Asmak Ab Rahman, *et. al* (2010), *Assessment Methode for Agriculture Zakah in Malaysia: An Institutional Perspective*, World Applied Sciences Journal 11(12), pp. 1-9.
- Avison David E and Fitzgerald, Guy (1988), *Information Systems Development: Methodologies, Tools and Techniques*, Oxford: Blackwell Scientific Publication.

- Coakes, S.J dan Steed, L.G (1999), *SPSS: Analysis Without Anguish*, John Wiley and Sons: Chichester.
- Fielding, N. dan Schreier, M. (2001), Introduction on the Compatibility Between Qualitative and Quantitative Research Methods, *Forum: Qualitative Social Research-Online Journal*, Vol. 2, No. 1, “<http://qualitative-research.net/fqs-textc/1-01/1-01hrsgs-e.htm>”, 20 November 2010.
- Graziano, A.M. dan Raulin, M. L. (1996), *Research Methods: A Process of Inquiry*, 3rd Edition, Addison Wesley Longman, Inc: New York.
- Krejcie, Robert V. dan Daryle W. Morgan. (1970), “Ditermining Sample Size for Research Activities”, *Educational and Psychological Measurement Journal*, Vol. 30, hh. 607-610.
- ODEC (1996). *The Oxford Compact English Dictionary: edited by Della Thompson*, Oxford University Press: Oxford.
- S. Hadibroto (1965), *Metode Reseachr*, t.p:t.t.

3) Bahasa Melayu

- Ab. Rahim Zakaria (2007), “Pengurusan Zakat Kontemporari”, *Jurnal Pengurusan JWZH*, Jil. 1, Bil. 1, Putrajaya: Jabatan Wakaf, Zakat dan Haji (JAWHAR).
- Abdulhassan Muhammad Sadeq (2003), *Pembangunan Ekonomi Dalam Islam*, Rohani Sulaiman (terj.), Petaling Jaya: Pelanduk Publication (M) Sdn. Bhd.
- Afzal Ur Rahman (1994), *Doktrin Ekonomi Islam*, Zaharah Salleh (terj.), Jil 3, Kuala Lumpur: Dewan Bahasa dan Pustaka.
- Ahmad Mahdzan Ayob (1983), *Kaedah Penyelidikan Sosioekonomi: Satu Pengenalan*, Kuala Lumpur: Dewan Bahasa dan Pustaka.
- _____ (1994), *Pembangunan Pertanian Ekonomi, Dasar dan Bukti Empirik*, Kuala Lumpur: Dewan Bahasa dan Pustaka.
- Amran Yaakub (2001), *Amalan Pengiraan Zakat Padi: Satu Kajian di Rantau Panjang, Kelantan Darul Naim*, (Latihan Ilmiah, Fakulti Sastera dan Sains Sosial, Universiti Malaya).
- Asmak Ab Rahman (2006), “Kepentingan Ekonomi Pertanian Dari Perspektif Islam dan Amalannya Di Kalangan Peswaha Padi di Selangor”, *Jurnal Syariah*, Jil. 14 Bil. 1, Kuala Lumpur: Universiti Malaya.
- Asmak Ab Rahman dan Joni Tamkin Borhan (2005), “Isu Dalam Kutipan Zakat Pertanian: Kajian di Selangor” dalam Abdullah Alwi Hj. Hassan *et.al*, *Teori dan Aplikasi Kontemporari Sistem Ekonomi Islam di Malaysia*. Kuala Lumpur: Utusan Publications and Distributors Sdn. Bhd.

- Asmak Ab Rahman dan Pazim@Fadzim Othman (2005), “Kaedah Taksiran Zakat Padi dan Kesannya Terhadap Petani: Kajian di Selangor”, *Jurnal Syariah*, Jil. 13. Bil. 1., Kuala Lumpur: Universiti Malaya.
- Asmak Ab Rahman *et al.* (2009), “Analisis Kaedah Taksiran Zakat Pertanian di Malaysia” (Kertas Kerja Seminar Ekonomi Islam Peringkat Kebangsaan, 10-11 Februari 2009).
- Bahagian Perniagaantani Lembaga Pertubuhan Peladang (2009), *Manual Pelaksanaan Insentif Pengeluaran Padi (Bantuan Input Kerajaan)*, Kuala Lumpur: Kementerian Pertanian Malaysia.
- Enakmen Pentadbiran Agama Islam (Negeri Selangor) 2003 (2005), Fatwa di Bawah Seksyen 47, Jil. 58, No. 13, h.1.
- Hairunnizam Wahid, Sanep Ahmad dan Mohd Ali Mohd Noor (2005), “Kesan Bantuan Zakat Terhadap Kualiti Hidup Asnaf Fakir dan Miskin” Pascasidang Seminar Ekonomi & Kewangan Islam, Kuala Lumpur: Univision Press Sdn. Bhd.
- Hairunnizam Wahid, Sanep Ahmad dan Radiah Abdul Kader (2009), “Pengagihan zakat oleh institusi zakat kepada lapan asnaf: Kajian di Malaysia” Kertas Kerja di Seminar Ekonomi Islam Peringkat Kebangsaan 2009 (SEIPK09), 10-11 Februari 2009 di Akademi Pengajian Islam Universiti Malaya.
- Hasan Bahrom dan Ezani Yaakub (2006), *Pengurusan Zakat Semasa*, Shah Alam: Pusat Penerbit Universiti (UPENA) Universiti Teknologi Mara.
- Hisham Afandi Semail (1993), “Zakat Pertanian: Pengambilannya Dalam Masyarakat Islam Serta Realiti Pelaksananya, Satu Kajian Khusus di Daerah Kota Bharu Kelantan Darul Naim”, (Latihan Ilmiah Akademi Pengajian Islam, Univerisit Malaya).
- Humam Daud (2004), “Kutipan Zakat Dan Agihannya: Satu Kajian Di Awal Islam”, (Disertasi Jabatan Fiqh dan Usul Akademi Pengajian Islam Universiti Malaya).
- Idris Awang (2009), *Penyelidikan Ilmiah Amalan Dalam Pengajian Islam*, Shah Alam: Kamil & Shakir Sdn. Bhd.
- Ishak Aziz (1993), “Zakat Tanaman: Perlaksanaannya di Kalangan Para Petani di Kedah: Tinjauan Khusus di Daerah Kota Setar, Kedah”, (Latihan Ilmiah Akademi Pengajian Islam, Universiti Malaya).
- Kajian Sampel pada April-Jun 2010.
- Kaslan A. Tohir (1965), *Pengantar Ekonomi Pertanian*, Indonesia: Sumur Bandung.
- Kementerian Pertanian dan Industri Asas Tani Malaysia (2008), *Perangkaan Pertanian 2008*, Putrajaya: Unit Pengurusan Maklumat dan Statistik Jabatan Pertanian, Kementerian Pertanian dan Industri Asas Tani Malaysia.
- Kementerian Pertanian dan Industri Asas Tani Malaysia (2009), *Perangkaan-Agro Makanan 2009*, Putrajaya: Kementerian Pertanian dan Asas Tani Malaysia.

- Mahmood Zuhdi Haji Abdul Majid (2009), “Memperkasa Pengurusan Zakat Di Wilayah Persekutuan”, (Kertas kerja ini dibentangkan di Seminar Perancangan Strategik 5 Tahun Majlis Agama Islam Wilayah Persekutuan (MAIWP) Pada 6 November 2009).
- Mahmood Zuhdi Abdul Majid (2003), *Pengurusan Zakat*, Kuala Lumpur: Dewan Bahasa dan Pustaka.
- Majlis Agama Islam dan Adat Istiadat Melayu Perlis (2001), *Panduan Mengeluarkan Zakat*, Perlis: Majlis Agama Islam dan Adat Istiadat Melayu Perlis.
- Majlis Agama Islam dan Adat Istiadat Melayu Perlis (t.t), *Phamplet Zakat Majlis Agama Islam dan Adat Istiadat Melayu Perlis*, Perlis: Baitulmal, MAIPs.
- Marohaini Yusoff (2001), “Pengutipan dan Pengumpulan Data Perlakuan dan Proses Menulis Karangan dalam Bilik Darjah” dalam *Penyelidikan Kualitatif: Pengalaman Kerja Lapangan Kajian*, Marohaini Yusoff (ed.), Kuala Lumpur: Penerbit Universiti Malaya.
- Mohd. Rozi Ismail (2006), *Pertanian Lestari*, Kuala Lumpur: Dewan Bahasa dan Pustaka.
- Muhammad Abdul Mun`im Al-Jammal (2000), *Ensiklopedia Ekonomi Islam*, Salahuddin Abdullah (terj.), Jil. 1, Kuala Lumpur: Dewan Bahasa dan Pustaka.
- Mujaini Tarimin (1990), *Zakat Pertanian: Sistem Dan Pelaksanannya*. Kuala Lumpur: Dewan Bahasa Dan Pustaka.
- Musa Ahmad, Arifin Md.Salleh & Abdullah Hj Said (2007)*, “Penerokaan Sumber Baru Zakat Di Malaysia”, *Jurnal Pengurusan JWZH*, Jil. 1, Bil. 1, Putrajaya: Jabatan Wakaf, Zakat dan Haji (JAWHAR).
- Nik Hashim Mustapha (1991), *Ekonomi Pengeluaran Pertanian Teori dan Gunaan*, Kuala Lumpur: Dewan Bahasa dan Pustaka.
- Nooh B. Gadot (2009), “Konsep Asnaf Fisabilillah Mengikut Hukum Syarak”, (Kertas Kerja dibentangkan di Seminar Pengagihan Zakat Di Bawah Sinf Fisabilillah anjuran Majlis Agama Islam Wilayah Persekutuan pada 9 jun 2009).
- Norani Mohd Salleh (2001), “Etika dan Penyelidikan Kualitatif” dalam *Penyelidikan Kualitatif: Pengalaman Kerja Lapangan Kajian*, Marohaini Yusoff (ed.) Kuala Lumpur: Penerbit Universiti Malaya.
- Patmawati Hj Ibrahim (2007), “Peranan Agihan Zakat Dalam Meningkatkan Tahap Ekonomi Ummah”, (Kertas kerja dibentangkan dalam Konvensyen Zakat dan Cukai Peringkat Kebangsaan 2007 di PWTC, Kuala Lumpur pada 22-24 Mei 2007).
- Peraturan 72B(1), Undang-Undang Pentadbiran Agama Islam Perlis, Bil. 3/1964.
- Roma Limit (2008), “Kemunduran aktiviti pertanian dan Kesannya ke atas Sosioekonomi Penduduk: Satu Kajian di Kg. Semalatong, Simunjan Sarawak”,

(Latihan Ilmiah, Rancangan Pengajian Kependudukan, Fakulti Sastera dan Sains Sosial Universiti Malaya).

- Sanep Ahmad dan Hairunnizam Wahid (2005), “Sumber Zakat: Perluasan Terhadap Harta Yang Diikhtilaf”, *Jurnal Syariah*, Jil. 13, Bil. 1, hh.135-162.
- Sanep Ahmad dan Harunnizam Wahid (2004), “Persepsi dan Kesedaran Terhadap Perluasan Sumber Zakat Harta Yang Diikhtilaf”, (Kertas Kerja Seminar Halatuju Zakat Korporat Di Alaf Baru, 7-8 Julai 2004) anjuran Kumpulan Kajian Zakat Fakulti Pengajian IslamUKM.
- Sanep Ahmad dan Harunnizam Wahid (2008), “Potensi dan Cabaran Terhadap Perluasan Sumber Zakat Sektor Pertanian” , *Jurnal Manajemen dan Bisnis*, Jil 12, Bil, 1, hh. 66-76.
- Sanep Ahmad, Hairunnizam Wahid dan Adnan Mohamad (2005), “Penswastaan Institusi Zakat dan Kesannya Terhadap Pembayaran Secara Formal di Malaysia”, Pascasidang Seminar Ekonomi & Kewangan Islam. Kuala Lumpur: Univision Press Sdn. Bhd., hh. 251-264.
- Surtahman Kastin Hassan *et al.* (1997), *Sektor Pertanian Ke Arah Pembentukan Negara Perindustrian*, Kuala Lumpur: Dewan Bahasa dan Pustaka.
- Suseela Malakolunthu (2001), “Pengumpulan dan Analisis Data Kualitatif: Satu Imbasan” dalam *Penyelidikan Kualitatif: Pengalaman Kerja Lapangan Kajian*, Marohaini Yusoff (ed.), Kuala Lumpur: Penerbit Universiti Malaya.
- Tan Poo Chang, Halimah Awang dan Ng Sor Tho (1994), *Pengenalan Statistik*, Kuala Lumpur: Penerbit Fajar Bakti Sdn. Bhd.
- Zainal Mat Saat (1985), *Pengantar Statistik*, Kuala Lumpur: Penerbit Fajar Bakti Sdn. Bhd.
- Zulkefly Abdul Karim, Mohd. Azlan Shah Zaidi dan Hairunnizam Wahid (2004), “Pendapatan dan Sasaran Perbelanjaan Dana Zakat: Pengalaman di Negeri Perak, Kedah, Selangor dan Negeri Sembilan” Prosiding Muzakarah Pakar Zakat, Kuala Lumpur: Univision Press Sdn Bhd.

4) Laman Web

Baitulmal Majlis Agama Islam dan Adat Istiadat Melayu Perlis, <http://maip.perlis.gov.my/>

Baitulmal Majlis Agama Islam Negeri Sarawak, <http://www.tabung-baitulmal-sarawak.org.my/>

Jabatan Pertanian <http://www.doa.gov.my/>

<http://www.kpkt.gov.my/>

Kementerian Dalam Negeri Koperasi dan Kepenggunaan, <http://www.kpdnkk.gov.my/>

Kementerian Pertanian dan Industri Asas Tani Malaysia, <http://apps.moa.my/>

Lembaga Kemajuan Pertanian Muda, <http://www.mada.gov.my>

Lembaga Zakat Selangor, <http://web.e-zakat.com.my/baru>

Majlis Agama Islam Wilayah Persekutuan (MAIWP), <http://www.maiwp.gov.my/>

Perbadanan Kemajuan Pertanian Selangor, <http://pertanian.selangor.gov.my/>

5) Temubual

Perbualan bersama Encik Mohd. Zairi, Penolong Pegawai Pertanian Bahagian Padi, Jabatan Pertanian Kuala Selangor melalui telefon pada 21 Julai 2010.

Perbualan bersama Encik Razi, Pegawai di Jabatan Pertanian Beseri Perlis melalui telefon pada 30 Julai 2010.

Perbualan bersama Encik Samsuri, Ketua Unit Padi, Pejabat Pertanian Daerah Sabak Bernam melalui telefon pada 22 Julai 2010.

Temubual bersama Encik Khairi Wahab, Pegawai Taksir Bahagian Kutipan Zakat dan Ustaz Mohd Hashim, Pegawai Bahagian Penerangan Zakat, Baitulmal Majlis Agama Islam dan Adat Istiadat Melayu Perlis pada 19 Januari 2010 jam 10.00 pagi di Bangunan Baitulmal, MAIPs.

Temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor pada 08 Februari 2010 jam 10.00 pagi di Menara Selatan, Lembaga Zakat Selangor, Shah Alam.

Temubual bersama Encik Mohd Faryzan Subkhi, Pegawai Zakat Bahagian Dakwah dan Kutipan, Lembaga Zakat Selangor melalui e-mel: faryzan@e-zakat.com.my.